

| अथ सप्तमं मण्डलम् |

(25)

1

(म.7, अनु.1)

ऋषिः वसिष्ठः मैत्रावरुणिः

छन्दः विराट् 1-18, त्रिष्टुप् 19-25

देवता अग्निः

अग्निं नरो दीधितिभिररण्योर्हस्तच्युती जनयन्त प्रशस्तम् । दूरेदृशं गृहपतिमथुर्युम् || 1 ||

तमग्निमस्ते वसवो न्यृण्वन्त्सुप्रतिचक्षमवसे कुर्तश्चित् । दक्षाय्यो यो दम् आसु नित्यः || 2 ||

प्रेद्धो अग्रे दीदिहि पुरो नोऽजस्रया सूम्यां यविष्ठ । त्वां शश्वन्तु उपं यन्ति वाजाः || 3 ||

प्र ते अग्रयोऽग्निभ्यो वरुं निः सुवीरासः शोशुचन्त द्युमन्तः । यत्रा नरः समासते सुजाताः || 4 ||

दा नो अग्रे धिया रयिं सुवीरं स्वपत्यं सहस्य प्रशस्तम् । न यं यावा तरति यातुमावान् || 5 ||

उप यमेति युवतिः सुदक्षं दोषा वस्तोर्हविष्मती घृताचीं । उप स्वैनमरमतिर्वसूयुः || 6 ||

विश्वा अग्रेऽपं दहारातीर्येभिस्तपोभिरदहो जरूथम् । प्र निस्वरं चातयस्वामीवाम् || 7 ||

आ यस्तै अग्र इधृते अनीकं वसिष्ठ शुक्र दीदिवः पावक।उतो न एभिः स्त्वथैरिह स्याः || 8 ||

वि ये ते अग्रे भेजिरे अनीकं मर्ता नरः पित्र्यासः पुरुत्रा।उतो न एभिः सुमना इह स्याः || 9 ||

इमे नरो वृत्रहृत्येषु शूरा विश्वा अदेवीरभि संन्तु मायाः।ये मे धियं पुनयन्त प्रशस्ताम् || 10 ||

मा शूनं अग्रे नि षदाम नृणां माशेषसोऽवीरता परिं त्वा । प्रजावतीषु दुर्यासु दुर्य || 11 ||

यमश्वी नित्यमुपयाति यज्ञं प्रजावन्तं स्वपत्यं क्षयं नः । स्वजन्मना शेषसा वावृधानम् || 12 ||

पाहि नो अग्रे रक्षसो अजुष्टात्पाहि धूर्तेरररुषो अघायोः । त्वा युजा पृतनार्यूरभि ष्याम् || 13 ||

सेदग्निर्गौरत्यस्त्वन्यान्यत्र वाजी तनयो वीळुपाणिः । सहस्रपाथा अक्षरां समेति || 14 ||

सेदग्निर्यो वनुष्यतो निपातिं समेद्धारमंहस उरुष्यात् । सुजातासः परिं चरन्ति वीराः || 15 ||

अयं सो अग्निराहुतः पुरुत्रा यमीशानः समिदिन्धे हविष्मान् । परि यमेत्यध्वरेषु होता || 16 ||

त्वे अग्र आहवनानि भूरीशानासु आ जुहुयाम् नित्या । उभा कृण्वन्तो वहतू मियेधे || 17 ||

इमो अग्रे वीततमानि हव्याजस्रो वक्षि देवतातिमच्छ । प्रति न ईं सुरभीणि व्यन्तु || 18 ||

मा नो अग्रेऽवीरते परां दा दुर्वाससेऽमृतये मा नो अस्यै |

मा नः क्षुधे मा रक्षसं ऋतावो मा नो दमे मा वन आ जुहूर्थाः || 19 ||

नू मे ब्रह्माण्यग्न उच्छशाधि त्वं देव मघवन्नः सुषूदः |

रातौ स्यामोभयासु आ ते यूयं पात स्वस्तिभिः सदा नः || 20 ||

त्वमग्रे सुहवो रण्वसंहकसुदीती सूनो सहसो दिदीहि |

मा त्वे सचा तनये नित्य आ धृङ्मा वीरो अस्मन्नर्यो वि दासीत् || 21 ||

मा नो अग्रे दुर्भृतये सचेषु देवेद्धैष्वग्निषु प्र वौचः |

मा ते अस्मान्दुर्मृतयो भूमाञ्चिद्वेवस्य सूनो सहसो नशन्त || 22 ||

स मर्तो अग्रे स्वनीक रेवानमर्त्ये य आजुहोति हव्यम् |

स देवता वसुवनिं दधाति यं सूरिरुथीं पृच्छमान एति || 23 ||

महो नो अग्रे सुवितस्य विद्वान्नयिं सूरिभ्य आ वहा बृहन्तम् |

येन वयं सहसावन्मदेमाविक्षितास आयुषा सुवीराः || 24 ||

नू मे ब्रह्माण्यग्र उच्छशाधि त्वं देव मघवद्भ्यः सुषूदः ।
रातौ स्यामोभयासु आ ते यूयं पात स्वस्तिभिः सदा नः ॥ 25 ॥
। इति पञ्चमाष्टके प्रथमोऽध्यायः समाप्तः ।

(द्वितीयोऽध्यायः ॥ वर्गाः 1-30)

(11)

2

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता इध्मः समिद्धः अग्निः वा 1,
नराशंसः 2, इळः 3, बर्हिः 4, देवीद्वारः 5, उषासानक्ता 6, दैव्यौ होतारौ प्रचेतसौ 7,		
तिस्रः देव्यः सरस्वतीळाभारत्यः 8, त्वष्टा 9, वनस्पतिः 10, स्वाहाकृतयः 11		

जुषस्व नः समिधमग्रे अद्य शोचा बृहर्घजतं धूममृण्वन्	
उप स्पृश दिव्यं सानु स्तूपैः सं रश्मिभिस्ततनः सूर्यस्य	॥ 1 ॥
नराशंसस्य महिमानमेषामुप स्तोषाम यजतस्य यज्ञैः	
ये सुक्रतवः शुचयो धियंधाः स्वदन्ति देवा उभयानि हव्या	॥ 2 ॥
ईळैन्यं वो असुरं सुदक्षमन्तर्दूतं रोदसी सत्यवाचम्	
मनुष्वदग्निं मनुना समिद्धं समध्वराय सदमिन्महेम	॥ 3 ॥
सपर्यवो भरमाणा अभिज्ञु प्र वृञ्जते नमसा बर्हिरग्नौ	
आजुह्वाना घृतपृष्ठं पृषद्वध्वर्यवो हविषा मर्जयध्वम्	॥ 4 ॥
स्वाध्योर् वि दुरो देव्यन्तोऽशिश्रयू रथयुर्देवताता	
पूर्वा शिशुं न मातरा रिहाणे समग्रवो न समनेष्वञ्जन्	॥ 5 ॥
उत योषणे दिव्ये मही न उषासानक्ता सूदुर्घेव धेनुः	
बर्हिषदा पुरुहूते मघोनी आ यज्ञिये सुविताय श्रयेताम्	॥ 6 ॥
विप्रा यज्ञेषु मानुषेषु कारू मन्ये वां जातवैदसा यजध्वे	
ऊर्ध्वं नो अध्वरं कृतं हवेषु ता देवेषु वनथो वार्याणि	॥ 7 ॥
आ भारती भारतीभिः सजोषा इळा देवैर्मानुष्येभिरग्निः	
सरस्वती सारस्वतेभिर्वाक् तिस्रो देवीर्बर्हिरेदं सदन्तु	॥ 8 ॥
तन्नस्तुरीपमध पोषयित्वा देव त्वष्टृर्वि रराणः स्यस्व	
यतो वीरः कर्मण्यः सुदक्षो युक्तग्रावा जायते देवकामः	॥ 9 ॥
वनस्पतेऽव सृजोप देवान्निर्हविः शमिता सूदयाति	
सेदु होता सत्यतरो यजाति यथा देवानां जनिमानि वेदं	॥ 10 ॥
आ याह्यग्रे समिधानो अर्वाडिन्द्रैण देवैः सरथं तुरेभिः	
बर्हिर्न आस्तामर्दितिः सुपुत्रा स्वाहा देवा अमृता मादयन्ताम्	॥ 11 ॥

(10)

3

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता अग्निः
---------------------------	------------------	--------------

अग्निं वो देवमग्निभिः सजोषा यजिष्ठं दूतमध्वरे कृणुध्वम्	
यो मर्त्येषु निध्विर्विर्हतावा तपुर्मूर्धा घृतान्नः पावकः	॥ 1 ॥
प्रोथदध्वो न यवसेऽविष्यन्दा महः संवरणाद्ध्यस्थात्	

आदस्य वातो अनु वाति शोचिरधं स्म ते व्रजनं कृष्णमस्ति	॥ 2 ॥
उद्यस्य ते नवजातस्य वृष्णोऽग्रे चरन्त्यजरा इधानाः	
अच्छा घामरुषो धूम एति सं दूतो अग्र ईयसे हि देवान्	॥ 3 ॥
वि यस्य ते पृथिव्यां पाजो अश्रेत्तृषु यदन्ना समवृक्त जम्भैः	
सेनेव सृष्टा प्रसितिष्ट एति यवं न दस्म जुह्वा विवेक्षि	॥ 4 ॥
तमिद्दोषा तमुषसि यविष्ठमग्रिमत्यं न मर्जयन्तु नरः	
निशिशाना अतिथिमस्य योनौ दीदाय शोचिराहुतस्य वृष्णः	॥ 5 ॥
सुसंहकै स्वनीक प्रतीकं वि यद्रुक्मो न रोचस उपाके	
दिवो न ते तन्यतुरेति शुष्मश्चित्रो न सूरः प्रति चक्षि भानुम्	॥ 6 ॥
यथा वः स्वाहाग्रये दाशेम् परीळाभिर्घृतवद्भिश्च हव्यैः	
तेभिर्नो अग्रे अर्मितैर्महोभिः शतं पूभिरायसीभिर्नि पाहि	॥ 7 ॥
या वा ते सन्ति दाशुषे अधृष्टा गिरौ वा याभिर्नृवतीरुरुष्याः	
ताभिर्नः सूनो सहसो नि पाहि स्मत्सूरीञ्जरितृञ्जातवेदः	॥ 8 ॥
निर्यत्पूतेव स्वधितिः शुचिर्गात्स्वया कृपा तन्वाऽ रोचमानः	
आ यो मात्रोरुशेन्यो जनिष्ट देव्यज्याय सुक्रतुः पावकः	॥ 9 ॥
एता नो अग्रे सौभगा दिदीह्यपि क्रतुं सुचेतसं वतेम	
विश्वा स्तोतृभ्यो गृणते च सन्तु यूयं पात स्वस्तिभिः सदा नः	॥ 10 ॥

(10)

4

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता अग्निः
---------------------------	------------------	--------------

प्र वः शुक्राय भानवे भरध्वं हव्यं मतिं चाग्रये सुपूतम्	
यो दैव्यानि मानुषा जनुष्यन्तर्विश्वानि विद्मना जिगाति	॥ 1 ॥
स गृत्सो अग्निस्तरुणश्चिदस्तु यतो यविष्ठो अजनिष्ट मातुः	
सं यो वना युवते शुचिदन्भूरि चिदन्ना समिदति सद्यः	॥ 2 ॥
अस्य देवस्य संसद्यनीके यं मर्तासः श्येतं जगृभ्रे	
नि यो गृभं पौरुषेयीमुवोच दुरोकमग्रिरायवे शुशोच	॥ 3 ॥
अयं कविरकविषु प्रचेता मर्तेष्वग्रिरमृतो नि धायि	
स मा नो अत्र जुहुरः सहस्वः सदा त्वे सुमनसः स्याम	॥ 4 ॥
आ यो योनिं देवकृतं ससाद क्रत्वा ह्यश्रिर्मृता अतारीत्	
तमोषधीश्च वनिनश्च गर्भं भूमिश्च विश्वधायसं बिभर्ति	॥ 5 ॥
ईशे ह्यश्रिर्मृतस्य भूरेरीशे रायः सुवीर्यस्य दातोः	
मा त्वा वयं सहसावन्नवीरा माप्सवः परि षदाम् मादुवः	॥ 6 ॥

परिषद्ग्रं ह्यरणस्य रेक्णो नित्यस्य रायः पतयः स्याम	
न शेषो अग्रे अन्यजातमस्त्यचेतानस्य मा पथो वि दुक्षः	॥ 7 ॥
नहि ग्रभयारणः सुशेवोऽन्योदर्यो मनसा मन्त्वा उ	
अर्धा चिदोक्तः पुनरित्स एत्या नो वाज्यभीषाळेतु नव्यः	॥ 8 ॥
त्वमग्रे वनुष्यतो नि पाहि त्वमु नः सहसावन्नवद्यात्	
सं त्वा ध्वस्मन्वदभ्येतु पाथः सं रयिः स्पृहयाय्यः सहस्री	॥ 9 ॥
एता नो अग्रे सौभगा दिदीह्यपि क्रतुं सुचेतसं वतेम	
विश्वा स्तोतृभ्यो गृणते च सन्तु यूयं पात स्वस्तिभिः सदा नः	॥ 10 ॥

(9)

5

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता वैश्वानरः अग्निः
---------------------------	------------------	------------------------

प्राग्रयै तवसै भरध्वं गिरं दिवो अरतयै पृथिव्याः	
यो विश्वेषाममृतानामुपस्थै वैश्वानरो वावृधे जागृवद्भिः	॥ 1 ॥
पृष्टो दिवि धाय्यग्निः पृथिव्यां नेता सिन्धूनां वृषभः स्तियानाम्	
स मानुषीरुभि विशो वि भाति वैश्वानरो वावृधानो वरेण	॥ 2 ॥
त्वद्भिया विशा आयन्नसिक्रीरसमना जहतीर्भोजनानि	
वैश्वानर पूरवे शोशुचानः पुरो यदग्रे दरयन्नदीदेः	॥ 3 ॥
तव त्रिधातुं पृथिवी उत द्यौर्वैश्वानर व्रतमग्रे सचन्त	
त्वं भासा रोदसी आ तन्थाजस्रेण शोचिषा शोशुचानः	॥ 4 ॥
त्वामग्रे हरितो वावशाना गिरः सचन्ते धुनयो घृताचीः	
पतिं कृष्टीनां रुथ्यं रयीणां वैश्वानरमुषसां केतुमह्वाम्	॥ 5 ॥
त्वे असुर्यं वसवो न्यृण्वन्क्रतुं हि ते मित्रमहो जुषन्त	
त्वं दर्युरोकसो अग्र आज उरु ज्योतिर्जनयन्नार्याय	॥ 6 ॥
स जायमानः परमे व्योमन्वायुर्न पाथः परि पासि सद्यः	
त्वं भुवना जनयन्नभि क्रन्नपत्याय जातवेदो दशस्यन्	॥ 7 ॥
तामग्रे अस्मे इषमेरयस्व वैश्वानर द्युमतीं जातवेदः	
यया राधः पिन्वसि विश्ववार पृथु श्रवो दाशुषे मर्त्याय	॥ 8 ॥
तं नो अग्रे मघवद्भ्यः पुरुक्षुं रयिं नि वाजं श्रुत्यं युवस्व	
वैश्वानर महि नः शर्म यच्छ रुद्रेभिरग्रे वसुभिः सजोषाः	॥ 9 ॥

ऋषिः वसिष्ठः मैत्रावरुणिः

छन्दः त्रिष्टुप्

देवता वैश्वानरः अग्निः

प्र सम्राजो असुरस्य प्रशस्तिं पुंसः कृष्टीनामनुमाद्यस्य	
इन्द्रस्येव प्र त्वसस्कृतानि वन्दे दारुं वन्दमानो विवक्मि	॥ 1 ॥
कविं केतुं धासिं भानुमद्रेहिन्वन्ति शं राज्यं रोदस्योः	
पुरंदरस्य गीर्भिरा विवासेऽग्रेत्रतानि पूर्व्या महानि	॥ 2 ॥
न्यक्रतून्ग्रथिनो मृध्रवाचः पूर्णोरश्रद्धाँ अवृधाँ अयज्ञान्	
प्रप्र तान्दस्यूरग्निर्विवायु पूर्वश्चकारापराँ अयज्यून्	॥ 3 ॥
यो अपाचीने तमसि मदन्तीः प्राचीश्चकार नृतमः शचीभिः	
तमीशानं वस्वो अग्निं गृणीषेऽनानतं दमयन्तं पृतन्यून्	॥ 4 ॥
यो देह्यो रे अनमयद्वधस्त्रैर्यो अर्यपत्नीरुषसश्चकार	
स निरुध्या नहुषो यद्वा अग्निर्विशश्चक्रे बलिहतः सहोभिः	॥ 5 ॥
यस्य शर्मन्नुप विश्वे जनासु एवैस्तस्थुः सुमतिं भिक्षमाणाः	
वैश्वानरो वरुमा रोदस्योराग्निः संसाद पित्रोरुपस्थम्	॥ 6 ॥
आ देवो ददे बुध्या रे वसूनि वैश्वानर उदिता सूर्यस्य	
आ समुद्रादवरादा परस्मादाग्निर्ददे दिव आ पृथिव्याः	॥ 7 ॥

ऋषिः वसिष्ठः मैत्रावरुणिः

छन्दः त्रिष्टुप्

देवता अग्निः

प्र वो देवं चित्सहसानमग्निमश्वं न वाजिनं हिषे नमोभिः	
भवा नो दूतो अध्वरस्य विद्वान्त्मना देवेषु विविदे मितद्रुः	॥ 1 ॥
आ याह्यग्रे पृथ्या रे अनु स्वा मन्द्रो देवानां सुख्यं जुषाणः	
आ सानु शुष्मैर्नदयन्पृथिव्या जम्भोभिर्विश्वमुशधुग्वनानि	॥ 2 ॥
प्राचीनो यज्ञः सुधितं हि बर्हिः प्रीणीते अग्निरीळितो न होता	
आ मातरा विश्ववारे हुवानो यतो यविष्ठ जज्ञिषे सुशेवः	॥ 3 ॥
सद्यो अध्वरे रथिरं जनन्त मानुषासो विचेतसो य एषाम्	
विशामंधायि विशपतिर्दुरोणे रेग्निर्मन्द्रो मधुवचा ऋतावा	॥ 4 ॥
असादि वृतो वह्निराजगन्वानग्निर्ब्रह्मा नृषदने विधुता	
द्यौश्च यं पृथिवी वावृधाते आ यं होता यजति विश्ववारम्	॥ 5 ॥
एते द्युम्नेभिर्विश्वमातिरन्त मन्त्रं ये वारं नर्या अतक्षन्	
प्र ये विशस्तिरन्त श्रोषमाणा आ ये मे अस्य दीधयन्नृतस्य	॥ 6 ॥

नू त्वामग्र ईमहे वसिष्ठा ईशानं सूनो सहस्रो वसूनाम् ।
इषं स्तोतृभ्यो मघवद्भ्य आनड्युयं पात स्वस्तिभिः सदा नः ॥ 7 ॥

(7)

8

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता अग्निः
---------------------------	------------------	--------------

इन्धे राजा समर्यो नमोभिर्यस्य प्रतीकमाहुतं घृतेन ।
नरो हव्येभिरीळते सुबाधु आग्रिरग्र उषसामशोचि ॥ 1 ॥
अयमु ष्य सुमहाँ अवेदि होता मन्द्रो मनुषो यद्वा अग्निः ।
वि भा अंकः ससृजानः पृथिव्यां कृष्णापविरोषधीभिर्वक्षे ॥ 2 ॥
कया नो अग्ने वि वसः सुवृक्तिं कामु स्वधामृणवः शस्यमानः ।
कदा भवेम् पतयः सुदत्र रायो वन्तारो दुष्टरस्य साधोः ॥ 3 ॥
प्रप्रायमग्निर्भरतस्य शृण्वे वि यत्सूर्यो न रोचते बृहद्भाः ।
अभि यः पूरुं पृतनासु तस्थौ द्युतानो दैव्यो अतिथिः शुशोच ॥ 4 ॥
असन्नित्त्वे आहवनानि भूरि भुवो विश्वेभिः सुमना अनीकैः ।
स्तुतश्चिदग्रे शृण्विषे गृणानः स्वयं वर्धस्व तन्वं सुजात ॥ 5 ॥
इदं वचः शतसाः संसहस्रमुदग्रये जनिषीष्ट द्विबर्हीः ।
शं यत्स्तोतृभ्य आपये भवाति द्युमदमीवचातनं रक्षोहा ॥ 6 ॥
नू त्वामग्र ईमहे वसिष्ठा ईशानं सूनो सहस्रो वसूनाम् ।
इषं स्तोतृभ्यो मघवद्भ्य आनड्युयं पात स्वस्तिभिः सदा नः ॥ 7 ॥

(6)

9

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता अग्निः
---------------------------	------------------	--------------

अबोधि जार उषसामुपस्थाद्धोता मन्द्रः क्वितमः पावकः ।
दधाति केतुमुभयस्य जन्तोर्हव्या देवेषु द्रविणं सुकृत्सु ॥ 1 ॥
स सुक्रतुर्यो वि दुरः पणीनां पुनानो अर्कं पुरुभोजसं नः ।
होता मन्द्रो विशां दमूनास्तिरस्तमो ददशे राम्याणाम् ॥ 2 ॥
अमूरः क्विरदितिर्विस्वान्तसुसंसन्मित्रो अतिथिः शिवो नः ।
चित्रभानुरुषसां भात्यग्रेऽपां गर्भः प्रस्वश् आ विवेश ॥ 3 ॥
ईळैन्यो वो मनुषो युगेषु समनगा अशुचज्जातवेदाः ।
सुसंहशा भानुना यो विभाति प्रति गावः समिधानं बुधन्त ॥ 4 ॥
अग्रं याहि दूत्यं मा रिषण्यो देवाँ अच्छा ब्रह्मकृता गुणेन ।
सरस्वतीं मरुतो अश्विनापो यक्षि देवान् रत्नधेयाय विश्वान् ॥ 5 ॥

त्वामग्ने समिधानो वसिष्ठो जरूथं हन्यक्षिं राये पुरंधिम् ।
पुरुणीथा जातवेदो जरस्व यूयं पात स्वस्तिभिः सदा नः ॥ 6 ॥

(5)

10

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता अग्निः
---------------------------	------------------	--------------

उषो न जारः पृथु पाजो अश्रेद्विद्युतद्दीद्यच्छोशुचानः ।
वृषा हरिः शुचिरा भाति भासा धियो हिन्वान उशतीरजीगः ॥ 1 ॥
स्वर्षुण वस्तोरुषसामरोचि यज्ञं तन्वाना उशिजो न मन्म
अग्निर्जन्मानि देव आ वि विद्वान्द्रवदूतो देव्यावा वनिष्ठः ॥ 2 ॥
अच्छा गिरो मृतयो देव्यन्तीरग्निं यन्ति द्रविणं भिक्षमाणाः
सुसंष्टशं सुप्रतीकं स्वञ्च हव्यवाहमरतिं मानुषाणाम् ॥ 3 ॥
इन्द्रं नो अग्ने वसुभिः सजोषा रुद्रं रुद्रेभिरा वहा बृहन्तम्
आदित्येभिरदितिं विश्वजन्यां बृहस्पतिमृकभिर्विश्ववारम् ॥ 4 ॥
मन्द्रं होतारमुशिजो यविष्ठमग्निं विश ईळते अध्वरेषु
स हि क्षपावाँ अभवद्रयीणामतन्द्रो दूतो यजथाय देवान् ॥ 5 ॥

(5)

11

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता अग्निः
---------------------------	------------------	--------------

महाँ अस्यध्वरस्य प्रकेतो न ऋते त्वदमृता मादयन्ते ।
आ विश्वेभिः सरथं याहि देवैर्यग्ने होता प्रथमः सदेह ॥ 1 ॥
त्वामीळते अजिरं दूत्याय हविष्मन्तः सद्मिन्मानुषासः
यस्य देवैरासदो बर्हिरग्नेऽहान्यस्मै सुदिना भवन्ति ॥ 2 ॥
त्रिश्चिदुक्तोः प्र चिकितुर्वसूनि त्वे अन्तर्दाशुषे मर्त्याय
मनुष्वदग्र इह यक्षि देवान्भवा नो दूतो अभिशस्तिपावा ॥ 3 ॥
अग्निरीशे बृहतो अध्वरस्याग्निर्विश्वस्य हविषः कृतस्य
क्रतुं ह्यस्य वसवो जुषन्ताथा देवा दधिरे हव्यवाहम् ॥ 4 ॥
आग्ने वह हविरघाय देवानिन्द्रज्येष्ठास इह मादयन्ताम्
इमं यज्ञं दिवि देवेषु धेहि यूयं पात स्वस्तिभिः सदा नः ॥ 5 ॥

(3)

12

(म.7, अनु.1)

ऋषिः वसिष्ठः मैत्रावरुणिः	छन्दः त्रिष्टुप्	देवता अग्निः
---------------------------	------------------	--------------

अगन्म महा नमसा यविष्ठं यो दीदाय समिद्धः स्वे दुरोणे ।
चित्रभानुं रोदसी अन्तरुर्वी स्वाहुतं विश्वतः प्रत्यञ्चम् ॥ 1 ॥
स महा विश्वा दुरितानि साह्वानग्निः ष्ट्वे दम् आ जातवेदाः ।

स नो रक्षिषद्दुरितादवद्यादस्मान्गणत उत नो मघोनः ॥ 2 ॥
 त्वं वरुण उत मित्रो अग्रे त्वां वर्धन्ति मतिभिर्वसिष्ठाः |
 त्वे वसु सुषणुनानि सन्तु यूयं पात स्वस्तिभिः सदा नः ॥ 3 ॥

(3) **13** (म.7, अनु.1)

ऋषिः वसिष्ठः मैत्रावरुणिः छन्दः त्रिष्टुप् देवता वैश्वानरः अग्निः

प्राग्रये विश्वशुचे धियंधेऽसुरघ्ने मन्म धीतिं भरध्वम् |
 भरै हविर्न बर्हिषि प्रीणानो वैश्वानराय यतये मतीनाम् ॥ 1 ॥
 त्वमग्रे शोचिषा शोशुचान् आ रोदसी अपृणा जायमानः |
 त्वं देवां अभिशस्तेरमुञ्चो वैश्वानर जातवेदो महित्वा ॥ 2 ॥
 जातो यदग्रे भुवना व्यख्यः पशून् गोपा इर्यः परिज्मा |
 वैश्वानर ब्रह्मणे विन्द गातुं यूयं पात स्वस्तिभिः सदा नः ॥ 3 ॥

(3) **14** (म.7, अनु.1)

ऋषिः वसिष्ठः मैत्रावरुणिः छन्दः बृहती 1, त्रिष्टुप् 2-3 देवता अग्निः

समिधा जातवेदसे देवाय देवहृतिभिः |
 हविर्भिः शुक्रशोचिषे नमस्विनो वयं दाशेमाग्रये ॥ 1 ॥
 वयं ते अग्रे समिधा विधेम वयं दाशेम सुष्टुती यजत्र |
 वयं घृतेनाध्वरस्य होतव्यं देव हविषा भद्रशोचे ॥ 2 ॥
 आ नो देवेभिरुप देवहृतिमग्रे याहि वर्षद्वृतिं जुषाणः |
 तुभ्यं देवाय दाशतः स्याम यूयं पात स्वस्तिभिः सदा नः ॥ 3 ॥

(15) **15** (म.7, अनु.1)

ऋषिः वसिष्ठः मैत्रावरुणिः छन्दः गायत्री देवता अग्निः

उपसद्याय मीळहुष आस्ये जुहुता हविः | यो नो नेदिष्ठमाप्यम् ॥ 1 ॥
 यः पञ्च चर्षणीरभि निषसाद् दमैदमे | कुविर्गृहपतिर्युवा ॥ 2 ॥
 स नो वेदो अमात्यमग्री रक्षतु विश्वतः | उतास्मान् पात्वंहसः ॥ 3 ॥
 नवुं नु स्तोममग्रये दिवः श्येनाय जीजनम् | वस्वः कुविद्वनार्ति नः ॥ 4 ॥
 स्पार्हा यस्य श्रियो हृशे रयिर्वीरवतो यथा | अग्रे यज्ञस्य शोचतः ॥ 5 ॥
 सेमां वेतु वर्षद्वृतिमग्रिर्जुषत नो गिरः | यजिष्ठो हव्यवाहनः ॥ 6 ॥
 नि त्वा नक्ष्य विशपते द्युमन्तं देव धीमहि | सुवीरमग्र आहुत ॥ 7 ॥
 क्षप उन्नश्च दीदिहि स्वग्रयस्त्वया वयम् | सुवीरस्त्वमस्मयुः ॥ 8 ॥
 उप त्वा सातये नरो विप्रांसो यन्ति धीतिभिः | उपाक्षरा सहस्रिणी ॥ 9 ॥
 अग्री रक्षांसि सेधति शुक्रशोचिरमर्त्यः | शुचिः पावक ईड्यः ॥ 10 ॥
 स नो राधांस्या भुरेशानः सहसो यहो | भगश्च दातु वार्यम् ॥ 11 ॥

त्वमग्ने वीरवृद्यशो देवश्च सविता भगः	दितिश्च दाति वार्यम्	॥ 12 ॥
अग्ने रक्षा णो अंहसः प्रति ष्म देव रीषतः	तपिष्ठैरुजरो दह	॥ 13 ॥
अधा मही न आयुस्यनाधृष्टो नृपीतये	पूर्भवा शतभुजिः	॥ 14 ॥
त्वं नः पाह्यंहसो दोषावस्तरघायुतः	दिवा नक्तमदाभ्य	॥ 15 ॥

(12)

16

(म.7, अनु.1)

ऋषिः वसिष्ठः मैत्रावरुणिः	छन्दः बृहती 1,3,5,7,9,11, सतोबृहती 2,4,6,8,10,12	देवता अग्निः
---------------------------	--	--------------

एना वो अग्निं नमसोर्जो नपात्मा हुवे । प्रियं चेतिष्ठमरतिं स्वध्वरं विश्वस्य दूतममृतम्	॥ 1 ॥
स योजते अरुषा विश्वभोजसा स दुद्रवत्स्वाहुतः	
सुब्रह्मा यज्ञः सुशामी वसूनां देवं राधो जनानाम्	॥ 2 ॥
उदस्य शोचिरस्थादाजुह्वानस्य मीळहुषः	
उद्धूमासो अरुषासो दिविस्पृशः समग्निमिन्धते नरः	॥ 3 ॥
तं त्वा दूतं कृण्महे यशस्तमं देवाँ आ वीतये वह	
विश्वा सूनो सहसो मर्तभोजना रास्व तद्यत्वेमहे	॥ 4 ॥
त्वमग्ने गृहपतिस्त्वं होता नो अध्वरे । त्वं पोता विश्ववारु प्रचेता यक्षि वेषि च वार्यम्	॥ 5 ॥
कृधि रत्नं यजमानाय सुक्रतो त्वं हि रत्नधा असि	
आ न ऋते शिशीहि विश्वमृत्विजं सुशंसो यश्च दक्षते	॥ 6 ॥
त्वे अग्ने स्वाहुत प्रियासः सन्तु सूरयः । युन्तारो ये मघवानो जनानामूर्वान्दयन्तु गोनाम्	॥ 7 ॥
येषामिळा घृतहस्ता दुरोण आँ अपि प्राता निषीदति	
ताँस्त्रायस्व सहस्य द्रुहो निदो यच्छा नः शर्म दीर्घश्रुत्	॥ 8 ॥
स मन्द्रया च जिह्वया वह्निरासा विदुष्टरः । अग्ने रयिं मघवद्भ्यो न आ वह हव्यदातिं च सूदय	॥ 9 ॥
ये राधाँसि ददत्यश्या मघा कामेन श्रवसो महेः । ताँ अंहसः पिपृहि पृत्भिष्टं शतं पूर्भिर्यविष्ठ्य	॥ 10 ॥
देवो वो द्रविणोदाः पूर्णा विवष्ट्यासिचम् । उद्रा सिञ्चध्वमुप वा पृणध्वमादिद्वो देव ओहते	॥ 11 ॥
तं होतारमध्वरस्य प्रचेतसं वह्निं देवा अकृण्वत । दधाति रत्नं विधते सुवीर्यमग्निर्जनाय दाशुषे	॥ 12 ॥

(7)

17

(म.7, अनु.1)

ऋषिः वसिष्ठः मैत्रावरुणिः	छन्दः द्विपदा त्रिष्टुप्	देवता अग्निः
---------------------------	--------------------------	--------------

अग्ने भव सुषमिधा समिद्ध उत बर्हिरुर्विया वि स्तृणीताम्	॥ 1 ॥
उत द्वार उशतीवि श्रयन्तामुत देवाँ उशत आ वहेह	॥ 2 ॥
अग्ने वीहि हविषा यक्षि देवान्स्वध्वरा कृणुहि जातवेदः	॥ 3 ॥
स्वध्वरा करति जातवेदा यक्षहेवाँ अमृतान्प्रियञ्च	॥ 4 ॥
वंस्व विश्वा वार्याणि प्रचेतः सत्या भवन्त्वाशिषो नो अद्य	॥ 5 ॥
त्वामु ते दधिरे हव्यवाहं देवासो अग्र ऊर्ज आ नपात्मा	॥ 6 ॥
ते ते देवाय दाशतः स्याम महो नो रत्ना वि दध इयानः	॥ 7 ॥

ऋषिः वसिष्ठः मैत्रावरुणिः

छन्दः त्रिष्टुप् देवता इन्द्रः 1-21, सुदाः पैजवनः 22-25

त्वे ह यत्पितरश्चिन्न इन्द्र विश्वा वामा जरितारो असन्वन्	
त्वे गावः सुदुघास्त्वे ह्यश्वास्त्वं वसु देवयते वनिष्ठः	1
राजैव हि जनिभिः क्षेष्येवाव द्युभिरभि विदुष्कविः सन्	
पिशा गिरो मघवन्गोभिरश्वैस्त्वायतः शिशीहि राये अस्मान्	2
इमा उ त्वा पस्पृधानासो अत्र मन्द्रा गिरो देवयन्तीरुप स्थुः	
अर्वाचीं ते पथ्या राय एतु स्याम ते सुमताविन्द्र शर्मन्	3
धेनुं न त्वा सूयवसे दुदुक्षत्रुप ब्रह्माणि ससृजे वसिष्ठः	
त्वामिन्मे गोपतिं विश्व आहा न इन्द्रः सुमतिं गन्त्वच्छ	4
अर्णासि चित्प्रथाना सुदास इन्द्रो गाधान्यकृणोत्सुपारा	
शर्धन्तं शिम्यमुचथस्य नव्यः शापं सिन्धूनामकृणोदशस्तीः	5
पुरोळा इत्तुर्वशो यक्षुरासीद्राये मत्स्यासो निशिता अपीव	
श्रुष्टिं चक्रुर्भृगवो द्रुह्यवश्च सखा सखायमतरद्विषूचोः	6
आ पक्थासो भलानसो भन्तालिनासो विषाणिनः शिवासः	
आ योऽनयत्सधमा आर्यस्य गव्या तृत्सुभ्यो अजगन्युधा नृन्	7
दुराध्योर् अदितिं स्त्रेवयन्तोऽचेतसो वि जगृभ्रे परुष्णीम्	
महाविव्यक्पृथिवीं पत्यमानः पशुष्कविरशयञ्चार्यमानः	8
इयुरथं न न्यर्थं परुष्णीमाशुश्चनेदभिपित्वं जगाम	
सुदास इन्द्रः सुतुकाँ अमित्रानरन्धयन्मानुषे वध्रिवाचः	9
इयुर्गावो न यवसादगोपा यथाकृतमभि मित्रं चितासः	
पृश्निगावः पृश्निनिप्रेषितासः श्रुष्टिं चक्रुर्नियुतो रन्तयश्च	10
एकं च यो विंशतिं च श्रवस्या वैकर्णयोर्जनात्राजा न्यस्तः	
दस्मो न सद्मन्नि शिशति बर्हिः शूरः सर्गमकृणोदिन्द्र एषाम्	11
अध श्रुतं कवषं वृद्धमप्स्वनु द्रुह्यं नि वृणग्वज्रबाहुः	
वृणाना अत्र सुख्याय सुख्यं त्वायन्तो ये अमदुन्ननु त्वा	12
वि सद्यो विश्वा दंहितान्येषामिन्द्रः पुरः सहसा सप्त दर्दः	
व्यानवस्य तृत्सवे गयं भागजेषम पूरुं विदथे मृध्रवाचम्	13
नि गव्यवोऽनवो द्रुह्यवश्च षष्टिः शता सुषुपुः षट् सहस्रा	
षष्टिर्वीरासो अधि षड् दुवोयु विश्वेदिन्द्रस्य वीर्या कृतानि	14
इन्द्रेणैते तृत्सवो वेविषाणा आपो न सृष्टा अधवन्त नीचीः	

दुर्मित्रासः प्रकलविन्मिमाना जहृविश्वानि भोजना सुदासे	॥ 15 ॥
अर्धं वीरस्य शृतपामनिन्द्रं परा शर्धन्तं नुनुदे अभि क्षाम्	
इन्द्रो मन्युं मन्युम्यो मिमाय भजे पथो वर्तनिं पत्यमानः	॥ 16 ॥
आध्रेण चित्तद्वेकं चकार सिद्धं चित्पेत्वेना जघान	
अव स्रक्तीर्वेश्यावृश्चदिन्द्रः प्रायच्छद्विश्वा भोजना सुदासे	॥ 17 ॥
शश्वन्तो हि शत्रवो रारुधुष्टे भेदस्य चिच्छर्धतो विन्दु रन्धिम्	
मर्ता एनः स्तुवतो यः कृणोति तिग्मं तस्मिन्नि जहि वज्रमिन्द्र	॥ 18 ॥
आवदिन्द्रं यमुना तृत्सवश्च प्रात्र भेदं सर्वताता मुषायत्	
अजासश्च शिग्रवो यक्षवश्च बलिं शीर्षाणि जभुरश्व्यानि	॥ 19 ॥
न तं इन्द्र सुमतयो न रायः संचक्षे पूर्वा उषसो न नूत्वाः	
देवकं चिन्मान्यमानं जघन्थाव त्मना बृहतः शम्बरं भेत्	॥ 20 ॥
प्र ये गृहादर्ममदुस्त्वाया पराशरः शतयातुर्वसिष्ठः	
न तं भोजस्य सुख्यं मृषन्ताधा सूरिभ्यः सुदिना व्युच्छान्	॥ 21 ॥
द्वे नमुर्देववतः शते गोर्धा रथा वधूमन्ता सुदासः	
अर्हन्नग्रे पैजवनस्य दानं होतैव सद्म पर्येमि रेभन्	॥ 22 ॥
चत्वारो मा पैजवनस्य दानाः स्मर्द्धिष्टयः कृशनिनो निरेके	
ऋज्रासो मा पृथिविष्ठाः सुदासस्तोकं तोकाय श्रवसे वहन्ति	॥ 23 ॥
यस्य श्रवो रोदसी अन्तरुर्वा शीर्षोशीर्षो विबभाजा विभक्ता	
सप्तेदिन्द्रं न स्रवतो गृणन्ति नि युध्यामधिमशिशादुभीके	॥ 24 ॥
इमं नरो मरुतः सश्चतानु दिवोदासं न पितरं सुदासः	
अविष्टना पैजवनस्य केतं दूणाशं क्षत्रमजरं दुवोयु	॥ 25 ॥

(11)

19

(म.7, अनु.2)

ऋषिः वसिष्ठः मैत्रावरुणिः

छन्दः त्रिष्टुप्

देवता इन्द्रः

यस्तिग्मशृङ्गो वृषभो न भीम एकः कृष्टीश्यावयति प्र विश्वाः	
यः शश्वतो अदाशुषो गयस्य प्रयन्तासि सुष्वितराय वेदः	॥ 1 ॥
त्वं ह त्यदिन्द्र कुत्समावः शुश्रूषमाणस्तन्वा समर्ये	
दासं यच्छुष्णं कुर्यवं न्यस्मा अरन्धय आर्जुनेयाय शिक्षन्	॥ 2 ॥
त्वं धृष्णो धृषता वीतहव्यं प्रावो विश्वाभिरूतिभिः सुदासम्	
प्र पौरुकुत्सिं त्रसदस्युमावः क्षेत्रसाता वृत्रहत्येषु पूरुम्	॥ 3 ॥
त्वं नृभिर्नृमणो देववीतौ भूरीणि वृत्रा हर्यश्व हंसि	
त्वं नि दस्युं चुमुरिं धुनिं चास्वापयो दुभीतये सुहन्तु	॥ 4 ॥

तव च्यौत्नानि वज्रहस्तु तानि नव यत्पुरो नवतिं च सृद्यः	
निवेशने शततुमाविवेषीरहञ्च वृत्रं नमुचिमुताहन्	॥ 5 ॥
सना ता त इन्द्र भोजनानि रातहव्याय दाशुषे सुदासे	
वृष्णे ते हरी वृषणा युनज्मि व्यन्तु ब्रह्माणि पुरुशाक् वाजम्	॥ 6 ॥
मा ते अस्यां सहसावन्परिष्ठावघाय भूम हरिवः परादै	
त्रायस्व नोऽवृकेभिर्वरुथैस्तव प्रियासः सूरिषु स्याम	॥ 7 ॥
प्रियास इत्ते मघवन्नभिष्टौ नरो मदेम शरणे सखायः	
नि तुर्वशं नि याद्वं शिशीह्यतिथिग्वाय शंस्यं करिष्यन्	॥ 8 ॥
सृद्यश्चिन्नु ते मघवन्नभिष्टौ नरः शंसन्त्युक्थशास उक्था	
ये ते हर्वेभिर्वि पूर्णारदाशन्नस्मान्वृणीष्व युज्याय तस्मै	॥ 9 ॥
एते स्तोमा नरां नृतम् तुभ्यमस्मद्र्यञ्चो ददतो मृधानि	
तेषामिन्द्र वृत्रहत्ये शिवो भूः सखा च शूरोऽविता च नृणाम्	॥ 10 ॥
नू इन्द्र शूर स्तवमान ऊती ब्रह्मजूतस्तन्वा वावृधस्व	
उप नो वाजान्मिमीह्युप स्तीन्यूयं पात स्वस्तिभिः सदा नः	॥ 11 ॥
इति पञ्चमाष्टके द्वितीयोऽध्यायः समाप्तः	

(तृतीयोऽध्यायः ॥ वर्गाः 1-30)

(10)

20

(म.7, अनु.2)

ऋषिः वसिष्ठः मैत्रावरुणिः	छन्दः त्रिष्टुप्	देवता इन्द्रः
---------------------------	------------------	---------------

उग्रो जज्ञे वीर्याय स्वधावाञ्चक्रिरपो नर्यो यत्करिष्यन्	
जग्मिर्युवा नृषदन्मवोभिस्त्राता न इन्द्र एनसो महश्चित्	॥ 1 ॥
हन्ता वृत्रमिन्द्रः शूशुवानः प्रावीन्नु वीरो जरितारंमूती	
कर्ता सुदासे अह वा उ लोकं दाता वसु मुहुरा दाशुषे भूत्	॥ 2 ॥
युध्मो अनर्वा खजकृत्समद्वा शूरः सत्राषाड्जनुषेमषाळ्हः	
व्यास इन्द्रः पृतनाः स्वोजा अधा विश्वं शत्रूयन्तं जघान	॥ 3 ॥
उभे चिदिन्द्र रोदसी महित्वा ऽऽपंप्राथ तविषीभिस्तुविष्मः	
नि वज्रमिन्द्रो हरिवाग्निमिक्षन्त्समन्धसा मदैषु वा उवोच	॥ 4 ॥
वृषा जजान वृषणं रणाय तमु चित्रारी नर्यं ससू	
प्र यः सैनानीरध नृभ्यो अस्तीनः सत्वा गवेषणः स धृष्णुः	॥ 5 ॥
नू चित्स भ्रेषते जनो न रेषन्मनो यो अस्य घोरमाविवासात्	
यज्ञैर्य इन्द्रे दधते दुवांसि क्षयत्स राय ऋतपा ऋतेजाः	॥ 6 ॥
यदिन्द्र पूर्वो अपराय शिक्षन्नयुज्यायान्कनीयसो देष्णाम्	
अमृत इत्पर्यासीत दूरमा चित्र चित्र्यं भरा रथि नः	॥ 7 ॥
यस्त इन्द्र प्रियो जनो ददाशदसन्निके अद्रिवः सखा ते	
व्यं ते अस्यां सुमतौ चनिष्ठाः स्याम वरूथे अघ्नतो नृपीतौ	॥ 8 ॥
एष स्तोमो अचिक्रदुद्वेषा त उत स्तामुर्मघवन्नक्रपिष्ट	
रायस्कामो जरितारं त आगन्त्वमङ्ग शक्र वस्व आ शको नः	॥ 9 ॥
स न इन्द्र त्वर्यताया इषे धास्मना च ये मघवानो जुनन्ति	
वस्वी षु ते जरित्रे अस्तु शक्तिर्युयं पात स्वस्तिभिः सदा नः	॥ 10 ॥

(10)

21

(म.7, अनु.2)

ऋषिः वसिष्ठः मैत्रावरुणिः	छन्दः त्रिष्टुप्	देवता इन्द्रः
---------------------------	------------------	---------------

असावि देवं गोऋजीकमन्धो न्यस्मिन्निन्द्रो जनुषेमुवोच	
बोधामसि त्वा हर्यश्च यज्ञैर्बोधा नः स्तोममन्धसो मदैषु	॥ 1 ॥
प्र यन्ति यज्ञं विपर्यन्ति बर्हिः सोममादो विदथे दुध्रवाचः	
न्यु भ्रियन्ते यशसो गृभादा दूरउपब्दो वृषणो नृषाचः	॥ 2 ॥
त्वमिन्द्र स्रवित्वा अपस्कः परिष्ठिता अहिना शूर पूर्वीः	

त्वद्वावक्रे रथ्योऽं न धेना रेजन्ते विश्वा कृत्रिमाणि भीषा	॥ 3 ॥
भीमो विवेषायुधेभिरेषामपांसि विश्वा नर्याणि विद्वान्	
इन्द्रः पुरो जर्हषाणो वि दूधोद्वि वज्रहस्तो महिना जघान	॥ 4 ॥
न यातव इन्द्र जूजुवुर्नो न वन्दना शविष्ठ वेद्याभिः	
स शर्धदुर्यो विषुणस्य जन्तोर्मा शिश्रदैवा अपि गुर्कृतं नः	॥ 5 ॥
अभि क्रत्वैन्द्र भूरधु जमन्न ते विव्यङ्गहिमानं रजांसि	
स्वेना हि वृत्रं शवसा जघन्थ न शत्रुरन्तं विविदद्युधा ते	॥ 6 ॥
देवाश्चित्ते असुर्याय पूर्वेऽनु क्षत्राय ममिरे सहांसि	
इन्द्रो मघानि दयते विषह्येन्द्रं वाजस्य जोहुवन्त सातौ	॥ 7 ॥
कीरिश्चिद्धि त्वामवसे जुहावेशानमिन्द्र सौभगस्य भूरैः	
अवो बभूथ शतमूते अस्मे अभिक्षत्तुस्त्वावतो वरूता	॥ 8 ॥
सखायस्त इन्द्र विश्वहं स्याम नमोवृधासो महिना तरुत्र	
वन्वन्तु स्मा तेऽवसा समीकेऽभीतिमुर्यो वनुषां शवांसि	॥ 9 ॥
स न इन्द्र त्वयताया इषे धास्मना च ये मघवानो जुनन्ति	
वस्वी षु ते जरित्रे अस्तु शक्तिर्युयं पात स्वस्तिभिः सदा नः	॥ 10 ॥

(9)

22

(म.7, अनु.2)

ऋषिः वसिष्ठः मैत्रावरुणिः

छन्दः विराट् 1-8, त्रिष्टुप् 9

देवता इन्द्रः

पिबा सोममिन्द्र मन्दतु त्वा यं ते सुषाव ह्यश्वाद्रिः । सोतुर्बाहुभ्यां सुर्यतो नार्वा	॥ 1 ॥
यस्ते मदो युज्यश्चारुरस्ति येन वृत्राणि हर्यश्च हंसि । स त्वामिन्द्र प्रभूवसो ममत्तु	॥ 2 ॥
बोधा सु मे मघवन्वाचमेमां यां ते वसिष्ठो अर्चति प्रशस्तिम् । इमा ब्रह्म सधुमादे जुषस्व	॥ 3 ॥
श्रुधी हवं विपिपानस्याद्रेर्बोधा विप्रस्यार्चतो मनीषाम् । कृष्वा दुवांस्यन्तमा सचेमा	॥ 4 ॥
न ते गिरो अपि मृष्ये तुरस्य न सुष्टुतिमसुर्यस्य विद्वान् । सदा ते नाम स्वयशो विवक्मि	॥ 5 ॥
भूरि हि ते सर्वना मानुषेषु भूरि मनीषी हवते त्वामित् । मारे अस्मन्मघवज्योक्कः	॥ 6 ॥
तुभ्येदिमा सर्वना शूर विश्वा तुभ्यं ब्रह्माणि वर्धना कृणोमि । त्वं नृभिर्हव्यो विश्वधासि	॥ 7 ॥
नू चिन्नु ते मन्यमानस्य दुस्मोदश्चुवन्ति महिमानमुग्र । न वीर्यमिन्द्र ते न राधः	॥ 8 ॥
ये च पूर्वं ऋषयो ये च नूत्ना इन्द्र ब्रह्माणि जनयन्तु विप्राः	
अस्मे ते सन्तु सख्या शिवानि यूयं पात स्वस्तिभिः सदा नः	॥ 9 ॥

(6)

23

(म.7, अनु.2)

ऋषिः वसिष्ठः मैत्रावरुणिः

छन्दः त्रिष्टुप्

देवता इन्द्रः

उदु ब्रह्माण्यैरत श्रवस्येन्द्रं समुर्ये महया वसिष्ठ	
आ यो विश्वानि शवसा ततानोपश्रोता म् ईवतो वचांसि	॥ 1 ॥
अयामि घोषे इन्द्र देवजामिरिरज्यन्त यच्छुरुधो विवाचि	
नहि स्वमार्युश्चिकिते जनैषु तानीदंहांस्यति पर्ष्यस्मान्	॥ 2 ॥
युजे रथं गुवेषणं हरिभ्यामुप ब्रह्माणि जुजुषाणमस्थुः	
वि बाधिष्ट स्य रोदसी महित्वेन्द्रो वृत्राण्यप्रती जघन्वान्	॥ 3 ॥
आपीश्चित्पिप्युः स्तुर्योरे न गावो नक्षत्रतं जरितारस्त इन्द्र	
याहि वायुर्न नियुतो नो अच्छा त्वं हि धीभिर्दयसे नि वाजान्	॥ 4 ॥
ते त्वा मदा इन्द्र मादयन्तु शुष्मिणं तुविरार्धसं जरित्रे	
एको देवत्रा दयसे हि मर्तानस्मिञ्छूर सर्वने मादयस्व	॥ 5 ॥
एवेदिन्द्रं वृषणं वज्रबाहुं वसिष्ठासो अभ्यर्चन्त्युक्तेः	
स नः स्तुतो वीरवद्धातु गोमद्युयं पात स्वस्तिभिः सदा नः	॥ 6 ॥

(6)

24

(म.7, अनु.2)

ऋषिः वसिष्ठः मैत्रावरुणिः

छन्दः त्रिष्टुप्

देवता इन्द्रः

योनिष्ट इन्द्र सदर्ने अकारि तमा नृभिः पुरुहूत प्र याहि	
असो यथा नोऽविता वृधे च ददो वसूनि ममदश्च सोमैः	॥ 1 ॥
गृभीतं ते मन इन्द्र द्विबर्हीः सुतः सोमः परिषित्ता मधूनि	
विसृष्टधेना भरते सुवृक्तिरियमिन्द्रं जोहुवती मनीषा	॥ 2 ॥
आ नो दिव आ पृथिव्या ऋजीषिन्निदं बर्हिः सोमपेयाय याहि	
वहन्तु त्वा हरयो मद्र्यञ्जमाङ्गुषमच्छा त्वसं मदाय	॥ 3 ॥
आ नो विश्वाभिरूतिभिः सजोषा ब्रह्म जुषाणो हर्यश्च याहि	
वरीवृजत्स्थविरेभिः सुशिप्रास्मे दधुवृषणं शुष्ममिन्द्र	॥ 4 ॥
एष स्तोमो मह उग्राय वाहे धुरीश्वात्यो न वाजयन्नधायि	
इन्द्र त्वायमर्क ईद्रे वसूनां दिवीव द्यामधि नः श्रोमतं धाः	॥ 5 ॥
एवा न इन्द्र वार्यस्य पूर्धि प्र ते मर्ही सुमति वैविदाम	
इषं पिन्व मघवद्भ्यः सुवीरां यूयं पात स्वस्तिभिः सदा नः	॥ 6 ॥

(6)

25

(म.7, अनु.2)

ऋषिः वसिष्ठः मैत्रावरुणिः

छन्दः त्रिष्टुप्

देवता इन्द्रः

आ ते मह इन्द्रोत्युग्र समन्यवो यत्समरन्त सेनाः	
पताति दिद्युन्नर्यस्य बाह्वोर्मा ते मनो विष्वद्व्यश्वि चारीत्	॥ 1 ॥

नि दुर्ग इन्द्र श्रथिह्यमित्रानुभि ये नो मर्तासो अमन्ति	
आरे तं शंसं कृणुहि निनित्सोरा नो भर संभरणं वसूनाम्	॥ 2 ॥
शतं ते शिप्रिन्नृतयः सुदासे सहस्रं शंसा उत रातिरस्तु	
जहि वर्धर्वनुषो मर्त्यस्यास्मे द्युम्रमधि रत्नं च धेहि	॥ 3 ॥
त्वावतो हीन्द्र क्रत्वे अस्मि त्वावतोऽवितुः शूर रातौ	
विश्वेदहानि तविषीव उग्रं ओकः कृणुष्व हरिवो न मर्धीः	॥ 4 ॥
कुत्सा एते हर्यश्वाय शूषमिन्द्रे सहो देवजूतमियानाः	
सुत्रा कृधि सुहना शूर वृत्रा वयं तरुत्राः सनुयाम् वाजम्	॥ 5 ॥
एवा न इन्द्र वार्यस्य पूर्धि प्र ते मर्ही सुमतिं वैविदाम	
इषं पिन्व मघवद्भ्यः सुवीरां यूयं पात स्वस्तिभिः सदा नः	॥ 6 ॥

(5)

26

(म.7, अनु.2)

ऋषिः वसिष्ठः मैत्रावरुणिः	छन्दः त्रिष्टुप्	देवता इन्द्रः
---------------------------	------------------	---------------

न सोम इन्द्रमसुतो ममाद् नाब्रह्माणो मघवानं सुतासः	
तस्मा उक्थं जनये यज्जुजोषन्नृवन्नवीयः शृणवद्यथा नः	॥ 1 ॥
उक्थउक्थे सोम इन्द्रं ममाद नीथेनीथे मघवानं सुतासः	
यदीं सुबाधः पितरं न पुत्राः समानदक्षा अवसे हवन्ते	॥ 2 ॥
चकार ता कृणवन्नूनमन्या यानि ब्रुवन्ति वेधसः सुतेषु	
जनीरिव पतिरेकः समानो नि मामृजे पुर इन्द्रः सु सर्वाः	॥ 3 ॥
एवा तमाहुरुत शृण्व इन्द्र एको विभक्ता तरणिर्मघानाम्	
मिथस्तुरं उतयो यस्य पूर्वोरस्मे भद्राणि सश्रत प्रियाणि	॥ 4 ॥
एवा वसिष्ठ इन्द्रमूतये नृन्कृष्टीनां वृषभं सुते गृणाति	
सहस्रिण उपं नो माहि वाजान्युयं पात स्वस्तिभिः सदा नः	॥ 5 ॥

(5)

27

(म.7, अनु.2)

ऋषिः वसिष्ठः मैत्रावरुणिः	छन्दः त्रिष्टुप्	देवता इन्द्रः
---------------------------	------------------	---------------

इन्द्रं नरो नेमधिता हवन्ते यत्पार्या युनजते धियस्ताः	
शूरो नृषाता शर्वसश्चकान आ गोमति ब्रजे भजा त्वं नः	॥ 1 ॥
य इन्द्र शुष्मो मघवन्ते अस्ति शिक्षा सखिभ्यः पुरुहूत नृभ्यः	
त्वं हि दृळ्हा मघवन्विचेता अपा वृधि परिवृतं न राधः	॥ 2 ॥
इन्द्रो राजा जगतश्चर्षणीनामधि क्षमि विषुरूपं यदस्ति	
ततो ददाति दाशुषे वसूनि चोदद्राध उपस्तुतश्चिदुर्वाक्	॥ 3 ॥
नू चिन्न इन्द्रो मघवा सहृती दानो वाजं नि यमते न उती	
अनूना यस्य दक्षिणा पीपाय वामं नृभ्यो अभिवीता सखिभ्यः	॥ 4 ॥

नू इन्द्र राये वरिवस्कृधी नू आ ते मनो ववृत्याम मघाय
गोमदश्वावद्रथवृद्धन्तो यूयं पात स्वस्तिभिः सदा नः

॥ 5 ॥

(5)

28

(म.7, अनु.2)

ऋषिः वसिष्ठः मैत्रावरुणिः

छन्दः त्रिष्टुप्

देवता इन्द्रः

ब्रह्मा ण इन्द्रोपं याहि विद्वानर्वाञ्चस्ते हरयः सन्तु युक्ताः
विश्वे चिद्धि त्वा विहवन्त मता अस्माकमिच्छृणुहि विश्वमिन्व ॥ 1 ॥
हवं त इन्द्र महिमा व्यानड् ब्रह्म यत्पासि शवसिन्नृषीणाम्
आ यद्वज्रं दधिषे हस्त उग्र घोरः सन्क्रत्वा जनिष्ठा अषाळहः ॥ 2 ॥
तव प्रणीतीन्द्र जोहुवानान्तसं यन्नृन्न रोदसी निनेथ
महे क्षत्राय शवसे हि जज्ञेऽतूतुजि चित्तूतुजिरशिश्नत् ॥ 3 ॥
एभिर्न इन्द्राहभिर्दशस्य दुर्मित्रासो हि क्षितयः पवन्ते
प्रति यच्चष्टे अनृतमनेना अव द्विता वरुणो मायी नः सात् ॥ 4 ॥
वोचेमेदिन्द्रं मघवानमेनं महो रायो राधसो यद्वदन्नः
यो अर्चतो ब्रह्मकृतिमविष्टो यूयं पात स्वस्तिभिः सदा नः ॥ 5 ॥

(5)

29

(म.7, अनु.2)

ऋषिः वसिष्ठः मैत्रावरुणिः

छन्दः त्रिष्टुप्

देवता इन्द्रः

अयं सोम इन्द्र तुभ्यं सुन्व आ तु प्र याहि हरिवस्तदौकाः
पिबा त्वशंस्य सुषुतस्य चारोर्ददो मघानि मघवन्नियानः ॥ 1 ॥
ब्रह्मन्वीरु ब्रह्मकृतिं जुषाणोऽर्वाचीनो हरिभिर्याहि तूयम्
अस्मिन्नू षु सर्वने मादयस्वोप ब्रह्माणि शृणव इमा नः ॥ 2 ॥
का ते अस्त्यरंकृतिः सूक्तैः कदा नूनं ते मघवन्दाशेम
विश्वा मतीरा ततने त्वायाधा म इन्द्र शृणवो हवेमा ॥ 3 ॥
उतो घा ते पुरुष्या इदासन्येषां पूर्वेषामशृणोर्ऋषीणाम्
अधाहं त्वा मघवञ्जोहवीमि त्वं न इन्द्रासि प्रमतिः पितेव ॥ 4 ॥
वोचेमेदिन्द्रं मघवानमेनं महो रायो राधसो यद्वदन्नः
यो अर्चतो ब्रह्मकृतिमविष्टो यूयं पात स्वस्तिभिः सदा नः ॥ 5 ॥

(5)

30

(म.7, अनु.2)

ऋषिः वसिष्ठः मैत्रावरुणिः

छन्दः त्रिष्टुप्

देवता इन्द्रः

आ नो देव शवसा याहि शुष्मिन्भवा वृध इन्द्र रायो अस्य
महे नृम्णाय नृपते सुवज्र महि क्षत्राय पौस्याय शूर ॥ 1 ॥
हवन्त उ त्वा हव्यं विवाचि तनूषु शूराः सूर्यस्य सातौ
त्वं विश्वेषु सेन्यो जनेषु त्वं वृत्राणि रन्धया सुहन्तु ॥ 2 ॥

अहा यदिन्द्र सुदिना व्युच्छान्दधो यत्केतुमुपमं समत्सु	
न्यग्निः सीददसुरो न होता हुवानो अत्र सुभगाय देवान्	3
व्यं ते त इन्द्र ये च देव स्तवन्त शूर ददतो म्घानि	
यच्छा सूरिभ्य उपमं वरूथं स्वाभुवो जरणामश्रवन्त	4
वोचेमेदिन्द्रं म्घवानमेनं महो रायो राधसो यददन्नः	
यो अर्चतो ब्रह्मकृतिमविष्टो यूयं पात स्वस्तिभिः सदा नः	5

(12)

31

(म.7, अनु.2)

ऋषिः वसिष्ठः मैत्रावरुणिः	छन्दः गायत्री 1-9, विराट् 10-12	देवता इन्द्रः
---------------------------	---------------------------------	---------------

प्र व इन्द्राय मादनं हर्यश्वाय गायत	सखायः सोमपात्रे	1
शंसेदुक्थं सुदानव उत द्युक्षं यथा नरः	चकृमा सत्यराधसे	2
त्वं न इन्द्र वाजयुस्त्वं गव्युः शतक्रतो	त्वं हिरण्ययुर्वसो	3
व्यमिन्द्र त्वायवोऽभि प्र णौनुमो वृषन्	विद्धी त्वशस्य नो वसो	4
मा नो निदे च वक्तवेऽयो रन्धीरराव्यो	त्वे अपि क्रतुर्मम	5
त्वं वर्मासि सप्रथः पुरोयोधश्च वृत्रहन्	त्वया प्रति ब्रुवे युजा	6
महाँ उतासि यस्य तेऽनु स्वधावरी सहः	म्मार्ते इन्द्र रोदसी	7
तं त्वा मरुत्वती परि भुवृद्वाणी स्यावरी	नक्षमाणा सह द्युभिः	8
ऊर्ध्वासस्त्वान्विन्दवो भुवन्दस्ममुप द्यवि	सं ते नमन्त कृष्टयः	9
प्र वो महे महिवृधे भरध्वं प्रचेतसे प्र सुमतिं कृणुध्वम्	विशः पूर्वीः प्र चरा चर्षणिप्राः	10
उरुव्यचसे महिनै सुवृक्तिमिन्द्राय ब्रह्म जनयन्त विप्राः	तस्य व्रतानि न मिनन्ति धीराः	11
इन्द्रं वाणीरनुत्तमन्युमेव सूत्रा राजानं दधिरे सहध्वै	हर्यश्वाय बर्हया समापीन्	12

(27)

32

(म.7, अनु.2)

ऋषिः वसिष्ठः मैत्रावरुणिः 1-25, शक्तिः वासिष्ठः वा 26-27	छन्दः बृहती 1,5,7,9,11,13,15,17,19,
21,23,25,27, सतोबृहती 2,4,6,8,10,12,14,16,18,20,22,24,26,	द्विपदा विराट् 3 देवता इन्द्रः

मो षु त्वा वाघतश्चनारे अस्मन्नि रीरमन्	
आरात्ताञ्चित्सधुमादं न आ गहीह वा सन्नपं श्रुधि	1
इमे हि ते ब्रह्मकृतः सुते सचा मधौ न मक्ष आसते	
इन्द्रे कामं जरितारो वसूयवो रथे न पादुमा दधुः	2
रायस्कामो वज्रहस्तं सुदक्षिणं पुत्रो न पितरं हुवे	3
इम इन्द्राय सुन्विरे सोमासो दध्याशिरः	
तां आ मदाय वज्रहस्त पीतये हरिभ्यां याह्योक् आ	4
श्रवच्छुत्कर्ण इयते वसूनां नू चित्रो मर्धिषुद्विरः	
सद्यश्चिद्यः सहस्राणि शता ददन्नकिर्दित्सन्तुमा मिनत्	5
स वीरो अप्रतिष्कृत इन्द्रेण शूशुवे नृभिः	
यस्तै गभीरा सर्वनानि वृत्रहन्त्सुनोत्या च धावति	6

भवा वरूथं मघवन्मघोनां यत्समजासि शर्धतः |
 वि त्वाहृतस्य वेदनं भजेमह्या दूणाशो भरा गयम् || 7 ||
 सुनोता सोमपात्रे सोममिन्द्राय वृजिणे |
 पचता पक्तीरवसे कृणुध्वमित्पृणन्नित्पृणते मयः || 8 ||
 मा स्रैधत सोमिनो दक्षता महे कृणुध्वं राय आतुजे |
 त्रणिरिज्जयति क्षेति पुष्यति न देवासः कवत्वै || 9 ||

नकिः सुदासो रथं पर्यासु न रीरमत् । इन्द्रो यस्याविता यस्य मरुतो गमत्स गोमति व्रजे || 10 ||
 गमद्वाजं वाजयन्निन्द्र मर्त्यो यस्य त्वमविता भुवः |
 अस्माकं बोध्यविता रथानामस्माकं शूर नृणाम् || 11 ||
 उदिन्वस्य रिच्यतेऽशो धनुं न जिग्युषः। य इन्द्रो हरिवात्र दभन्ति तं रिपो दक्षं दधाति सोमिनि || 12 ||
 मन्त्रमखर्वं सुधितं सुपेशंसं दधात यज्ञियेष्वा |
 पूर्वाश्चन प्रसितयस्तरन्ति तं य इन्द्रे कर्मणा भुवत् || 13 ||
 कस्तमिन्द्र त्वावसुमा मर्त्यो दधर्षति । श्रद्धा इत्ते मघवन्पार्यै दिवि वाजी वाजं सिषासति || 14 ||
 मघोनः स्म वृत्रहत्येषु चोदय ये ददति प्रिया वसु। तव प्रणीती हर्यश्च सूरिभिर्विश्वा तरेम दुरिता || 15 ||
 तवेदिन्द्रावमं वसु त्वं पुष्यसि मध्यमम्। सत्रा विश्वस्य परमस्य राजसि नकिष्ट्वा गोषु वृण्वते || 16 ||
 त्वं विश्वस्य धनुदा असि श्रुतो य ई भवन्त्याजयः |
 तवायं विश्वः पुरुहूत पार्थिवोऽवस्युर्नाम भिक्षते || 17 ||
 यदिन्द्र यावत्स्त्वमेतावद्दहमीशीय । स्तोतारमिद्धिधिषेय रदावसो न पापत्वार्यं रासीय || 18 ||
 शिक्षैयमिन्महयते दिवेदिवे राय आ कुहचिद्विदे |
 नहि त्वदन्यन्मघवन्न आप्यं वस्यो अस्ति पिता चन || 19 ||
 त्रणिरित्तिषासति वाजं पुरंध्या युजा । आ व इन्द्रं पुरुहूतं नमे गिरा नेमिं तष्टैव सुद्धम् || 20 ||
 न दुष्टुती मर्त्यो विन्दते वसु न स्रेधन्तं रयिर्नशत् |
 सुशक्तिरिन्मघवन् तुभ्यं मावते देष्णं यत्पार्यै दिवि || 21 ||
 अभि त्वा शूर नोनुमोऽदुग्धाइव धेनवः । ईशानमस्य जगतः स्वर्दशमीशानमिन्द्र तस्थुषः || 22 ||
 न त्वावाँ अन्यो दिव्यो न पार्थिवो न जातो न जनिष्यते |
 अश्वायन्तो मघवन्निन्द्र वाजिनो गव्यन्तस्त्वा हवामहे || 23 ||
 अभी षतस्तदा भरेन्द्र ज्यायः कनीयसः । पुरुवसुर्हि मघवन्त्सनादसि भरेभरे च हव्यः || 24 ||
 परा णुदस्व मघवन्नमित्रान्त्सुवेदा नो वसू कृधि |
 अस्माकं बोध्यविता महाधने भवा वृधः सखीनाम् || 25 ||
 इन्द्र क्रतुं न आ भर पिता पुत्रेभ्यो यथा |
 शिक्षा णो अस्मिन्पुरुहूत यामनि जीवा ज्योतिरशीमहि || 26 ||
 मा नो अज्ञाता वृजना दुराध्योर् माशिवासो अव क्रमुः |
 त्वया वयं प्रवतः शश्वतीरपोऽति शूर तरामसि || 27 ||

ऋषिः वसिष्ठः मैत्रावरुणिः 1-9, वसिष्ठपुत्राः 10-14

छन्दः त्रिष्टुप्

देवता वसिष्ठपुत्राः इन्द्रः वा 1-9, वसिष्ठः 10-14

श्वित्यञ्चो मा दक्षिणतस्कपर्दा धियंजिन्वासो अ॒भि हि प्रम॑न्दुः	
उत्तिष्ठ॑न्वोचे परि ब॒र्हिषो नृ॒न्न मे दू॒रादवित॑वे वसि॑ष्ठाः	॥ 1 ॥
दू॒रादिन्द्र॑मनयन्ना सु॒तेन॑ तिरो वै॒शन्तम॑ति पान्त॑मुग्रम्	
पाश॑द्युम्रस्य वा॒युत॑स्य सोमा॑त्सुतादिन्द्रोऽवृ॑णीता वसि॑ष्ठान्	॥ 2 ॥
ए॒वेनु कं॑ सिन्धु॑मेभिस्ततारे॒वेनु कं॑ भे॒दमे॑भिर्जघान	
ए॒वेनु कं॑ दाशरा॑ज्ञे सु॒दासं प्रा॒वदिन्द्रो॑ ब्रह्म॑णा वो वसि॑ष्ठाः	॥ 3 ॥
जुष्टी॑ नरो ब्रह्म॑णा वः पि॒तृणाम॑क्षमव्ययं न किला॑ रिषाथ	
यच्छ॑करीषु बृ॒हता र॑वेणे॒न्द्रे शु॒ष्मद॑धाता वसि॑ष्ठाः	॥ 4 ॥
उ॒द्दयामि॑वेत्तृष्ण॒जो नाथि॑तासोऽदी॒धयु॑र्दाशरा॑ज्ञे वृ॒तासः॑	
वसि॑ष्ठस्य स्तु॒वत इन्द्रो॑ अश्रो॒दुरुं तृ॒त्सुभ्यो॑ अकृ॒णोदु॑ लोकम्	॥ 5 ॥
दुण्डा॑इवेद्दोअ॒र्जना॑स आस॒न्परि॑च्छिन्ना भर॒ता अ॑र्भकासः	
अ॒र्भव॑च्च पुर॒एता॑ वसि॑ष्ठ आदि॒त्तसू॑नां विशो॑ अप्रथन्त	॥ 6 ॥
त्रयः॑ कृ॒ण्वन्ति॑ भु॒वनेषु॑ रेतस्ति॒स्रः प्र॒जा आर्या॑ ज्योति॒रग्राः॑	
त्रयो॑ घ॒र्मासं॑ उ॒षसं॑ सचन्ते॒ सर्वा॑ इ॒त्तां अनु॑ विदुर्वसि॑ष्ठाः	॥ 7 ॥
सूर्य॑स्य वृ॒क्षथो॑ ज्योति॒रेषां॑ समु॒द्रस्ये॑व महि॒मा ग॑भीरः	
वा॒र्तस्ये॑व प्र॒ज्वो नान्ये॑न् स्तो॒मो वसि॑ष्ठा अ॒न्वे॒तवे॑ वः	॥ 8 ॥
त इ॒न्नि॒ष्यं हृ॒दय॑स्य प्र॒केतैः॑ स॒हस्र॑वल्शाम॒भि सं च॑रन्ति	
य॒मेन॑ त॒तं परि॑धिं व॒रन्तो॑ऽप्सर॒सु उप॑ सेदुर्वसि॑ष्ठाः	॥ 9 ॥
वि॒द्युतो॑ ज्योतिः॒ परि॑ सं॒जिहानं॑ मि॒त्रावरु॑णा यदप॑श्यतां त्वा	
तत्ते॑ जन्मो॒तैकं॑ वसि॑ष्ठागस्त्यो॒ यत्त्वा॑ वि॒श आ॑जु॒भारं॑	॥ 10 ॥
उ॒तासि॑ मै॒त्रावरु॑णो वसि॑ष्ठोर्वश्या॒ ब्रह्म॑न्मन॒सोऽधि॑ जा॒तः	
द्व॒प्सं स्कु॑न्नं ब्रह्म॑णा दै॒व्येन॑ विश्वे॑ दे॒वाः पु॑ष्करे त्वाददन्त	॥ 11 ॥
स प्र॑केत उ॒भय॑स्य प्रवि॒द्वान्त॑स॒हस्र॑दान उ॒त वा॑ सदानः	
य॒मेन॑ त॒तं परि॑धिं व॒यिष्य॑न्नप्सर॒सुः परि॑ जज्ञे वसि॑ष्ठः	॥ 12 ॥
स॒त्रे ह॑ जा॒तावि॑षिता नमो॒भिः कु॑म्भे रेतः॑ सिषिचतुः॒ समान॑म्	
ततो॑ ह॒ मान॑ उ॒दिया॑य म॒ध्यात्ततो॑ जा॒तमृ॑षिमाहुर्वसि॑ष्ठम्	॥ 13 ॥
उ॒क्थ॑भृतं॒ साम॑भृतं॒ बिभ॑र्ति॒ ग्रावा॑णं॒ बिभृ॑त्प्र व॒दात्य॑ग्रै	
उ॒पैन॑माध्वं सु॒मन॑स्यमा॒ना आ॑ वो गच्छाति प्र॒तृदो॑ वसि॑ष्ठः	॥ 14 ॥

ऋषिः वसिष्ठः मैत्रावरुणिः छन्दः द्विपदा विराट् 1-21, त्रिष्टुप् 22-25 देवता विश्वे देवाः 1-15, 18-25,
अहिः 16, अहिर्बुध्न्यः 17

प्र शुक्रैतु देवी मनीषा अस्मत्सुतष्टो रथो न वाजी	॥ 1 ॥
विदुः पृथिव्या दिवो जनित्रं शृण्वन्त्यापो अध क्षरन्तीः	॥ 2 ॥
आपश्चिदस्मै पिन्वन्त पृथ्वीवृत्रेषु शूरा मंसन्त उग्रः	॥ 3 ॥
आ धूर्ष्वस्मै दधाताश्चानिन्द्रो न वज्री हिरण्यबाहुः	॥ 4 ॥
अभि प्र स्थाताहैव यज्ञं यातेव पत्नन्तमना हिनोत	॥ 5 ॥
त्मना समत्सु हिनोत यज्ञं दधात केतुं जनाय वीरम्	॥ 6 ॥
उदस्य शुष्माद्भानुर्नातु बिभर्ति भारं पृथिवी न भूम	॥ 7 ॥
ह्वयामि देवाँ अयातुरग्रे साधन्नृतेन धियं दधामि	॥ 8 ॥
अभि वो देवी धियं दधिध्वं प्र वो देवत्रा वाचं कृणुध्वम्	॥ 9 ॥
आ चष्ट आसां पाथो नदीनां वरुण उग्रः सहस्रचक्षाः	॥ 10 ॥
राजा राष्ट्रानां पेशो नदीनामनुत्तमस्मै क्षत्रं विश्वायु	॥ 11 ॥
अविष्टो अस्मान्विश्वासु विक्ष्वद्युं कृणोत शंसं निनित्सोः	॥ 12 ॥
व्येतु दिद्यद्द्विषामशोवा युयोत विष्णुग्रपस्तनूनाम्	॥ 13 ॥
अवीन्नो अग्रिर्हव्यान्नमोभिः प्रेष्ठो अस्मा अधायि स्तोमः	॥ 14 ॥
सजूदेवेभिरुपां नपातं सखायं कृध्वं शिवो नो अस्तु	॥ 15 ॥
अब्जामुक्थैरहिं गृणीषे बुध्ने नदीनां रजःसु षीदन्	॥ 16 ॥
मा नोऽहिर्बुध्न्यो रिषे धान्मा यज्ञो अस्य सिधदृतायोः	॥ 17 ॥
उत न एषु नृषु श्रवो धुः प्र राये यन्तु शर्धन्तो अर्यः	॥ 18 ॥
तपन्ति शत्रुं स्वर्णं भूमा महासेनासो अमेभिरेषाम्	॥ 19 ॥
आ यन्नः पत्नीर्गमन्त्यच्छा त्वष्टा सुपाणिर्दधातु वीरान्	॥ 20 ॥
प्रति नः स्तोमं त्वष्टा जुषेत स्यादस्मे अरमतिर्वसूयुः	॥ 21 ॥
ता नो रासन्नातिषाचो वसून्या रोदसी वरुणानी शृणोतु	
वरुत्रीभिः सुशरणो नो अस्तु त्वष्टा सुदत्रो वि दधातु रायः	॥ 22 ॥
तन्नो रायः पर्वतास्तन्न आपुस्तद्रातिषाच ओषधीरुत द्यौः	
वनस्पतिभिः पृथिवी सजोषा उभे रोदसी परि पासतो नः	॥ 23 ॥
अनु तदुर्वी रोदसी जिहातामनु द्युक्षो वरुण इन्द्रसखा	
अनु विश्वे मरुतो ये सहासो रायः स्याम धरुणं धियध्वै	॥ 24 ॥
तन्न इन्द्रो वरुणो मित्रो अग्निराप ओषधीर्वनिनो जुषन्त	
शर्मन्त्स्याम मरुतामुपस्थै यूयं पात स्वस्तिभिः सदा नः	॥ 25 ॥

ऋषिः वसिष्ठः मैत्रावरुणिः

छन्दः त्रिष्टुप्

देवता विश्वे देवाः

शं न इन्द्राग्री भवतामवोभिः शं न इन्द्रावरुणा रातहव्या	
शमिन्द्रासोमा सुवितायु शं योः शं न इन्द्रापूषणा वार्जसातौ	॥ 1 ॥
शं नो भगुः शमु नः शंसो अस्तु शं नः पुरंधिः शमु सन्तु रायः	
शं नः सत्यस्य सुयमस्य शंसः शं नो अर्यमा पुरुजातो अस्तु	॥ 2 ॥
शं नो धाता शमु धर्ता नो अस्तु शं न उरुची भवतु स्वधाभिः	
शं रोदसी बृहती शं नो अद्रिः शं नो देवानां सुहवानि सन्तु	॥ 3 ॥
शं नो अग्निज्योतिरनीको अस्तु शं नो मित्रावरुणावश्विना शम्	
शं नः सुकृतां सुकृतानि सन्तु शं न इषिरो अभि वातु वातः	॥ 4 ॥
शं नो द्यावापृथिवी पूर्वहूतौ शमन्तरिक्षं दृश्ये नो अस्तु	
शं न ओषधीर्वनिनो भवन्तु शं नो रजसस्पतिरस्तु जिष्णुः	॥ 5 ॥
शं न इन्द्रो वसुभिर्देवो अस्तु शमादित्येभिर्वरुणः सुशंसः	
शं नो रुद्रो रुद्रेभिर्जलाषः शं नस्त्वष्टा ग्राभिरिह शृणोतु	॥ 6 ॥
शं नः सोमो भवतु ब्रह्म शं नः शं नो ग्रावाणः शमु सन्तु यज्ञाः	
शं नः स्वरुणां मितयो भवन्तु शं नः प्रस्वः शम्वस्तु वेदिः	॥ 7 ॥
शं नः सूर्य उरुचक्षा उदैतु शं नश्चतस्रः प्रदिशो भवन्तु	
शं नः पर्वता ध्रुवयो भवन्तु शं नः सिन्धवः शमु सन्त्वापः	॥ 8 ॥
शं नो अदितिर्भवतु व्रतेभिः शं नो भवन्तु मरुतः स्वर्काः	
शं नो विष्णुः शमु पूषा नो अस्तु शं नो भवित्रं शम्वस्तु वायुः	॥ 9 ॥
शं नो देवः सविता त्रायमाणः शं नो भवन्तूषसो विभातीः	
शं नः पर्जन्यो भवतु प्रजाभ्यः शं नः क्षेत्रस्य पतिरस्तु शंभुः	॥ 10 ॥
शं नो देवा विश्वेदेवा भवन्तु शं सरस्वती सह धीभिरस्तु	
शमभिषाचः शमु रातिषाचः शं नो दिव्याः पार्थिवाः शं नो अप्याः	॥ 11 ॥
शं नः सत्यस्य पतयो भवन्तु शं नो अर्वन्तः शमु सन्तु गावः	
शं न ऋभर्वः सुकृतः सुहस्ताः शं नो भवन्तु पितरो हवेषु	॥ 12 ॥
शं नो अज एकपाद्देवो अस्तु शं नोऽर्हिर्बुध्यः शं समुद्रः	
शं नो अपां नपात्पेरुरस्तु शं नः पृश्निर्भवतु देवगोपा	॥ 13 ॥
आदित्या रुद्रा वसवो जुषन्तेदं ब्रह्म क्रियमाणं नवीयः	
शृण्वन्तु नो दिव्याः पार्थिवासो गोजाता उत ये यज्ञियासः	॥ 14 ॥
ये देवानां यज्ञिया यज्ञियानां मनोर्यजत्रा अमृता ऋतज्ञाः	

ते नो॑ रासन्तामुरुगायम॒द्य यूयं॑ पात॒ स्व॒स्तिभिः॑ सदा॒ नः

॥ 15 ॥

। इति पञ्चमाष्टके तृतीयोऽध्यायः समाप्तः ।

(चतुर्थोऽध्यायः ॥ वर्गाः 1-30)

(9)

36

(म.7, अनु.3)

ऋषिः वसिष्ठः मैत्रावरुणिः	छन्दः त्रिष्टुप्	देवता विश्वे देवाः
---------------------------	------------------	--------------------

प्र ब्रह्मैतु सदर्नादृतस्य वि रश्मिभिः ससृजे सूर्यो गाः	
वि सानुना पृथिवी संस्र उर्वो पृथु प्रतीकमध्येधे अग्निः	॥ 1 ॥
इमां वां मित्रावरुणा सुवृक्तिमिषं न कृण्वे असुरा नवीयः	
इनो वामन्यः पदवीरदब्धो जनं च मित्रो यतति ब्रुवाणः	॥ 2 ॥
आ वातस्य ध्रजतो रन्त इत्या अपीपयन्त धेनवो न सूदाः	
महो दिवः सदर्ने जायमानोऽचिक्रददृषुभः सस्मिन्नूधन्	॥ 3 ॥
गिरा य एता युनजद्धरीं त इन्द्र प्रिया सुरथा शूर धायू	
प्र यो मनुं रिरिक्षतो मिनात्या सुक्रतुमर्यमणं ववृत्याम्	॥ 4 ॥
यजन्ते अस्य सख्यं वयश्च नमस्विनः स्व ऋतस्य धामन्	
वि पृक्षो बाबधे नृभिः स्तवान इदं नमो रुद्राय प्रेष्ठम्	॥ 5 ॥
आ यत्साकं यशसो वावशानाः सरस्वती सप्तथी सिन्धुमाता	
याः सुष्वर्यन्त सुदुघाः सुधारा अभि स्वेन पर्यसा पीप्यानाः	॥ 6 ॥
उत त्ये नो मरुतो मन्दसाना धियं तोकं च वाजिनोऽवन्तु	
मा नः परि ख्यदक्षरा चरन्त्यवीवृध्न्युज्यं ते रयिं नः	॥ 7 ॥
प्र वो महीमरमतिं कृणुध्वं प्र पूषणं विदुथ्यं न वीरम्	
भगं धियोऽवितारं नो अस्याः सातौ वाजं रातिषाचं पुरंधिम्	
अच्छायं वो मरुतः श्लोक एत्वच्छा विष्णुं निषिक्तुपामवोभिः	
उत प्रजायै गृणते वयो धुर्युयं पात स्वस्तिभिः सदा नः	॥ 9 ॥

(8)

37

(म.7, अनु.3)

ऋषिः वसिष्ठः मैत्रावरुणिः	छन्दः त्रिष्टुप्	देवता विश्वे देवाः
---------------------------	------------------	--------------------

आ वो वाहिष्ठो वहतु स्त्वध्वै रथो वाजा ऋभुक्षणो अमृक्तः	
अभि त्रिपृष्ठैः सर्वनेषु सोमैर्मदे सुशिप्रा महभिः पृणध्वम्	॥ 1 ॥
यूयं ह रत्नं मघवत्सु धत्थ स्वर्दशं ऋभुक्षणो अमृक्तम्	
सं यज्ञेषु स्वधावन्तः पिबध्वं वि नो राधांसि मतिभिर्दयध्वम्	॥ 2 ॥
उवोचिथ हि मघवन्देष्णं महो अर्भस्य वसुनो विभागे	
उभा ते पूर्णा वसुना गभस्ती न सूनृता नि यमते वसुव्या	॥ 3 ॥
त्वमिन्द्र स्वयंशा ऋभुक्षा वाजो न साधुरस्तमेष्युक्ता	
वयं नु ते दाश्वांसः स्याम ब्रह्म कृण्वन्तो हरिवो वसिष्ठाः	॥ 4 ॥
सनितासि प्रवतो दाशुषे चिद्याभिर्विवेषो हर्यश्च धीभिः	
ववन्मा नु ते युज्याभिरूती कदा न इन्द्र राय आ दशस्येः	॥ 5 ॥

वासयसीव वेधसस्त्वं नः कदा न इन्द्र वचसो बुबोधः |
 अस्तीं तात्या धिया रयिं सुवीरं पृक्षो नो अर्वा न्युहीत वाजी || 6 ||
 अभि यं देवी निर्ऋतिश्चिदीशो नक्षन्तु इन्द्रं शरदः सुपृक्षः |
 उपं त्रिबन्धुर्जरदष्टिमेत्यस्ववेशं यं कृणवन्तु मर्ताः || 7 ||
 आ नो राधांसि सवितः स्त्वध्या आ रायो यन्तु पर्वतस्य रातौ |
 सदा नो दिव्यः पायुः सिषक्तु यूयं पात स्वस्तिभिः सदा नः || 8 ||

(8)

38

(म.7, अनु.3)

ऋषिः वसिष्ठः मैत्रावरुणिः

छन्दः त्रिष्टुप्

देवता सविता 1-6, वाजिनः 7-8

उदु ष्य देवः सविता ययाम हिरण्ययीममतिं यामशिश्नेत् |
 नूनं भगो हव्यो मानुषेभिर्वि यो रत्नां पुरुवसुर्दधाति || 1 ||
 उदु तिष्ठ सवितः श्रुध्यस्य हिरण्यपाणे प्रभृतावृतस्य |
 व्युर्ष्वीं पृथ्वीममतिं सृजान आ नृभ्यो मर्तभोजनं सुवानः || 2 ||
 अपिं द्रुतः सविता देवो अस्तु यमा चिद्विश्वे वसवो गृणन्ति |
 स नः स्तोमान्नमस्यश्चनो धाद्विश्वेभिः पातु पायुभिर्नि सूरीन् || 3 ||
 अभि यं देव्यदितिर्गृणाति स्वं देवस्य सवितुर्जुषाणा |
 अभि सम्राजो वरुणो गृणन्त्यभि मित्रासो अर्यमा सजोषाः || 4 ||
 अभि ये मिथो वनुषः सपन्ते रातिं दिवो रातिषाचः पृथिव्याः |
 अहिर्बुध्यं उत नः शृणोतु वरुत्र्येकधेनुभिर्नि पातु || 5 ||
 अनु तन्नो जास्पतिर्मसीष्ट रत्नं देवस्य सवितुरियानः |
 भगमुग्रोऽवसे जोहवीति भगमनुग्रो अध याति रत्नम् || 6 ||
 शं नो भवन्तु वाजिनो हवेषु देवताता मितद्रवः स्वर्काः |
 जम्भयन्तोऽहिं वृकं रक्षांसि सनेम्यस्मद्युयवन्नमीवाः || 7 ||
 वाजैवाजेऽवत वाजिनो नो धनेषु विप्रा अमृता ऋतज्ञाः |
 अस्य मध्वः पिबत मादयध्वं तृप्ता यात पृथिभिर्देव्यानैः || 8 ||

(7)

39

(म.7, अनु.3)

ऋषिः वसिष्ठः मैत्रावरुणिः

छन्दः त्रिष्टुप्

देवता विश्वे देवाः

ऊर्ध्वो अग्निः सुमतिं वस्वो अश्रेत्प्रतीची जूर्णिर्देवतातिमेति |
 भेजाते अद्रीं रथ्येव पन्थामृतं होता न इषितो यजाति || 1 ||
 प्र वावृजे सुप्रया बर्हिरेषामा विश्पतीव बीरिट इयाते |
 विशामुक्तोरुषसः पूर्वहूतौ वायुः पूषा स्वस्तये नियुत्वान् || 2 ||
 ज्मया अत्र वसवो रन्त देवा उरावन्तरिक्षे मर्जयन्त शुभ्राः |

अर्वाकपथ उरुजयः कृणुध्वं श्रोता दूतस्य जग्मुषो नो अस्य	॥ 3 ॥
ते हि यज्ञेषु यज्ञियास ऊमाः सुधस्थं विश्वे अभि सन्ति देवाः	
तां अध्वर उशतो यक्ष्यग्रे श्रुष्टी भगं नासत्या पुरंधिम्	॥ 4 ॥
आग्ने गिरो दिव आ पृथिव्या मित्रं वह वरुणमिन्द्रमग्निम्	
आर्यमणमदितिं विष्णुमेषां सरस्वती मरुतो मादयन्ताम्	॥ 5 ॥
रुरे हव्यं मृतिभिर्यज्ञियानां नक्षत्कामं मर्त्यानामसिन्वन्	
धाता रयिमविदस्यं सदासां संक्षीमहि युज्येभिर्नु देवैः	॥ 6 ॥
नू रोदसी अभिष्टुते वसिष्ठैर्ऋतावानो वरुणो मित्रो अग्निः	
यच्छन्तु चन्द्रा उपमं नो अर्कं यूयं पात स्वस्तिभिः सदा नः	॥ 7 ॥

(7)

40

(म.7, अनु.3)

ऋषिः वसिष्ठः मैत्रावरुणिः	छन्दः त्रिष्टुप्	देवता विश्वे देवाः
---------------------------	------------------	--------------------

ओ श्रुष्टिर्विदथ्याः समेतु प्रति स्तोमं दधीमहि तुराणाम्	
यदद्य देवः सविता सुवाति स्यामास्य रत्विनो विभागे	॥ 1 ॥
मित्रस्तन्नो वरुणो रोदसी च द्युभक्तमिन्द्रो अर्यमा ददातु	
दिदेष्टु देव्यदिति रेकणो वायुश्च यन्नियुवैते भगश्च	॥ 2 ॥
सेदुगो अस्तु मरुतः स शुष्मी यं मर्त्यं पृषदश्वा अवाथ	
उतेमग्निः सरस्वती जुनन्ति न तस्य रायः पर्येतास्ति	॥ 3 ॥
अयं हि नेता वरुण ऋतस्य मित्रो राजानो अर्यमापो धुः	
सुहवा देव्यदितिरनुर्वा ते नो अंहो अति पर्वन्नरिष्टान्	॥ 4 ॥
अस्य देवस्य मीळहुषो वया विष्णोरिषस्य प्रभृथे हविर्भिः	
विदे हि रुद्रो रुद्रियं महित्वं यासिष्टं वर्तिरश्विनाविरावत्	॥ 5 ॥
मात्रं पूषन्नाघृण इरस्यो वरुत्री यद्रातिषाचश्च रासन्	
म्योभुवो नो अर्वन्तो नि पान्तु वृष्टिं परिज्मा वातो ददातु	॥ 6 ॥
नू रोदसी अभिष्टुते वसिष्ठैर्ऋतावानो वरुणो मित्रो अग्निः	
यच्छन्तु चन्द्रा उपमं नो अर्कं यूयं पात स्वस्तिभिः सदा नः	॥ 7 ॥

(7)

41

(म.7, अनु.3)

ऋषिः वसिष्ठः मैत्रावरुणिः	छन्दः जगती 1, त्रिष्टुप् 2-7
देवता अग्नीन्द्रमित्रावरुणाश्विभगपूषब्रह्मणस्पतिसोमरुद्राः 1, भगः 2-6, उषसः 7	

प्रातरग्निं प्रातरिन्द्रं हवामहे प्रातर्मित्रावरुणा प्रातरश्विना	
प्रातर्भगं पूषणं ब्रह्मणस्पतिं प्रातः सोममुत रुद्रं हुवेम	॥ 1 ॥
प्रातर्जितं भगमुग्रं हुवेम वयं पुत्रमदितेयो विधृता	
आध्रिश्चिद्यं मन्यमानस्तुरश्चिद्राजा चिद्यं भगं भक्षीत्याह	॥ 2 ॥

भगु प्रणेतुर्भगु सत्यराधो भगोमां धियमुदेवा ददन्नः	
भगु प्र णो जनयु गोभिरश्वैर्भगु प्र नृभिर्नृवन्तः स्याम	॥ 3 ॥
उतेदानीं भगवन्तः स्यामोत प्रपित्व उत मध्ये अह्नाम्	
उतोदिता मघवन्त्सूर्यस्य वयं देवानां सुमतौ स्याम	॥ 4 ॥
भगु एव भगवाँ अस्तु देवास्तेन वयं भगवन्तः स्याम	
तं त्वा भगु सर्व इज्जोहवीति स नो भगु पुरएता भवेह	॥ 5 ॥
समध्वरायोषसो नमन्त दधिक्रावेव शुचये पदाय	
अर्वाचीनं वसुविदं भगं नो रथमिवाश्वा वाजिन आ वहन्तु	॥ 6 ॥
अश्वावतीर्गोमतीर्न उषासो वीरवतीः सदमुच्छन्तु भद्राः	
घृतं दुहाना विश्वतः प्रपीता यूयं पात स्वस्तिभिः सदा नः	॥ 7 ॥

(6)

42

(म.7, अनु.3)

ऋषिः वसिष्ठः मैत्रावरुणिः	छन्दः त्रिष्टुप्	देवता विश्वे देवाः
---------------------------	------------------	--------------------

प्र ब्रह्माणो अङ्गिरसो नक्षन्तु प्र क्रन्दुनुर्नभ्यस्य वेतु	
प्र धेनव उदप्रुतो नवन्त युज्यातामद्री अध्वरस्य पेशः	॥ 1 ॥
सुगस्ते अग्रे सनवित्तो अध्वा युक्ष्वा सुते हरितो रोहितश्च	
ये वा सद्भन्नरुषा वीरवाहो हुवे देवानां जनिमानि सत्तः	॥ 2 ॥
समु वो यज्ञं महयन्नमोभिः प्र होता मन्द्रो रिरिच उपाके	
यजस्व सु पुर्वणीक देवाना यज्ञियामरमतिं ववृत्याः	॥ 3 ॥
यदा वीरस्य रेवतो दुरोणे स्योनशीरतिथिराचिकेतत्	
सुप्रीतो अग्निः सुधितो दम् आ स विशे दाति वार्यमियत्यै	॥ 4 ॥
इमं नो अग्रे अध्वरं जुषस्व मरुत्स्विन्द्रै यशसं कृधी नः	
आ नक्ता बर्हिः सदतामुषासोशन्ता मित्रावरुणा यजेह	॥ 5 ॥
एवाग्निं सहस्यं वसिष्ठो रायस्कामो विश्वप्स्यस्य स्तौत्	
इषं रथिं पप्रथद्वाजमस्मे यूयं पात स्वस्तिभिः सदा नः	॥ 6 ॥

(5)

43

(म.7, अनु.3)

ऋषिः वसिष्ठः मैत्रावरुणिः	छन्दः त्रिष्टुप्	देवता विश्वे देवाः
---------------------------	------------------	--------------------

प्र वो यज्ञेषु देवयन्तो अर्चन्धावा नमोभिः पृथिवी इषध्वै	
येषां ब्रह्माण्यसमानि विप्रा विष्वग्वियन्ति वनिनो न शाखाः	॥ 1 ॥
प्र यज्ञ एतु हेत्वो न सप्तिरुद्यच्छध्वं समनसो घृताचीः	
स्तृणीत बर्हिरध्वराय साधूर्वा शोचीषि देवयून्यस्थुः	॥ 2 ॥

आ पुत्रासो न मातरं विभृत्राः सानौ देवासो बर्हिषः सदन्तु |
 आ विश्वाचीं विदुथ्यामनक्त्वग्ने मा नो देवताता मृधस्कः || 3 ||
 ते सीषपन्त जोषमा यजत्रा ऋतस्य धाराः सुदुघा दुहानाः |
 ज्येष्ठं वो अद्य मह आ वसूनामा गन्तन् समनसो यतिष्ठ || 4 ||
 एवा नो अग्ने विक्ष्वा दशस्य त्वया वयं सहसावत्रास्क्राः |
 राया युजा संधमादो अरिष्टा यूयं पात स्वस्तिभिः सदा नः || 5 ||

(5)

44

(म.7, अनु.3)

ऋषिः वसिष्ठः मैत्रावरुणिः

छन्दः जगती 1, त्रिष्टुप् 2-5

देवता दधिक्राश्व्युषोऽग्निभगेन्द्रविष्णुपूषब्रह्मणस्पत्यादित्यद्यावापृथिव्यापः 1, दधिक्राः 2-5

दधिक्रां वः प्रथममश्विनोषसमग्निं समिद्धं भगमूतये हुवे |
 इन्द्रं विष्णुं पूषणं ब्रह्मणस्पतिमादित्यान्द्यावापृथिवी अपः स्वः || 1 ||
 दधिक्रामु नमसा बोधयन्त उदीराणा यज्ञमुपप्रयन्तः |
 इळां देवीं बर्हिषि सादयन्तोऽश्विना विप्रां सुहवा हुवेम || 2 ||
 दधिक्रावाणं बुबुधानो अग्निमुप ब्रुव उषसं सूर्यं गाम् |
 ब्रध्नं मंश्चतोर्वरुणस्य बभ्रुं ते विश्वास्मद्दुरिता यावयन्तु || 3 ||
 दधिक्रावां प्रथमो वाज्यर्वाग्ने रथानां भवति प्रजानन् |
 संविदान उषसा सूर्येणादित्येभिर्वसुभिरङ्गिरोभिः || 4 ||
 आ नो दधिक्राः पृथ्यामनक्त्वृतस्य पन्थामन्वेतवा उं |
 शृणोतु नो दैव्यं शर्धो अग्निः शृण्वन्तु विश्वे महिषा अमूराः || 5 ||

(4)

45

(म.7, अनु.3)

ऋषिः वसिष्ठः मैत्रावरुणिः

छन्दः त्रिष्टुप्

देवता सविता

आ देवो यातु सविता सुरत्वोऽन्तरिक्षप्रा वहमानो अश्वैः |
 हस्ते दधानो नयां पुरूणि निवेशयञ्च प्रसुवञ्च भूमं || 1 ||
 उदस्य बाहू शिथिरा बृहन्ता हिरण्यया दिवो अन्तां अनष्टाम् |
 नूनं सो अस्य महिमा पनिष्ट सूरश्चिदस्मा अनु दादपस्याम् || 2 ||
 स घा नो देवः सविता सहावा ऽऽसाविषद्वसुपतिर्वसूनि |
 विश्रयमाणो अमतिमूर्च्छो मर्तुभोजनमर्धं रासते नः || 3 ||
 इमा गिरः सवितारं सुजिह्वं पूर्णगभस्तिमीळते सुपाणिम् |
 चित्रं वयो बृहदस्मे दधातु यूयं पात स्वस्तिभिः सदा नः || 4 ||

(4)

46

(म.7, अनु.3)

ऋषिः वसिष्ठः मैत्रावरुणिः

छन्दः जगती 1-3, त्रिष्टुप् 4

देवता रुद्रः

इमा रुद्राय स्थिरधन्वने गिरः क्षिप्रेष्वे देवाय स्वधात्रे |
 अषाळ्हाय सहमानाय वेधसे तिम्युधाय भरता शृणोतु नः || 1 ||
 स हि क्षयेण क्षम्यस्य जन्मनः साम्राज्येन दिव्यस्य चेतति |
 अवन्नवन्तीरुप नो दुरश्चरानमीवो रुद्र जासु नो भव || 2 ||
 या ते दिद्युदवसृष्टा दिवस्परि क्षम्या चरति परि सा वृणक्तु नः |
 सहस्रं ते स्वपिवात भेषजा मा नस्तोकेषु तनयेषु रीरिषः || 3 ||
 मा नो वधी रुद्र मा परा दा मा ते भूम प्रसितौ हीळितस्य |
 आ नो भज बर्हिषि जीवशंसे यूयं पात स्वस्तिभिः सदा नः || 4 ||

(4)

47

(म.7, अनु.3)

ऋषिः वसिष्ठः मैत्रावरुणिः

छन्दः त्रिष्टुप्

देवता आपः

आपो यं वः प्रथमं देव्यन्त इन्द्रपानमूर्मिमकृण्वतेळः |
 तं वो वयं शुचिमरिप्रमद्य घृतप्रुषु मधुमन्तं वनेम || 1 ||
 तमूर्मिमापो मधुमत्तमं वोऽपां नपादवत्वाशुहेमा |
 यस्मिन्निन्द्रो वसुभिर्मादयाते तमश्याम देव्यन्तो वो अद्य || 2 ||
 शतपवित्राः स्वधया मदन्तीर्देवीर्देवानामपि यन्ति पार्थः |
 ता इन्द्रस्य न मिनन्ति व्रतानि सिन्धुभ्यो हव्यं घृतवञ्जुहोत || 3 ||
 याः सूर्यो रश्मिभिराततान् याभ्य इन्द्रो अरदद्वातुमूर्मिम् |
 ते सिन्धवो वरिवो धातना नो यूयं पात स्वस्तिभिः सदा नः || 4 ||

(4)

48

(म.7, अनु.3)

ऋषिः वसिष्ठः मैत्रावरुणिः

छन्दः त्रिष्टुप्

देवता ऋभवः 1-3, ऋभवः विश्वे देवाः वा 4

ऋभुक्षणो वाजा मादयध्वमस्मे नरो मघवानः सुतस्य |
 आ वोऽर्वाचः क्रतवो न यातां विभवो रथं नयं वर्तयन्तु || 1 ||
 ऋभुर्ऋभुभिरभि वः स्याम विभवो विभुभिः शवसा शवांसि |
 वाजो अस्मां अवतु वाजसाताविन्द्रेण युजा तरुषेम वृत्रम् || 2 ||
 ते चिद्धि पूर्वोभि सन्ति शासा विश्वो अर्य उपरताति वन्वन् |
 इन्द्रो विश्वो ऋभुक्षा वाजो अर्यः शत्रोर्मिथुत्या कृणवन्वि नृम्णम् || 3 ||
 नू देवासो वरिवः कर्तना नो भूत नो विश्वेऽवसे सजोषाः |
 समस्मे इषु वसवो ददीरन्युयं पात स्वस्तिभिः सदा नः || 4 ||

(4)

49

(म.7, अनु.3)

ऋषिः वसिष्ठः मैत्रावरुणिः

छन्दः त्रिष्टुप्

देवता आपः

समुद्रज्यैष्ठाः सलिलस्य मध्यात्पुनाना यन्त्यनिविशमानाः |
 इन्द्रो या वृज्री वृषभो ररादु ता आपो देवीरिह मामवन्तु || 1 ||
 या आपो दिव्या उत वा स्रवन्ति खनित्रिमा उत वा याः स्वयंजाः |
 समुद्रार्था याः शुचयः पावकास्ता आपो देवीरिह मामवन्तु || 2 ||
 यासां राजा वरुणो याति मध्ये सत्यानृते अवपश्यञ्जनानाम् |
 मधुश्चुतः शुचयो याः पावकास्ता आपो देवीरिह मामवन्तु || 3 ||
 यासु राजा वरुणो यासु सोमो विश्वे देवा यासूर्जं मर्दन्ति |
 वैश्वानरो यास्वग्निः प्रविष्टस्ता आपो देवीरिह मामवन्तु || 4 ||

(4)

50

(म.7, अनु.3)

ऋषिः वसिष्ठः मैत्रावरुणिः

छन्दः जगती 1-3, अतिजगती शकरी वा 4

देवता मित्रावरुणौ 1, अग्निः 2, विश्वे देवाः 3, नद्यः 4

आ मां मित्रावरुणेह रक्षतं कुलाययद्विश्वयन्मा न आ गन् |
 अज्कावं दुर्दशीकं तिरो दधे मा मां पद्येन रपसा विदत्सरुः || 1 ||
 यद्विजामन्परुषि वन्दनं भुवदष्टीवन्तौ परि कुल्फौ च देहत् |
 अग्निष्टच्छोचन्नप बाधतामितो मा मां पद्येन रपसा विदत्सरुः || 2 ||
 यच्छल्मलौ भवति यन्नदीषु यदोषधीभ्यः परि जायते विषम् |
 विश्वे देवा निरितस्तत्सुवन्तु मा मां पद्येन रपसा विदत्सरुः || 3 ||
 याः प्रवतो निवत उद्वत उदन्वतीरनुदकाश्च याः |
 ता अस्मभ्यं पर्यसा पिन्वमानाः शिवा देवीरशिपदा भवन्तु सर्वा नद्यो अशिमिदा भवन्तु || 4 ||

(3)

51

(म.7, अनु.3)

ऋषिः वसिष्ठः मैत्रावरुणिः

छन्दः त्रिष्टुप्

देवता आदित्याः

आदित्यानामवसा नूतनेन सक्षीमहि शर्मणा शंतमेन |
 अनागास्त्वे अदितित्वे तुरास इमं यज्ञं दधतु श्रोषमाणाः || 1 ||
 आदित्यासो अदितिर्मादयन्तां मित्रो अर्यमा वरुणो रजिष्ठाः |
 अस्माकं सन्तु भुवनस्य गोपाः पिबन्तु सोममवसे नो अद्य || 2 ||
 आदित्या विश्वे मरुतश्च विश्वे देवाश्च विश्वे ऋभवश्च विश्वे |
 इन्द्रो अग्निरश्विना तुष्टुवाना यूयं पात स्वस्तिभिः सदा नः || 3 ||

(3)

52

(म.7, अनु.3)

ऋषिः वसिष्ठः मैत्रावरुणिः

छन्दः त्रिष्टुप्

देवता आदित्याः

आदित्यासो अदितयः स्याम पूदैवत्रा वसवो मर्त्यत्रा |
 सनेम मित्रावरुणा सनन्तो भवैम द्यावापृथिवी भवन्तः || 1 ||

मित्रस्तन्नो वरुणो मामहन्तु शर्म तोकाय तनयाय गोपाः ।
 मा वो भुजेमान्यजात्मेनो मा तत्कर्म वसवो यच्चयध्वे ॥ 2 ॥
 तुरुण्यवोऽङ्गिरसो नक्षन्तु रत्नं देवस्य सवितुरियानाः ।
 पिता च तन्नो महान्यजत्रो विश्वे देवाः समनसो जुषन्त ॥ 3 ॥

(3) **53** (म.7, अनु.3)

ऋषिः वसिष्ठः मैत्रावरुणिः छन्दः त्रिष्टुप् देवता द्यावापृथिवी

प्र द्यावा युजैः पृथिवी नमोभिः सुबाध ईळे बृहती यजत्रे ।
 ते चिद्धि पूर्वे कवयो गृणन्तः पुरो मही दधिरे देवपुत्रे ॥ 1 ॥
 प्र पूर्वजे पितरा नव्यसीभिर्गीभिः कृणुध्वं सदने ऋतस्य ।
 आ नो द्यावापृथिवी दैव्येन जनेन यातं महि वां वरूथम् ॥ 2 ॥
 उतो हि वां रत्नधेयानि सन्ति पुरूणि द्यावापृथिवी सुदासे ।
 अस्मे धत्तं यदसदस्कृधोयु यूयं पात स्वस्तिभिः सदा नः ॥ 3 ॥

(3) **54** (म.7, अनु.3)

ऋषिः वसिष्ठः मैत्रावरुणिः छन्दः त्रिष्टुप् देवता वास्तोष्पतिः

वास्तोष्पते प्रति जानीह्यस्मान्स्वावेशो अनमीवो भवा नः ।
 यत्त्वेमहे प्रति तन्नो जुषस्व शं नो भव द्विपदे शं चतुष्पदे ॥ 1 ॥
 वास्तोष्पते प्रतरणो न एधि गयस्फानो गोभिरश्वैभिरिन्दो ।
 अजरासस्ते सुख्ये स्याम पितेवं पुत्रान्प्रति नो जुषस्व ॥ 2 ॥
 वास्तोष्पते श्मया संसदा ते सक्षीमहि रण्वया गातुमत्या ।
 पाहि क्षेम उत योगे वरं नो यूयं पात स्वस्तिभिः सदा नः ॥ 3 ॥

(8) **55** (म.7, अनु.3)

ऋषिः वसिष्ठः मैत्रावरुणिः छन्दः गायत्री 1, उपरिष्टाद्बृहती 2-4, अनुष्टुप् 5-8 देवता वास्तोष्पतिः 1, इन्द्रः 2-8

अमीवहा वास्तोष्पते विश्वा रूपाण्याविशन् । सर्वा सुशेवं एधि नः ॥ 1 ॥
 यदर्जुन सारमेय दतः पिशाङ्ग यच्छसे।वीव भ्राजन्त ऋष्टय उप स्रक्केषु बर्षतो नि षु स्वप ॥ 2 ॥
 स्तेनं राय सारमेय तस्करं वा पुनःसर। स्तोतृनिन्द्रस्य रायसि किमस्मान्दुच्छुनायसे नि षु स्वप ॥ 3 ॥
 त्वं सूकरस्य दर्दहि तवं दर्दतु सूकरः। स्तोतृनिन्द्रस्य रायसि किमस्मान्दुच्छुनायसे नि षु स्वप ॥ 4 ॥
 सस्तु माता सस्तु पिता सस्तु श्वा सस्तु विश्वपतिः। ससन्तु सर्वे ज्ञातयः सस्त्वयमभितो जनः ॥ 5 ॥
 य आस्ते यश्च चरति यश्च पश्यति नो जनः । तेषां सं हन्मो अक्षाणि यथेदं हर्म्य तथा ॥ 6 ॥
 सहस्रशृङ्गो वृषभो यः समुद्रादुदाचरत् । तेना सहस्येना वयं नि जनान्स्वापयामसि ॥ 7 ॥
 प्रोष्टेश्या वृहेश्या नारीयास्तल्पशीवरीः । स्त्रियो याः पुण्यगन्धास्ताः सर्वाः स्वापयामसि ॥ 8 ॥

ऋषिः वसिष्ठः मैत्रावरुणिः

छन्दः द्विपदा विराट् 1-11, त्रिष्टुप् 12-25

देवता मरुतः

क ई व्यक्ता नरः सनीळा रुद्रस्य मर्या अधा स्वश्वाः	॥ 1 ॥
नकिर्होषां जनुषि वेद ते अङ्ग विद्रे मिथो जनित्रम्	॥ 2 ॥
अभि स्वपूभिर्मिथो वपन्त वातस्वनसः श्येना अस्पृधन्	॥ 3 ॥
एतानि धीरो निण्या चिकेत पृश्निर्यदूधो मही जभारं	॥ 4 ॥
सा विट् सुवीरा मरुद्धिरस्तु सनात्सहन्ती पुष्यन्ती नृम्णम्	॥ 5 ॥
यामुं येषां शुभा शोभिष्ठाः श्रिया संमिश्रा ओजोभिरुग्राः	॥ 6 ॥
उग्रं व ओजः स्थिरा शवांस्यधा मरुद्धिर्गणस्तुविष्मान्	॥ 7 ॥
शुभ्रो वः शुष्मः क्रुध्मी मनांसि धुनिर्मुनिरिव शर्धस्य धृष्णोः	॥ 8 ॥
सनेम्यस्मद्युयोत दिद्युं मा वो दुर्मतिरिह प्रणङ्गः	॥ 9 ॥
प्रिया वो नाम हुवे तुराणामा यत्तृपन्मरुतो वावशानाः	॥ 10 ॥
स्वायुधासं इष्मिणः सुनिष्का उत स्वयं तन्वशः शुम्भमानाः	॥ 11 ॥
शुची वो हव्या मरुतः शुचीनां शुचिं हिनोम्यध्वरं शुचिभ्यः	
ऋतेन सत्यमृतसाप आयञ्छुचिजन्मानः शुचयः पावकाः	॥ 12 ॥
असेष्वा मरुतः खादयो वो वक्षःसु रुक्मा उपशिश्त्रियाणाः	
वि विद्युतो न वृष्टिभीं रुचाना अनु स्वधामायुधैर्यच्छमानाः	॥ 13 ॥
प्र बुध्या व ईरते महांसि प्र नामानि प्रयज्यवस्तिरध्वम्	
सहस्रियं दम्यं भागमेतं गृहमेधीयं मरुतो जुषध्वम्	॥ 14 ॥
यदि स्तुतस्य मरुतो अधीथेतथा विप्रस्य वाजिनो हवीमन्	
मक्षू रायः सुवीर्यस्य दातु नू चिद्यमन्य आदभदरावा	॥ 15 ॥
अत्यासो न ये मरुतः स्वञ्चो यक्षदृशो न शुभयन्त मर्याः	
ते हर्म्येष्ठाः शिशवो न शुभ्रा वत्सासो न प्रक्रीळिनः पयोधाः	॥ 16 ॥
दशस्यन्तो नो मरुतो मृळन्तु वरिवस्यन्तो रोदसी सुमेके	
आरे गोहा नृहा वधो वो अस्तु सुम्नेभिरस्मे वसवो नमध्वम्	॥ 17 ॥
आ वो होता जोहवीति सत्तः सूत्रार्चीं रातिं मरुतो गृणानः	
य ईवतो वृषणो अस्ति गोपाः सो अद्वयावी हवते व उक्थैः	॥ 18 ॥
इमे तुरं मरुतो रामयन्तीमे सहः सहस्र आ नमन्ति	
इमे शंसं वनुष्यतो नि पान्ति गुरु द्वेषो अररुषे दधन्ति	॥ 19 ॥
इमे रध्रं चिन्मरुतो जुनन्ति भूमिं चिद्यथा वसवो जुषन्त	
अप बाधध्वं वृषणस्तमांसि धत्त विश्वं तनयं तोकमस्मे	॥ 20 ॥
मा वो दात्रान्मरुतो निरराम मा पश्चाद्दध्म रथ्यो विभागे	
आ नः स्पार्हे भजतना वसुव्येर् इदीं सुजातं वृषणो वो अस्ति	॥ 21 ॥
सं यद्धनन्त मन्युभिर्जनासः शूरा यद्द्विष्वोषधीषु विक्षु	

अधं स्मा नो मरुतो रुद्रियासस्त्रातारो भूत् पृतनास्वर्यः	॥ 22 ॥
भूरि चक्र मरुतः पित्र्याण्युक्थानि या वः शस्यन्ते पुरा चित्	
मरुद्भिरुग्रः पृतनासु साळ्हा मरुद्भिरित्सनिता वाजमर्वा	॥ 23 ॥
अस्मे वीरो मरुतः शुष्यस्तु जनानां यो असुरो विधृता	
अपो येन सुक्षितये तरेमाधु स्वमोको अभि वः स्याम	॥ 24 ॥
तन्न इन्द्रो वरुणो मित्रो अग्निराप ओषधीर्वनिनो जुषन्त	
शर्मन्त्स्याम मरुतामुपस्थे यूयं पात स्वस्तिभिः सदा नः	॥ 25 ॥

(7)

57

(म.7, अनु.4)

ऋषिः वसिष्ठः मैत्रावरुणिः	छन्दः त्रिष्टुप्	देवता मरुतः
---------------------------	------------------	-------------

मध्वो वो नाम मरुतं यजत्राः प्र यज्ञेषु शर्वसा मदन्ति	
ये रेजयन्ति रोदसी चिदुर्वी पिन्वन्त्युत्सं यदयासुरुग्राः	॥ 1 ॥
निचेतारो हि मरुतो गृणन्तं प्रणेतारो यजमानस्य मन्म	
अस्माकमद्य विदथेषु बहिरा वीतये सदत पिप्रियाणाः	॥ 2 ॥
नैतावदन्ये मरुतो यथेमे भ्राजन्ते रुक्मैरायुधैस्तनूभिः	
आ रोदसी विश्वपिशाः पिशानाः समानमृज्यञ्जते शुभे कम्	॥ 3 ॥
ऋध्वसा वो मरुतो दिद्युदस्तु यद्वा आगः पुरुषता कराम	
मा वस्तस्यामपि भूमा यजत्रा अस्मे वो अस्तु सुमतिश्चनिष्ठा	॥ 4 ॥
कृते चिदत्र मरुतो रणन्तानवद्यासुः शुचयः पावकाः	
प्र णोऽवत सुमतिभिर्यजत्राः प्र वाजैभिस्तिरत पुष्यसे नः	॥ 5 ॥
उत स्तुतासो मरुतो व्यन्तु विश्वेभिर्नामभिर्नरो हवीषि	
ददात नो अमृतस्य प्रजायै जिगृत रायः सूनृता मघानि	॥ 6 ॥
आ स्तुतासो मरुतो विश्वं ऊती अच्छा सूरिन्सर्वताता जिगात	
ये न्स्मना श्तिनो वर्धयन्ति यूयं पात स्वस्तिभिः सदा नः	॥ 7 ॥

(6)

58

(म.7, अनु.4)

ऋषिः वसिष्ठः मैत्रावरुणिः	छन्दः त्रिष्टुप्	देवता मरुतः
---------------------------	------------------	-------------

प्र साक्मुक्षे अर्चता गणाय यो दैव्यस्य धाम्नुस्तुविष्मान्	
उत क्षौदन्ति रोदसी महित्वा नक्षन्ते नाकं निरृतेरवंशात्	॥ 1 ॥
जनूश्चिद्वो मरुतस्त्वेष्येण भीमासस्तुविमन्यवोऽयासः	
प्र ये महोभिरोजसोत सन्ति विश्वो वो यामन्भयते स्वर्दक्	॥ 2 ॥
बृहद्वयो मघवद्भ्यो दधात् जुजोषन्निन्मरुतः सुष्टुतिं नः	
गतो नाध्वा वि तिराति जन्तुं प्र णः स्पार्हाभिरूतिभिस्तिरेत	॥ 3 ॥
युष्मोतो विप्रो मरुतः शत्स्वी युष्मोतो अर्वा सहुरिः सहस्री	

युष्मोतः सम्राळुत हन्ति वृत्रं प्र तद्वो अस्तु धूतयो देष्णम्	॥ 4 ॥
तां आ रुद्रस्य मीळ्हुषो विवासे कुवित्रंसन्ते मरुतः पुनर्नः	
यत्सुस्वर्ता जिहीळिरे यदाविरव् तदेन ईमहे तुराणाम्	॥ 5 ॥
प्र सा वाचि सुष्टुतिर्मघोनामिदं सूक्तं मरुतो जुषन्त	
आराञ्चिद्वेषो वृषणो युयोत यूयं पात स्वस्तिभिः सदा नः	॥ 6 ॥

(12)

59

(म.7, अनु.4)

ऋषिः वसिष्ठः मैत्रावरुणिः छन्दः बृहती 1,3,5, सतोबृहती 2,4,6, त्रिष्टुप् 7-8, गायत्री 9-11, अनुष्टुप् 12
देवता मरुतः 1-11, रुद्रः (मृत्युविमोचनी ऋक्) 12

यं त्रायध्व इदमिदं देवासो यं च नयथ ।तस्मा अग्ने वरुण मित्रार्यमन्मरुतः शर्म यच्छत	॥ 1 ॥
युष्माकं देवा अवसाहनि प्रिय ईजानस्तरति द्विषः	
प्र स क्षयं तिरते वि म्हीरिषो यो वो वराय दाशति	॥ 2 ॥
नहि वंश्चरमं च न वसिष्ठः परिमंसते ।	
अस्माकमद्य मरुतः सुते सचा विश्वे पिबत कामिनः	॥ 3 ॥
नहि व ऊतिः पृतनासु मर्धति यस्मा अराध्वं नरः	
अभि व आवर्त्सुमतिर्नवीयसी तूयं यात पिपीषवः	॥ 4 ॥
ओ षु घृष्विराधसो यातनान्धांसि पीतये	
इमा वो हव्या मरुतो रुरे हि कं मो ष्वश्र्यत्र गन्तन	॥ 5 ॥
आ च नो बर्हिः सदताविता च नः स्पार्हाणि दातवे वसु	
अस्रैधन्तो मरुतः सोम्ये मधौ स्वाहेह मादयाध्वै	॥ 6 ॥
सुस्वाश्चिद्धि तन्वशः शुम्भमाना आ हंसासो नीलपृष्ठा अपतन्	
विश्वं शर्धो अभितो मा नि षेदु नरो न रण्वाः सर्वने मदन्तः	॥ 7 ॥
यो नो मरुतो अभि दुर्हणायुस्तिरश्चित्तानि वसवो जिघांसति	
द्रुहः पाशान्प्रति स मुचीष्ट तपिष्ठेन् हन्मना हन्तना तम्	॥ 8 ॥
सांतपना इदं हविर्मरुतस्तञ्जुष्टन । युष्माकोती रिशादसः	॥ 9 ॥
गृहमेधासु आ गत मरुतो माप भूतन । युष्माकोती सुदानवः	॥ 10 ॥
इहेह वः स्वतवसुः कवयः सूर्यत्वचः । यज्ञं मरुत आ वृणे	॥ 11 ॥
त्र्यम्बकं यजामहे सुगन्धिं पुष्टिवर्धनम् । उर्वारुकमिव बन्धनान्मृत्योर्मुक्षीय मामृतात्	॥ 12 ॥

। इति पञ्चमाष्टके चतुर्थोऽध्यायः समाप्तः ।

(पञ्चमोऽध्यायः ॥ वर्गाः 1-27)

(12)

60

(म.7, अनु.4)

ऋषिः वसिष्ठः मैत्रावरुणिः

छन्दः त्रिष्टुप्

देवता सूर्यः 1, मित्रावरुणौ 2-12

यद्दद्य सूर्यं ब्रवोऽनागा उद्यन्मित्राय वरुणाय सत्यम्	
वयं देवत्रादिते स्याम तव प्रियासो अर्यमन्नृणन्तः	॥ 1 ॥
एष स्य मित्रावरुणा नृचक्षा उभे उदैति सूर्यो अभि ज्मन्	
विश्वस्य स्थातुर्जगतश्च गोपा ऋजु मर्तेषु वृजिना च पश्यन्	॥ 2 ॥
अयुक्त सप्त हरितः सधस्थाद्या ई वहन्ति सूर्यं घृताचीः	
धामानि मित्रावरुणा युवाकुः सं यो यूथेव जनिमानि चष्टे	॥ 3 ॥
उद्वां पृक्षासो मधुमन्तो अस्थुरा सूर्यो अरुहच्छुक्रमर्णः	
यस्मा आदित्या अध्वनो रदन्ति मित्रो अर्यमा वरुणः सजोषाः	॥ 4 ॥
इमे चेतारो अनृतस्य भूरेमित्रो अर्यमा वरुणो हि सन्ति	
इम ऋतस्य वावृधुर्दुरोणे शग्मासः पुत्रा अदितेरदब्धाः	॥ 5 ॥
इमे मित्रो वरुणो दूळभासोऽचेतसं चिञ्चितयन्ति दक्षैः	
अपि क्रतुं सुचेतसं वर्तन्तस्तिरश्चिदंहः सुपथा नयन्ति	॥ 6 ॥
इमे दिवो अनिमिषा पृथिव्याश्चिकित्वांसो अचेतसं नयन्ति	
प्रवाजे चित्रद्यो गाधर्मस्ति पारं नो अस्य विष्पितस्य पर्षन्	॥ 7 ॥
यद्गोपावददितिः शर्म भद्रं मित्रो यच्छन्ति वरुणः सुदासे	
तस्मिन्ना तोकं तनयं दधाना मा कर्म देवहेळनं तुरासः	॥ 8 ॥
अव वेदिं होत्राभिर्यजेत् रिपुः काश्चिद्वरुणधृतः सः	
परि द्वेषोभिर्यमा वृणक्तुरु सुदासे वृषणा उ लोकम्	॥ 9 ॥
सस्वश्चिद्धि समृतिस्त्वेष्येषामपीच्येन सहसा सहन्ते	
युष्मद्भिया वृषणो रेजमाना दक्षस्य चिन्महिना मृळता नः	॥ 10 ॥
यो ब्रह्मणे सुमतिमायजाते वाजस्य सातौ परमस्य रायः	
सीक्षन्त मन्युं मघवानो अर्य उरु क्षयाय चक्रिरे सुधातु	॥ 11 ॥
इयं देव पुरोहितिर्युवभ्यां यज्ञेषु मित्रावरुणावकारि	
विश्वानि दुर्गा पिपृतं तिरो नो यूयं पात स्वस्तिभिः सदा नः	॥ 12 ॥

(7)

61

(म.7, अनु.4)

ऋषिः वसिष्ठः मैत्रावरुणिः

छन्दः त्रिष्टुप्

देवता मित्रावरुणौ

उद्वां चक्षुर्वरुण सुप्रतीकं देवयोरिति सूर्यस्ततन्वान्	
अभि यो विश्वा भुवनानि चष्टे स मन्युं मर्त्येष्व चिकेत	॥ 1 ॥
प्र वां स मित्रावरुणावृतावा विप्रो मन्मानि दीर्घश्रुदिर्यति	
यस्य ब्रह्माणि सुक्रतू अवाथ आ यत्क्रत्वा न शरदः पृणैथे	॥ 2 ॥

प्रोरोर्मित्रावरुणा पृथिव्याः प्र दिव ऋष्वद्बृहत्तः सुदानु
 स्पशो दधाथे ओषधीषु विक्ष्वृधग्यतो अनिमिषं रक्षमाणा ॥ 3 ॥
 शंसा मित्रस्य वरुणस्य धाम शुष्मो रोदसी बद्धधे महित्वा
 अयन्मासा अयज्वनामवीराः प्र यज्ञमन्मा वृजनं तिराते ॥ 4 ॥
 अमूरा विश्वा वृषणाविमा वां न यासुं चित्रं ददृशे न यक्षम्
 द्रुहः सचन्ते अनृता जनानां न वां निणयान्यचिते अभूवन् ॥ 5 ॥
 समु वां यज्ञं महयं नमोभिर्हुवे वां मित्रावरुणा सुबाधः
 प्र वां मन्मान्यचसे नवानि कृतानि ब्रह्म जुजुषन्निमानि ॥ 6 ॥
 इयं देव पुरोहितिर्युवभ्यां यज्ञेषु मित्रावरुणावकारि
 विश्वानि दुर्गा पिपृतं तिरो नो यूयं पात स्वस्तिभिः सदा नः ॥ 7 ॥

(6)

62

(म.7, अनु.4)

ऋषिः वसिष्ठः मैत्रावरुणिः	छन्दः त्रिष्टुप्	देवता सूर्यः 1-3, मित्रावरुणौ 4-6
---------------------------	------------------	-----------------------------------

उत्सूर्यो बृहदुर्चीष्यश्रेत्पुरु विश्वा जनिम् मानुषाणाम्
 समो दिवा ददृशे रोचमानः क्रत्वा कृतः सुकृतः कर्तृभिर्भूत् ॥ 1 ॥
 स सूर्यं प्रति पुरो न उद्गा एभिः स्तोमैर्भिरेतशेभिरेवैः
 प्र नो मित्राय वरुणाय वोचोऽनागसो अर्यम्णे अग्रये च ॥ 2 ॥
 वि नः सहस्रं शुरुधो रदन्त्वृतावानो वरुणो मित्रो अग्निः
 यच्छन्तु चन्द्रा उपमं नो अर्कमा नः कामं पूपुरन्तु स्तवानाः ॥ 3 ॥
 द्यावाभूमी अदिते त्रासीथां नो ये वां जज्ञुः सुजनिमान ऋष्वे
 मा हेळै भूम वरुणस्य वायोर्मा मित्रस्य प्रियतमस्य नृणाम् ॥ 4 ॥
 प्र ब्राह्वा सिसृतं जीवसे न आ नो गव्यतिमुक्षतं घृतेन
 आ नो जने श्रवयतं युवाना श्रुतं मे मित्रावरुणा हवेमा ॥ 5 ॥
 नू मित्रो वरुणो अर्यमा न्स्त्मने तोकाय वरिवो दधन्तु
 सुगा नो विश्वा सुपथानि सन्तु यूयं पात स्वस्तिभिः सदा नः ॥ 6 ॥

(6)

63

(म.7, अनु.4)

ऋषिः वसिष्ठः मैत्रावरुणिः	छन्दः त्रिष्टुप्	देवता सूर्यः 1-4, मित्रावरुणौ 5-6
---------------------------	------------------	-----------------------------------

उद्वैति सुभगो विश्वचक्षाः साधारणः सूर्यो मानुषाणाम्
 चक्षुर्मित्रस्य वरुणस्य देवश्चर्मैव यः समविव्यक्तमांसि ॥ 1 ॥
 उद्वैति प्रसवीता जनानां महान्केतुरर्णवः सूर्यस्य
 समानं चक्रं पर्याविवृत्सन्त्यदेतशो वहति धूर्षु युक्तः ॥ 2 ॥

विभ्राजमान उषसामुपस्थाद्विभैरुदैत्यनुमद्यमानः ।
 एष मे देवः सविता चच्छन्द यः समानं न प्रमिनाति धामं ॥ 3 ॥
 दिवो रुक्म उरुचक्षा उदैति दूरेअर्थस्तरणिभ्राजमानः ।
 नूनं जनाः सूर्येण प्रसूता अयन्नर्थानि कृणवन्नपांसि ॥ 4 ॥
 यत्रा चक्रुरमृता गातुर्मस्मै श्येनो न दीयन्नन्वेति पार्थः ।
 प्रति वां सूर उदिते विधेम नमोभिर्मित्रावरुणोत हव्यैः ॥ 5 ॥
 नू मित्रो वरुणो अर्यमा न्स्मने तोकाय वरिवो दधन्तु ।
 सुगा नो विश्वा सुपथानि सन्तु यूयं पात स्वस्तिभिः सदा नः ॥ 6 ॥

(5)

64

(म.7, अनु.4)

ऋषिः वसिष्ठः मैत्रावरुणिः	छन्दः त्रिष्टुप्	देवता मित्रावरुणौ
---------------------------	------------------	-------------------

दिवि क्षयन्ता रजसः पृथिव्यां प्र वां घृतस्य निर्णिजो ददीरन् ।
 हव्यं नो मित्रो अर्यमा सुजातो राजा सुक्षत्रो वरुणो जुषन्त ॥ 1 ॥
 आ राजाना मह ऋतस्य गोपा सिन्धुपती क्षत्रिया यातमर्वाक् ।
 इळां नो मित्रावरुणोत वृष्टिमव दिव इन्वतं जीरदानू ॥ 2 ॥
 मित्रस्तत्रो वरुणो देवो अर्यः प्र साधिष्ठेभिः पृथिभिर्नयन्तु ।
 ब्रवद्यथा न आदरिः सुदास इषा मदेम सह देवगोपाः ॥ 3 ॥
 यो वां गर्तं मनसा तक्षदेतमूर्ध्वा धीतिं कृणवद्भारयञ्च ।
 उक्षेथां मित्रावरुणा घृतेन ता राजाना सुक्षितीस्तर्पयेथाम् ॥ 4 ॥
 एष स्तोमो वरुण मित्र तुभ्यं सोमः शुक्रो न वायवेऽयामि ।
 अविष्टं धियो जिगृतं पुरंधीर्युयं पात स्वस्तिभिः सदा नः ॥ 5 ॥

(5)

65

(म.7, अनु.4)

ऋषिः वसिष्ठः मैत्रावरुणिः	छन्दः त्रिष्टुप्	देवता मित्रावरुणौ
---------------------------	------------------	-------------------

प्रति वां सूर उदिते सूक्तैर्मित्रं हुवे वरुणं पूतदक्षम् ।
 ययोरसुर्यश्मक्षितं ज्येष्ठं विश्वस्य यामन्नाचिता जिगलु ॥ 1 ॥
 ता हि देवानामसुरा तावर्या ता नः क्षितीः करतमूर्जयन्तीः ।
 अश्याम मित्रावरुणा वयं वां द्यावा च यत्र पीपयन्नहा च ॥ 2 ॥
 ता भूरिपाशावनृतस्य सेतू दुरत्येतू रिपवे मर्त्याय ।
 ऋतस्य मित्रावरुणा पथा वामपो न नावा दुरिता तरेम ॥ 3 ॥
 आ नो मित्रावरुणा हव्यजुष्टिं घृतैर्गव्यूतिमुक्षतमिळाभिः ।
 प्रति वामत्र वरुमा जनाय पृणीतमुद्रो दिव्यस्य चारोः ॥ 4 ॥
 एष स्तोमो वरुण मित्र तुभ्यं सोमः शुक्रो न वायवेऽयामि ।

अविष्टं धियो जिगृतं पुरंधीर्युयं पात स्वस्तिभिः सदा नः

॥ 5 ॥

(19)

66

(म.7, अनु.4)

ऋषिः वसिष्ठः मैत्रावरुणिः	छन्दः गायत्री 1-9,17-19, बृहती 10,12,14, सतोबृहती 11,13,15
पुरउष्णिक् 16	देवता मित्रावरुणौ 1-3,17-19, आदित्याः 4-13, सूर्यः 14-16

प्र मित्रयोर्वरुणयोः स्तोमो न एतु शूष्यः	नमस्वान्तुविजातयोः	॥ 1 ॥
या धारयन्त देवाः सुदक्षा दक्षपितरा	असुर्याय प्रमहसा	॥ 2 ॥
ता नः स्तिपा तनूपा वरुण जरितृणाम्	मित्रं साधयन्तु धियः	॥ 3 ॥
यदद्य सूर उदितेऽनागा मित्रो अर्यमा	सुवाति सविता भगः	॥ 4 ॥
सुप्रावीरस्तु स क्षयः प्र नु यामन्तसुदानवः	ये नो अंहोऽतिपिप्रति	॥ 5 ॥
उत स्वराजो अदितिरदब्धस्य व्रतस्य ये	म्हो राजान ईशते	॥ 6 ॥
प्रति वां सूर उदिते मित्रं गृणीषे वरुणम्	अर्यमणं रिशादसम्	॥ 7 ॥
राया हिरण्यया मतिरियमवृकाय शवसे	इयं विप्रा मेधसातये	॥ 8 ॥
ते स्याम देव वरुण ते मित्र सूरिभिः सह	इषं स्वश्च धीमहि	॥ 9 ॥
बृहवः सूरचक्षसोऽग्निजिह्वा ऋतावृधः		
त्रीणि ये येमुर्विदथानि धीतिभिर्विश्वानि परिभूतिभिः		॥ 10 ॥
वि ये दधुः शरदं मासमादहयज्ञमक्तुं चादृचम्		
अनाप्यं वरुणो मित्रो अर्यमा क्षत्रं राजान आशत		॥ 11 ॥
तद्वो अद्य मनामहे सूक्तैः सूर उदिते। यदोहते वरुणो मित्रो अर्यमा यूयमृतस्य रथ्यः		॥ 12 ॥
ऋतावान ऋतजाता ऋतावृधो घोरासो अनृतद्विषः		
तेषां वः सुप्ने सुच्छर्दिष्टमे नरः स्याम ये च सूरयः		॥ 13 ॥
उदु त्यदृशतं वपुर्दिव एति प्रतिह्वरे । यदीमाशुर्वहति देव एतशो विश्वस्मै चक्षसे अरम्		॥ 14 ॥
शीर्ष्णःशीर्ष्णो जगतस्तस्थुषस्पतिं समया विश्वमा रजः		
सप्त स्वसारः सुविताय सूर्यं वहन्ति हरितो रथे		॥ 15 ॥
तच्चक्षुर्देवहितं शुक्रमुच्चरत् । पश्येम शरदः शतं जीवेम शरदः शतम्		॥ 16 ॥
काव्यैभिरदाभ्या यातं वरुण द्युमत् । मित्रश्च सोमपीतये		॥ 17 ॥
दिवो धामभिर्वरुण मित्रश्चा यातमद्बुहा । पिबन्तं सोममातुजी		॥ 18 ॥
आ यातं मित्रावरुणा जुषाणावाहतिं नरा । पातं सोममृतावृधा		॥ 19 ॥

(10)

67

(म.7, अनु.4)

ऋषिः वसिष्ठः मैत्रावरुणिः	छन्दः त्रिष्टुप्	देवता अश्विनौ
---------------------------	------------------	---------------

प्रति वां रथं नृपती जरुध्वै हविष्मता मनसा युजियेन		
यो वां दूतो न धिष्ण्यावजीगरच्छा सूनूर्न पितरा विवक्मि	॥ 1 ॥	
अशोच्यग्निः समिधानो अस्मे उपो अदश्रन्तमसश्चिदन्ताः		
अचैति केतुरुषसः पुरस्ताच्छ्रिये दिवो दुहितुर्जायमानः	॥ 2 ॥	
अभि वां नूनमश्विना सुहोता स्तोमैः सिषक्ति नासत्या विवृक्वान्		

पूर्वाभिर्यातं पृथ्याभिरर्वाक्स्वर्विदा वसुमता रथेन	॥ 3 ॥
अवोवां नूनमश्विना युवाकुर्हुवे यद्वां सुते माध्वी वसूयुः	
आ वां वहन्तु स्थविरासो अश्वः पिबाथो अस्मे सुषुता मधूनि	॥ 4 ॥
प्राचीमु देवाश्विना धियं मेऽमृश्रां सातये कृतं वसूयुम्	
विश्वं अविष्टं वाज् आ पुरंधीस्ता नः शक्तं शचीपती शचीभिः	॥ 5 ॥
अविष्टं धीष्वश्विना न आसु प्रजावद्रेतो अह्यं नो अस्तु	
आ वां तोके तनये तूतुजानाः सुरत्वासो देववीतिं गमेम	॥ 6 ॥
एष स्य वां पूर्वगत्वैव सख्यै निधिर्हितो माध्वी रातो अस्मे	
अहेळता मनसा यातमर्वागुश्रन्ता हव्यं मानुषीषु विक्षु	॥ 7 ॥
एकस्मिन्योगे भुरणा समाने परि वां सप्त स्रवतो रथो गात्	
न वायन्ति सुभ्वो देवयुक्ता ये वां धूर्षु तरणयो वहन्ति	॥ 8 ॥
असश्चता मघवद्भ्यो हि भूतं ये राया मघदेयं जुनन्ति	
प्र ये बन्धुं सूनृताभिस्तिरन्ते गव्यां पृञ्चन्तो अश्व्यां मघानि	॥ 9 ॥
नू मे हवमा शृणुतं युवाना यासिष्टं वर्तिरश्विनाविरावत्	
धत्तं रत्नानि जरतं च सूरीन्युयं पात स्वस्तिभिः सदा नः	॥ 10 ॥

(9)

68

(म.7, अनु.4)

ऋषिः वसिष्ठः मैत्रावरुणिः	छन्दः विराट् 1-7, त्रिष्टुप् 8-9	देवता अश्विनौ
---------------------------	----------------------------------	---------------

आ शुभ्रा यातमश्विना स्वश्वा गिरो दस्रा जुजुषाणा युवाकौः। हव्यानि च प्रतिभृता वीतं नः	॥ 1 ॥
प्र वामन्धांसि मद्यान्यस्थुररं गन्तं हविषो वीतये मे । तिरो अर्यो हवनानि श्रुतं नः	॥ 2 ॥
प्र वां रथो मनोजवा इर्यति तिरो रजांस्यश्विना शतोतिः । अस्मभ्यं सूर्यावसू इयानः	॥ 3 ॥
अयं ह यद्वां देव्या उ अद्रिरूर्ध्वो विवक्ति सोमसुद्युवभ्याम्। आ वल्लू विप्रो ववृतीत हव्यैः॥4 ॥	॥ 4 ॥
चित्रं ह यद्वां भोजनं न्वस्ति न्यत्रये महिष्वन्तं युयोतम् । यो वामोमानं दधते प्रियः सन्	॥ 5 ॥
उत त्यद्वां जुरते अश्विना भूञ्ज्यवानाय प्रतीत्यं हविर्दे । अधि यद्वर्ष इत ऊति धृत्यः	॥ 6 ॥
उत त्यं भुज्युमश्विना सखायो मध्ये जहुदुरेवासः समुद्रे । निरीं पर्षदरावा यो युवाकुः	॥ 7 ॥
वृकाय चिञ्जसमानाय शक्तमुत श्रुतं शयवे ह्यमाना	
यावद्भ्यामपिन्वतमपो न स्तर्यं चिच्छक्त्यश्विना शचीभिः	॥ 8 ॥
एष स्य कारुर्जरते सूक्तैरग्रे बुधान उषसां सुमन्मा	
इषा तं वर्धदुध्या पयोभिर्युयं पात स्वस्तिभिः सदा नः	॥ 9 ॥

(8)

69

(म.7, अनु.4)

ऋषिः वसिष्ठः मैत्रावरुणिः	छन्दः त्रिष्टुप्	देवता अश्विनौ
---------------------------	------------------	---------------

आ वां रथो रोदसी बद्धधानो हिरण्ययो वर्षभिर्यात्वश्वैः	
घृतवर्तनिः पविर्भी रुद्यान् इषां वोळ्हा नृपतिर्वाजिनीवान्	॥ 1 ॥

स पंप्रथानो अ॒भि पञ्च भूमां त्रिवन्धुरो मन॒सा यातु युक्तः	
विशो येन॒ गच्छथो देव॑यन्तीः कुत्रा॑ चिद्दाममश्विना॒ दधाना	॥ 2 ॥
स्वश्वा॑ यशसा॒ यातम॑र्वाग्दसा॒ निधिं॑ मधुमन्तं पिबाथः	
वि वां रथो॑ व॒ध्वाः॑ याद॑मानोऽन्तान्दिवो बा॒धते॑ वर्त॒निभ्याम्	॥ 3 ॥
युवोः॑ श्रियं॒ परि॑ योषा॒वृणीत॑ सूरौ॑ दुहिता॒ परित॑क्म्यायाम्	
यद्वै॑व्यन्तमव॒थुः शची॑भिः॒ परि॑ घ्नंसमोमना॒ वां वयो॑ गात्	॥ 4 ॥
यो ह॒ स्य वां॑ रथिरा॒ वस्त॑ उ॒स्रा रथो॑ यु॒जानः॑ परि॒याति॑ वर्तिः	
तेन॑ नः॒ शं योरु॑षसो व्युष्टौ॒ न्यश्वि॑ना वह॒तं य॒ज्ञे अ॒स्मिन्	॥ 5 ॥
नरा॑ गौरेव॒ विद्युतं॑ तृषा॒णास्माक॑मद्य॒ सवनो॑प॒ यातम्	
पुरु॑त्रा हि वां॒ मतिभि॑र्हवन्ते॒ मा वा॑मन्ये॒ नि यम॑न्देव॒यन्तः	॥ 6 ॥
युवं॑ भुज्युमवविद्धं॒ समुद्र॑ उदू॒हथुर॑र्णसो॒ अस्त्रि॑धानैः	
प॒त॒त्रिभि॑रश्र॒मैरे॑व्यथिभिर्द॒सना॑भिरश्विना॒ पार॑यन्ता	॥ 7 ॥
नू मे॑ हव॒मा शृ॑णुतं॒ युवाना॑ यासिष्टं॒ वर्ति॑रश्विना॒विरा॑वत्	
धत्तं॑ रत्नानि॒ जर॑तं च॒ सूरी॑न्युयं पा॒त स्व॑स्तिभिः॒ सदा॑ नः	॥ 8 ॥

(7)

70

(म.7, अनु.4)

ऋषिः वसिष्ठः मैत्रावरुणिः	छन्दः त्रिष्टुप्	देवता अश्विनौ
---------------------------	------------------	---------------

आ विश्व॑वाराश्विना॒ गतं॑ नः॒ प्र तत्स्थान॑मवाचि॒ वां पृथि॑व्याम्	
अश्वो॑ न वा॒जी शु॒नपृ॑ष्ठो अस्था॒दा यत्से॑दथु॒र्ध्रुव॑से॒ न योनि॑म्	॥ 1 ॥
सिष॑क्ति॒ सा वां॑ सु॒मति॑श्चनि॒ष्ठाता॑पि॒ घर्मो॑ मनु॒षो दुरो॑णे	
यो वां॑ समु॒द्रान्त॑सरितः॒ पिप॑त्येत॒ग्वा चि॒न्न सु॒युजा॑ यु॒जानः	॥ 2 ॥
यानि॑ स्था॒नान्य॑श्विना॒ दुधा॑थे॒ दिवो॑ य॒ह्वीष्वो॑षधीषु॒ विक्षु॑	
नि पर्व॑तस्य॒ मूर्धनि॑ स॒दन्तेषु॑ जना॒य दा॑शुषे॒ वह॑न्ता	॥ 3 ॥
च॒निष्टं॑ दे॒वा ओष॑धीष्व॒प्सु यद्यो॑ग्या॒ अश्र॑वैथे॒ ऋषी॑णाम्	
पुरु॑णि॒ रत्ना॑ दध॒तौ न्य॑स्मे॒ अनु॑ पूर्वा॒णि च॒ख्यथु॑र्यु॒गानि॑	॥ 4 ॥
शुश्रु॑वांसा॒ चिद॑श्विना॒ पुरु॑ण्य॒भि ब्र॑ह्माणि॒ चक्षा॑थे॒ ऋषी॑णाम्	
प्रति॑ प्र या॒तं व॒रुमा॑ जना॒यास्मे॑ वा॒मस्तु॑ सु॒मति॑श्चनि॒ष्ठा	॥ 5 ॥
यो वां॑ य॒ज्ञो ना॑सत्या॒ हवि॑ष्मान्कृत॒ब्रह्मा॑ सम॒योः॑ भ॒वाति॑	
उप॑ प्र या॒तं व॒रुमा॑ वसि॒ष्ठमि॑मा॒ ब्रह्मा॑ण्यृच्यन्ते॒ युव॑भ्याम्	॥ 6 ॥
इयं॑ म॒नीषा॑ इ॒यम॑श्विना॒ गी॒रिमां॑ सु॒वृक्तिं॑ वृषणा॒ जुषे॑थाम्	
इ॒मा ब्र॑ह्माणि॒ युव॑यू॒न्यग॑म॒न्युयं॑ पा॒त स्व॑स्तिभिः॒ सदा॑ नः	॥ 7 ॥

(6)

71

(म.7, अनु.5)

ऋषिः वसिष्ठः मैत्रावरुणिः

छन्दः त्रिष्टुप्

देवता अश्विनौ

अप स्वसुरुषसो नग्जिहीते रिणक्ति कृष्णीररुषाय पन्थाम्	
अश्वामघा गोमघा वां हुवेम् दिवा नक्तं शरुमस्मद्युयोतम्	॥ 1 ॥
उपायातं दाशुषे मर्त्याय रथेन वाममश्विना वहन्ता	
युयुतमस्मदनिराममीवां दिवा नक्तं माध्वी त्रासीथां नः	॥ 2 ॥
आ वां रथमवमस्यां व्युष्टौ सुम्रायवो वृषणो वर्तयन्तु	
स्यूमंगभस्तिमृतयुग्भिरश्वैराश्विना वसुमन्तं वहेथाम्	॥ 3 ॥
यो वां रथो नृपती अस्ति वोळ्हा त्रिवन्धुरा वसुमाँ उस्रयामा	
आ न एना नासत्योप यातमभि यद्वां विश्वप्स्यो जिगाति	॥ 4 ॥
युवं च्यवानं जरसोऽमुमुक्तं नि पेदव ऊहथुराशुमश्वम्	
निरंहसस्तमसः स्पर्तमत्रिं नि जाहुषं शिथिरे धातमन्तः	॥ 5 ॥
इयं मनीषा इयमश्विना गीरिमां सुवृक्तिं वृषणा जुषेथाम्	
इमा ब्रह्माणि युव्यून्यगमन्युयं पात स्वस्तिभिः सदा नः	॥ 6 ॥

(5)

72

(म.7, अनु.5)

ऋषिः वसिष्ठः मैत्रावरुणिः

छन्दः त्रिष्टुप्

देवता अश्विनौ

आ गोमता नासत्या रथेनाशवावता पुरुश्चन्द्रेण यातम्	
अभि वां विश्वां नियुतः सचन्ते स्पार्हया श्रिया तन्वा शुभाना	॥ 1 ॥
आ नो देवेभिरुप यातमर्वाक्सुजोषसा नासत्या रथेन	
युवोर्हि नः सख्या पित्र्याणि समानो बन्धुरुत तस्य वित्तम्	॥ 2 ॥
उदु स्तोमासो अश्विनोरबुध्रञ्जामि ब्रह्माण्युषसश्च देवीः	
आविवासन्नोदसी धिष्येमे अच्छा विप्रो नासत्या विवक्ति	॥ 3 ॥
वि चेदुच्छन्त्यश्विना उषासः प्र वां ब्रह्माणि कारवो भरन्ते	
ऊर्ध्व भानुं सविता देवो अश्रेद्दृहदुग्रयः समिधा जरन्ते	॥ 4 ॥
आ पश्चातात्रासत्या पुरस्तादाश्विना यातमधुरादुदक्तात्	
आ विश्वतः पाञ्चजन्येन राया यूयं पात स्वस्तिभिः सदा नः	॥ 5 ॥

(5)

73

(म.7, अनु.5)

ऋषिः वसिष्ठः मैत्रावरुणिः

छन्दः त्रिष्टुप्

देवता अश्विनौ

अतारिष्म तमसस्पारमस्य प्रति स्तोमं देवयन्तो दधानाः	
पुरुदंसा पुरुतमा पुराजामर्त्या हवते अश्विना गीः	॥ 1 ॥
न्यु प्रियो मनुषः सादि होता नासत्या यो यजते वन्दते च	
अश्वीतं मध्वो अश्विना उपाक आ वां वोचे विदथेषु प्रयस्वान्	॥ 2 ॥
अहेम यज्ञं पथामुराणा इमां सुवृक्तिं वृषणा जुषेथाम्	
श्रुष्टीवेव प्रेषितो वामबोधि प्रति स्तोमैर्जरमाणो वसिष्ठः	॥ 3 ॥

उप त्या वह्नीं गमतो विशं नो रक्षोहणा संभृता वीळुपाणी |
समन्धांस्यग्मत मत्सुराणि मा नो मर्धिष्टमा गतं शिवेन || 4 ||
आ पश्चातात्रासत्या पुरस्तादाश्विना यातमधुरादुदक्तात् |
आ विश्वतः पाञ्चजन्येन राया यूयं पात स्वस्तिभिः सदा नः || 5 ||

(6)

74

(म.7, अनु.5)

ऋषिः वसिष्ठः मैत्रावरुणिः	छन्दः बृहती 1,3,5, सतोबृहती 2,4,6	देवता अश्विनौ
---------------------------	-----------------------------------	---------------

इमा उ वां दिविष्टय उसा हवन्ते अश्विना |
अयं वाम्हेऽवसे शचीवसू विशंविशं हि गच्छथः || 1 ||
युवं चित्रं ददथुर्भोजनं नरा चोदेथां सूनृतावते |
अर्वाग्रथं समनसा नि यच्छतं पिबतं सोम्यं मधुं || 2 ||
आ यात्मुपं भूषतं मध्वः पिबतमश्विना |
दुग्धं पयो वृषणा जेन्यावसू मा नो मर्धिष्टमा गतम् || 3 ||
अश्वासो ये वामुपं दाशुषो गृहं युवां दीयन्ति बिभ्रतः |
मक्षूयुभिर्नरा हयैभिरश्विना देवा यातमस्मयू || 4 ||
अर्धा ह यन्तो अश्विना पृक्षः सचन्त सूरयः |
ता यंसतो मध्वद्भ्यो ध्रुवं यशश्छर्दिरस्मभ्यं नासत्या || 5 ||
प्र ये ययुरवृकासो रथाइव नृपातारो जनानाम् |
उत स्वेन शवसा शूशुवुरं उत क्षियन्ति सुक्षितिम् || 6 ||

(8)

75

(म.7, अनु.5)

ऋषिः वसिष्ठः मैत्रावरुणिः	छन्दः त्रिष्टुप्	देवता उषाः
---------------------------	------------------	------------

व्युषा आवो दिविजा ऋतेनाविष्कृण्वाना महिमानुमागात् |
अप द्रुहस्तम आवरजुष्टमङ्गिरस्तमा पथ्या अजीगः || 1 ||
महे नो अद्य सुविताय बोध्युषो महे सौभगाय प्र यन्धि |
चित्रं रथि यशसं धेह्यस्मे देवि मर्तेषु मानुषि श्रवस्युम् || 2 ||
एते त्ये भानवो दर्शतार्याश्चित्रा उषसो अमृतासु आगुः |
जनयन्तो दैव्यानि व्रतान्यापृणन्तो अन्तरिक्षा व्यस्थुः || 3 ||
एषा स्या युजाना पराकात्पञ्च क्षितीः परि सद्यो जिगाति |
अभिपश्यन्ती वयुना जनानां दिवो दुहिता भुवनस्य पत्नी || 4 ||
वाजिनीवती सूर्यस्य योषा चित्रामघा राय ईशे वसूनाम् |
ऋषिष्टुता जरयन्ती मघोन्युषा उच्छति वह्निभिर्गणाना || 5 ||
प्रति द्युतानामरुषासो अश्वाश्चित्रा अदृश्रनुषसं वहन्तः |
याति शुभ्रा विश्वपिशा रथेन दधाति रत्नं विधत्ते जनाय || 6 ||
सत्या सत्येभिर्महती महद्भिर्देवी देवेभिर्यजता यजत्रैः |
रुजहृळ्ळानि दददुस्त्रियाणां प्रति गाव उषसं वावशन्त || 7 ||
नू नो गोमद्वीरवद्देहि रत्नमुषो अश्वावत्पुरुभोजो अस्मे |

मा नो बर्हिः पुरुषता निदे कर्युयं पात स्वस्तिभिः सदा नः

॥ 8 ॥

(7)

76

(म.7, अनु.5)

ऋषिः वसिष्ठः मैत्रावरुणिः	छन्दः त्रिष्टुप्	देवता उषाः
---------------------------	------------------	------------

उदु ज्योतिरमृतं विश्वजन्यं विश्वानरः सविता देवो अश्रेत्	
क्रत्वा देवानामजनिष्ट चक्षुराविरकृर्भुवनं विश्वमुषाः	॥ 1 ॥
प्र मे पन्था देवयानां अदृश्रन्नमर्धन्तो वसुभिरिष्कृतासः	
अभूदु केतुरुषसः पुरस्तात्प्रतीच्यागादधि हर्म्येभ्यः	॥ 2 ॥
तानीदहानि बहुलान्यासन्त्या प्राचीनुमुदिता सूर्यस्य	
यतः परिं जारइवाचरन्त्युषो ददृक्षे न पुनर्यतीव	॥ 3 ॥
त इद्वेवानां सधुमाद आसन्नृतावानः क्वयः पूर्व्यासः	
गूळहं ज्योतिः पितरो अन्विन्दन्सत्यमन्त्रा अजनयन्नुषासम्	॥ 4 ॥
समान ऊर्वे अधि संगतासुः सं जानते न यतन्ते मिथस्ते	
ते देवानां न मिनन्ति व्रतान्यमर्धन्तो वसुभिर्यादमानाः	॥ 5 ॥
प्रति त्वा स्तोमैरीळते वसिष्ठा उषर्बुधः सुभगे तुष्टुवांसः	
गवां नेत्री वाजपत्नी न उच्छोषः सुजाते प्रथमा जरस्व	॥ 6 ॥
एषा नेत्री राधसः सूनृतानामुषा उच्छन्तीं रिभ्यते वसिष्ठैः	
दीर्घश्रुतं रयिमस्मे दधाना यूयं पात स्वस्तिभिः सदा नः	॥ 7 ॥

(6)

77

(म.7, अनु.5)

ऋषिः वसिष्ठः मैत्रावरुणिः	छन्दः त्रिष्टुप्	देवता उषाः
---------------------------	------------------	------------

उपो रुरुचे युवतिर्न योषा विश्वं जीवं प्रसुवन्तीं चरायै	
अभूदुग्निः समिधे मानुषाणामकज्योतिर्बाधमाना तमांसि	॥ 1 ॥
विश्वं प्रतीची सप्रथा उदस्थाद्गुशद्वासो बिभ्रती शुक्रमश्वैत्	
हिरण्यवर्णा सुदृशीकसंदृग्गवां माता नेत्र्यहामरोचि	॥ 2 ॥
देवानां चक्षुः सुभगा वहन्ती श्वेतं नयन्ती सुदृशीकमश्वम्	
उषा अदर्शि रश्मिभिव्यक्ता चित्रामघा विश्वमनु प्रभूता	॥ 3 ॥
अन्तिवामा दूरे अमित्रमुच्छोर्वी गव्यूतिमभयं कृधी नः	
यावयु द्वेष आ भरा वसूनि चोदय राधो गृणते मघोनि	॥ 4 ॥
अस्मे श्रेष्ठैभिर्भानुभिर्वि भाह्युषो देवी प्रतिरन्तीं न आयुः	
इषं च नो दधती विश्ववारे गोमदश्वावद्रथवच्च राधः	॥ 5 ॥
यां त्वा दिवो दुहितर्वर्धयन्त्युषः सुजाते मतिभिर्वसिष्ठाः	
सास्मासु धा रयिमृष्वं बृहन्तं यूयं पात स्वस्तिभिः सदा नः	॥ 6 ॥

(5)

78

(म.7, अनु.5)

ऋषिः वसिष्ठः मैत्रावरुणिः

छन्दः त्रिष्टुप्

देवता उषाः

प्रति केतवः प्रथमा अदृश्रन्नूर्ध्वा अस्या अञ्जयो वि श्रयन्ते |
 उषो अर्वाचा बृहता रथेन ज्योतिष्मता वाममस्मभ्यं वक्षि || 1 ||
 प्रति षीमग्निर्जरते समिद्धः प्रति विप्रासो मतिभिर्गृणन्तः |
 उषा याति ज्योतिषा बाधमाना विश्वा तमांसि दुरिताप देवी || 2 ||
 एता उ त्याः प्रत्यदृश्रन्पुरस्ताज्ज्योतिर्यच्छन्तीरुषसो विभातीः |
 अजीजनन्तसूर्यं यज्ञमग्निमपाचीनं तमो अगादजुष्टम् || 3 ||
 अचेति दिवो दुहिता मघोनी विश्वे पश्यन्त्युषसं विभातीम् |
 आस्थाद्रथं स्वधया युज्यमानमा यमश्वासः सुयुजो वहन्ति || 4 ||
 प्रति त्वाद्य सुमनसो बुधन्तास्माकासो मघवानो वयं च |
 तिल्विलायध्वमुषसो विभातीर्युयं पात स्वस्तिभिः सदा नः || 5 ||

(5)

79

(म.7, अनु.5)

ऋषिः वसिष्ठः मैत्रावरुणिः

छन्दः त्रिष्टुप्

देवता उषाः

व्युश्षा आवः पथ्यार्जु जनानां पञ्च क्षितीर्मानुषीर्बोधयन्ती |
 सुसंदग्भिरुक्षभिर्भानुमश्रेद्वि सूर्यो रोदसी चक्षसावः || 1 ||
 व्यञ्जते दिवो अन्तैष्वक्तून्विशो न युक्ता उषसो यतन्ते |
 सं ते गावस्तम् आ वर्तयन्ति ज्योतिर्यच्छन्ति सवितेव बाहू || 2 ||
 अभूदुषा इन्द्रतमा मघोन्यजीजनत्सुविताय श्रवांसि |
 वि दिवो देवी दुहिता दधात्यङ्गिरस्तमा सुकृते वसूनि || 3 ||
 तावदुषो राधो अस्मभ्यं रास्व यावत्स्तोतृभ्यो अरदो गृणाना |
 यां त्वा जज्ञुर्वृषभस्या रवेण वि दृळहस्य दुरो अद्रेरौर्णोः || 4 ||
 देवंदैवं राधसे चोदयन्त्यस्मद्रथक्सूनृता ईरयन्ती |
 व्युच्छन्ती नः सनये धियो धा यूयं पात स्वस्तिभिः सदा नः || 5 ||

(3)

80

(म.7, अनु.5)

ऋषिः वसिष्ठः मैत्रावरुणिः

छन्दः त्रिष्टुप्

देवता उषाः

प्रति स्तोमेभिरुषसं वसिष्ठा गीर्भिर्विप्रासः प्रथमा अबुध्रन् |
 विवर्तयन्ती रजसी समन्ते आविष्कृण्वती भुवनानि विश्वा || 1 ||
 एषा स्या नव्यमायुर्दधाना गूढी तमो ज्योतिषोषा अबोधि |
 अग्र एति युवतिरह्याणा प्राचिकित्सूर्यं यज्ञमग्निम् || 2 ||
 अश्वावतीर्गोमतीर्न उषासो वीरवतीः सदेमुच्छन्तु भद्राः |

घृतं दुर्हाना विश्वतः प्रपीता यूयं पात स्वस्तिभिः सदा नः
। इति पञ्चमाष्टके पञ्चमोऽध्यायः समाप्तः ।

॥ 3 ॥

(षष्ठोऽध्यायः ॥ वर्गाः 1-25)

(6)

81

(म.7, अनु.5)

ऋषिः वसिष्ठः मैत्रावरुणिः छन्दः बृहती 1,3,5, सतोबृहती 2,4,6 देवता उषाः

प्रत्यु अदर्श्यायत्युश्छन्ती दुहिता दिवः |
अपो महि व्ययति चक्षसे तमो ज्योतिष्कृणोति सूनरी | 1 ||
उदुस्त्रियाः सृजते सूर्यः सचाँ उद्यन्नक्षत्रमर्चिवत् |
तवेदुषो व्युषि सूर्यस्य च सं भुक्तेन गमेमहि | 2 ||
प्रति त्वा दुहितदिव उषो जीरा अभुत्स्महि |
या वहसि पुरु स्याहं वनन्वति रत्नं न दाशुषे मयः | 3 ||
उच्छन्ती या कृणोषि मंहना महि प्रख्यै देवि स्वर्दृशे |
तस्यास्ते रत्नभाज इमहे वयं स्याम मातुर्न सूनवः | 4 ||
तच्चित्रं राधु आ भुरोषो यदीर्घश्रुत्तमम् |
यत्ते दिवो दुहितमर्तभोजनं तद्रास्व भुनजामहै | 5 ||
श्रवः सूरिभ्यो अमृतं वसुत्वनं वाजाँ अस्मभ्यं गोमतः |
चोदयित्री मघोनः सूनृतावत्युषा उच्छदपु स्त्रिधः | 6 ||

(10)

82

(म.7, अनु.5)

ऋषिः वसिष्ठः मैत्रावरुणिः छन्दः जगती देवता इन्द्रावरुणौ

इन्द्रावरुणा युवमध्वराय नो विशे जनाय महि शर्म यच्छतम् |
दीर्घप्रयज्युमति यो वनुष्यति वयं जयेम पृतनासु दूढयः | 1 ||
सुम्राळन्यः स्वराळन्य उच्यते वां महान्ताविन्द्रावरुणा महावसू |
विश्वे देवासः परमे व्योमनि सं वामोजो वृषणा सं बलं दधुः | 2 ||
अन्वपां खान्यतृन्तमोजसा सूर्यमैरयतं दिवि प्रभुम् |
इन्द्रावरुणा मदै अस्य मायिनोऽपिन्वतमपितः पिन्वतं धियः | 3 ||
युवामिद्युत्सु पृतनासु वह्नयो युवां क्षेमस्य प्रसवे मितज्ञवः |
ईशाना वस्व उभयस्य कारव इन्द्रावरुणा सुहवा हवामहे | 4 ||
इन्द्रावरुणा यदिमानि चक्रथुर्विश्वां जातानि भुवनस्य म्ज्मना |
क्षेमेण मित्रो वरुणं दुवस्यति मरुद्भिरुग्रः शुभमन्य ईयते | 5 ||
महे शुल्काय वरुणस्य नु त्विष ओजो मिमाते ध्रुवमस्य यत्स्वम् |
अजामिमन्यः श्रथयन्तमातिरद्वभ्रेभिरन्यः प्र वृणोति भूर्यसः | 6 ||
न तमंहो न दुरितानि मर्त्यमिन्द्रावरुणा न तपः कुतश्चन |
यस्य देवा गच्छथो वीथो अध्वरं न तं मर्तस्य नशते परिह्वतिः | 7 ||
अर्वाङ्गिरा दैव्येनावसा गतं शृणुतं हवं यदि मे जुजोषथः |
युवोर्हि सुख्यमुत वा यदाप्यं माडीकमिन्द्रावरुणा नि यच्छतम् | 8 ||

अस्माकमिन्द्रावरुणा भरैभरे पुरोयोधा भवतं कृष्ट्योजसा |
यद्वां हवन्त उभये अर्धं स्पृधि नरस्तोकस्य तनयस्य सातिषु || 9 ||
अस्मे इन्द्रो वरुणो मित्रो अर्यमा द्युमं यच्छन्तु महि शर्म सप्रथः |
अवधं ज्योतिरदितेऋतावृधो देवस्य श्लोकं सवितुर्मनामहे || 10 ||

(10)

83

(म.7, अनु.5)

ऋषिः वसिष्ठः मैत्रावरुणिः	छन्दः जगती	देवता इन्द्रावरुणौ
---------------------------	------------	--------------------

युवां नरा पश्यमानासु आप्यं प्राचा गव्यन्तः पृथुपर्शवो ययुः |
दासां च वृत्रा हतमार्याणि च सुदासमिन्द्रावरुणावसावतम् || 1 ||
यत्रा नरः समर्यन्ते कृतध्वजो यस्मिन्नाजा भवति किं च न प्रियम् |
यत्रा भयन्ते भुवना स्वर्दशस्तत्रा न इन्द्रावरुणाधि वोचतम् || 2 ||
सं भूम्या अन्ता ध्वसिरा अदक्षतेन्द्रावरुणा दिवि घोष आरुहत् |
अस्थुर्जनानामुप मामरातयोऽर्वागवसा हवनश्रुता गतम् || 3 ||
इन्द्रावरुणा वधनाभिरप्रति भेदं वन्वन्ता प्र सुदासमावतम् |
ब्रह्माण्येषां शृणुतं हवीमनि सत्या तृत्सूनामभवत्पुरोहितिः || 4 ||
इन्द्रावरुणावभ्या तपन्ति माघान्युर्यो वनुषामरातयः |
युवं हि वस्व उभयस्य राजथोऽर्धं स्मा नोऽवतं पार्ये दिवि || 5 ||
युवां हवन्त उभयास आजिष्विन्द्रं च वस्वो वरुणं च सातये |
यत्र राजभिर्दशभिर्निबाधितं प्र सुदासमावतं तृत्सुभिः सह || 6 ||
दश राजानः समिता अयज्यवः सुदासमिन्द्रावरुणा न युयुधुः |
सत्या नृणामद्भ्यसदामुपस्तुतिर्देवा एषामभवन्देवहृतिषु || 7 ||
दाशराज्ञे परियत्ताय विश्वतः सुदास इन्द्रावरुणावशिक्षतम् |
श्वित्यञ्चो यत्र नमसा कपर्दिनो धिया धीवन्तो असपन्त तृत्सवः || 8 ||
वृत्राण्यन्यः समिथेषु जिघ्रते व्रतान्यन्यो अभि रक्षते सदा |
हवामहे वां वृषणा सुवृक्तिभिरस्मे इन्द्रावरुणा शर्म यच्छतम् || 9 ||
अस्मे इन्द्रो वरुणो मित्रो अर्यमा द्युमं यच्छन्तु महि शर्म सप्रथः |
अवधं ज्योतिरदितेऋतावृधो देवस्य श्लोकं सवितुर्मनामहे || 10 ||

(5)

84

(म.7, अनु.5)

ऋषिः वसिष्ठः मैत्रावरुणिः	छन्दः त्रिष्टुप्	देवता इन्द्रावरुणौ
---------------------------	------------------	--------------------

आ वां राजानावध्वरे ववृत्यां हव्येभिरिन्द्रावरुणा नमोभिः |
प्र वां घृताचीं बाह्वोर्दधाना परि त्मना विषुरूपा जिगाति || 1 ||
युवो राष्ट्रं बृहदिन्वति द्यौर्यो सेतृभिररज्जुभिः सिनीथः |
परि नो हेळो वरुणस्य वृज्या उरुं न इन्द्रः कृणवदु लोकम् || 2 ||

कृतं नो यज्ञं विदथेषु चारुं कृतं ब्रह्माणि सुरिषु प्रशस्ता |
 उपो रयिदेवजूतो न एतु प्र णः स्पार्हाभिस्तिभिस्तिरेतम् || 3 ||
 अस्मे इन्द्रावरुणा विश्ववारं रयिं धत्तं वसुमन्तं पुरुक्षुम् |
 प्र य आदित्यो अनृता मिनात्यमिता शूरो दयते वसूनि || 4 ||
 इयमिन्द्रं वरुणमष्ट मे गीः प्रावत्तोके तनये तूतुजाना |
 सुरत्नासो देववीतिं गमेम यूयं पात स्वस्तिभिः सदा नः || 5 ||

(5)

85

(म.7, अनु.5)

ऋषिः वसिष्ठः मैत्रावरुणिः	छन्दः त्रिष्टुप्	देवता इन्द्रावरुणौ
---------------------------	------------------	--------------------

पुनीषे वामरक्षसं मनीषां सोममिन्द्राय वरुणाय जुह्वत् |
 घृतप्रतीकामुषसं न देवीं ता नो यामन्नुरुष्यतामभीकै || 1 ||
 स्पर्थन्ते वा उ देवहूये अत्र येषु ध्वजेषु दिद्यवः पतन्ति |
 युवं तां इन्द्रावरुणावमित्रान्हतं पराचः शर्वा विषूचः || 2 ||
 आपश्चिद्धि स्वयंशसः सदेःसु देवीरिन्द्रं वरुणं देवता धुः |
 कृष्टीरुन्यो धारयति प्रविक्ता वृत्राण्यन्यो अप्रतीनि हन्ति || 3 ||
 स सुक्रतुर्ऋतचिदस्तु होता य आदित्य शर्वसा वां नमस्वान् |
 आववर्तदवसे वां हविष्मानसदित्स सुविताय प्रयस्वान् || 4 ||
 इयमिन्द्रं वरुणमष्ट मे गीः प्रावत्तोके तनये तूतुजाना |
 सुरत्नासो देववीतिं गमेम यूयं पात स्वस्तिभिः सदा नः || 5 ||

(8)

86

(म.7, अनु.5)

ऋषिः वसिष्ठः मैत्रावरुणिः	छन्दः त्रिष्टुप्	देवता वरुणः
---------------------------	------------------	-------------

धीरा त्वस्य महिना जनुंषि वि यस्तस्तम्भु रोदसी चिदुर्वी |
 प्र नाकमृष्वं नुनुदे बृहन्तं द्विता नक्षत्रं पप्रथञ्च भूम || 1 ||
 उत स्वयां तन्वाइ सं वदे तत्कदा न्वशन्तर्वरुणे भुवानि |
 किं मै हव्यमहणानो जुषेत कदा मृळीकं सुमना अभि ख्यम् || 2 ||
 पृच्छे तदेनो वरुण दिदक्षूपो एमि चिकितुषो विपृच्छम् |
 समानमिन्मै कवयश्चिदाहुरयं ह तुभ्यं वरुणो हणीते || 3 ||
 किमागं आस वरुण ज्येष्ठं यत्स्तोतारं जिघांससि सखायम् |
 प्र तन्मै वोचो दूळभ स्वधावोऽव त्वानेना नमसा तुर इयाम् || 4 ||
 अव द्रुग्धानि पित्र्यां सृजा नोऽव या वयं चकृमा तनूभिः |
 अव राजन्यशुतृपं न तायुं सृजा वत्सं न दाम्नो वसिष्ठम् || 5 ||
 न स स्वो दक्षो वरुण धृतिः सा सुरा मन्युर्विभीदको अर्चितः |
 अस्ति ज्यायान्कनीयस उपारे स्वप्नश्चनेदनृतस्य प्रयोता || 6 ||

अरं दासो न मीळ्हुषे कराण्यहं देवाय भूर्णयेऽनागाः |
 अचैतयदचितो देवो अर्यो गृत्सं राये कवितरो जुनाति || 7 ||
 अयं सु तुभ्यं वरुण स्वधावो हृदि स्तोम उपश्रितश्चिदस्तु |
 शं नः क्षेमे शमु योगे नो अस्तु यूयं पात स्वस्तिभिः सदा नः || 8 ||

(7)

87

(म.7, अनु.5)

ऋषिः वसिष्ठः मैत्रावरुणिः	छन्दः त्रिष्टुप्	देवता वरुणः
---------------------------	------------------	-------------

रदत्पथो वरुणः सूर्याय प्राणांसि समुद्रिया नदीनाम् |
 सर्गो न सृष्टो अर्वतीर्ऋतायञ्चकार महीरवनीरहभ्यः || 1 ||
 आत्मा ते वातो रज् आ नवीनोत्पशुर्न भूर्णिर्यवसे ससवान् |
 अन्तर्मही बृहती रोदसीमे विश्वा ते धाम वरुण प्रियाणि || 2 ||
 परि स्पशो वरुणस्य स्मदिष्टा उभे पश्यन्ति रोदसी सुमेके |
 ऋतावानः कवयो यज्ञधीराः प्रचेतसो य इषयन्त मन्म || 3 ||
 उवाच मे वरुणो मेधिराय त्रिः सप्त नामाघ्या बिभर्ति |
 विद्वान्पदस्य गुह्या न वोचद्युगाय विप्र उपराय शिक्षन् || 4 ||
 तिस्रो द्यावो निहिता अन्तरस्मिन्तिस्रो भूमिरुपराः षड्विधानाः |
 गृत्सो राजा वरुणश्चक्र एतं दिवि प्रेङ्खं हिरण्ययं शुभे कम् || 5 ||
 अव सिन्धुं वरुणो द्यौरिव स्थादद्रप्सो न श्वेतो मृगस्तुविष्मान् |
 गम्भीरशंसो रजसो विमानः सुपारक्षत्रः सतो अस्य राजा || 6 ||
 यो मृळ्याति चक्रुषे चिदागो वयं स्याम् वरुणे अनागाः |
 अनु व्रतान्यदितेऋधन्तो यूयं पात स्वस्तिभिः सदा नः || 7 ||

(7)

88

(म.7, अनु.5)

ऋषिः वसिष्ठः मैत्रावरुणिः	छन्दः त्रिष्टुप्	देवता वरुणः
---------------------------	------------------	-------------

प्र शुन्ध्युवं वरुणाय प्रेष्ठां मतिं वसिष्ठ मीळ्हुषे भरस्व |
 य ईमर्वाञ्च करते यजत्रं सहस्रामघं वृषणं बृहन्तम् || 1 ||
 अध्वा न्वस्य सदृशं जगन्वान्ग्रेरनीकं वरुणस्य मंसि |
 स्वर्श्यदशमन्त्रधिपा उ अन्धोऽभि मा वपुर्दृशये निनीयात् || 2 ||
 आ यद्गुहाव वरुणश्च नावं प्र यत्समुद्रमीरयाव मध्यम् |
 अधि यदपां स्नुभिश्चराव प्र प्रेङ्ख ईङ्ख्यावहै शुभे कम् || 3 ||
 वसिष्ठं ह वरुणो नाव्याधादृषिं चकार स्वपा महोभिः |

स्तोतारं विप्रः सुदिनत्वे अह्नां यान्नु द्यावस्तुतन्यादुषासः	॥ 4 ॥
क्वत्त्यानि नौ सुख्या बभूवुः सर्वावहे यदवृकं पुरा चित्	
बृहन्तं मानं वरुण स्वधावः सहस्रद्वारं जगमा गृहं ते	॥ 5 ॥
य आपिर्नित्यो वरुण प्रियः सन्त्वामागांसि कृणवत्सखा ते	
मा तु एनस्वन्तो यक्षिन्भुजेम यन्धि ष्मा विप्रः स्तुवते वरूथम्	॥ 6 ॥
ध्रुवासु त्वासु क्षितिषु क्षियन्तो व्यस्मत्पाशं वरुणो मुमोचत्	
अवो वन्वाना अदितेरुपस्थाद्युयं पात स्वस्तिभिः सदा नः	॥ 7 ॥

(5)

89

(म.7, अनु.5)

ऋषिः वसिष्ठः मैत्रावरुणिः	छन्दः गायत्री 1-4, जगती 5	देवता वरुणः
---------------------------	---------------------------	-------------

मो षु वरुण मृन्मयं गृहं राजन्नहं गमम् । मृळा सुक्षत्र मृळय	॥ 1 ॥
यदेमि प्रस्फुरन्निवृ दृतिर्न ध्मातो अद्रिवः । मृळा सुक्षत्र मृळय	॥ 2 ॥
क्रत्वः समह दीनतां प्रतीपं जगमा शुचे । मृळा सुक्षत्र मृळय	॥ 3 ॥
अपां मध्ये तस्थिवांसं तृष्णाविदञ्जुरितारम् । मृळा सुक्षत्र मृळय	॥ 4 ॥
यत्किं चेदं वरुण दैव्ये जनेऽभिद्रोहं मनुष्याश्चरामसि	
अचिन्ती यत्तव धर्मा युयोपिम मा नस्तस्मादेनसो देव रीरिषः	॥ 5 ॥

(7)

90

(म.7, अनु.6)

ऋषिः वसिष्ठः मैत्रावरुणिः	छन्दः त्रिष्टुप्	देवता वायुः 1-4, इन्द्रवायू 5-7
---------------------------	------------------	---------------------------------

प्र वीर्या शुचयो दद्रिरे वामध्वर्युभिर्मधुमन्तः सुतासः	
वह वायो नियुतो याह्यच्छा पिबा सुतस्यान्धसो मदाय	॥ 1 ॥
ईशानाय प्रहृतिं यस्त आनट् शुचिं सोमं शुचिपास्तुभ्यं वायो	
कृणोषि तं मर्त्येषु प्रशस्तं जातोजातो जायते वाज्यस्य	॥ 2 ॥
राये नु यं जज्ञतू रोदसीमे राये देवी धिषणा धाति देवम्	
अध वायुं नियुतः सश्चत् स्वा उत श्वेतं वसुधितिं निरेके	॥ 3 ॥
उच्छन्नुषसः सुदिना अरिप्रा उरु ज्योतिर्विविदुर्दीध्यानाः	
गव्यं चिदूर्वमुशिजो वि वन्नुस्तेषामनु प्रदिवः ससुरापः	॥ 4 ॥
ते सत्येन मनसा दीध्यानाः स्वेन युक्तासः क्रतुना वहन्ति	
इन्द्रवायू वीरवाहं रथं वामीशानयोर्भि पृक्षः सचन्ते	॥ 5 ॥
ईशानासो ये दधते स्वर्णो गोभिरश्वेभिर्वसुभिर्हिरण्यैः	
इन्द्रवायू सूरयो विश्वमायुरर्विद्धिर्वीरैः पृतनासु सह्युः	॥ 6 ॥
अर्वन्तो न श्रवसो भिक्षमाणा इन्द्रवायू सुष्टुतिभिर्वसिष्ठाः	
वाज्यन्तः स्ववसे हुवेम यूयं पात स्वस्तिभिः सदा नः	॥ 7 ॥

(7)

91

(म.7, अनु.6)

ऋषिः वसिष्ठः मैत्रावरुणिः

छन्दः त्रिष्टुप्

देवता वायुः 1-3, इन्द्रवायू 4-7

कुविदुङ्ग नमसा ये वृधासः पुरा देवा अनवद्यास आसन्	
ते वायवे मनवे बाधितायावासयन्नुषसं सूर्येण	॥ 1 ॥
उशन्तां दूता न दभाय गोपा मासश्च पाथः शरदश्च पूर्वीः	
इन्द्रवायू सुष्टुतिर्वामियाना माड्रीकमीट्टे सुवितं च नव्यम्	॥ 2 ॥
पीवोअत्रां रयिवृधः सुमेधाः श्वेतः सिषक्ति नियुतामभिःश्रीः	
ते वायवे समनसो वि तस्थुर्विश्वेन्नरः स्वप्त्यानि चक्रुः	॥ 3 ॥
यावत्तरस्तन्वोरे यावदोजो यावन्नरश्चक्षसा दीध्यानाः	
शुचिं सोमं शुचिपा पातमस्मे इन्द्रवायू सदतं बहिरेदम्	॥ 4 ॥
नियुवाना नियुतः स्पार्हवीरा इन्द्रवायू स्रथं यातमर्वाक्	
इदं हि वां प्रभृतं मध्वो अग्रमधं प्रीणाना वि मुमुक्तमस्मे	॥ 5 ॥
या वां शतं नियुतो याः सहस्रमिन्द्रवायू विश्ववाराः सचन्ते	
आभिर्यातं सुविदत्राभिरर्वाक्पातं नरा प्रतिभृतस्य मध्वः	॥ 6 ॥
अर्वन्तो न श्रवसो भिक्षमाणा इन्द्रवायू सुष्टुतिभिर्वसिष्ठाः	
वाज्यन्तः स्ववसे हुवेम यूयं पात स्वस्तिभिः सदा नः	॥ 7 ॥

(5)

92

(म.7, अनु.6)

ऋषिः वसिष्ठः मैत्रावरुणिः

छन्दः त्रिष्टुप्

देवता वायुः 1,3,5, इन्द्रवायू 2,4

आ वायो भूष शुचिपा उपे नः सहस्रं ते नियुतो विश्ववार	
उपो ते अन्धो मद्यमयामि यस्य देव दधिषे पूर्वपेयम्	॥ 1 ॥
प्र सोता जीरो अध्वरेष्वस्थात्सोममिन्द्राय वायवे पिबध्यै	
प्र यद्वां मध्वो अग्रियं भरन्त्यध्वर्यवो देवयन्तः शचीभिः	॥ 2 ॥
प्र याभिर्यासिं दाश्वान्समच्छा नियुद्धिर्वायविष्टयै दुरोणे	
नि नो रयिं सुभोजसं युवस्व नि वीरं गव्यमश्व्यं च राधः	॥ 3 ॥
ये वायव इन्द्रमादनास आदेवासो नितोशनासो अर्यः	
घ्नन्तो वृत्राणि सूरिभिः ध्याम सास्रह्वांसो युधा नृभिरमित्रान्	॥ 4 ॥
आ नो नियुद्धिः शतिनीभिरध्वरं सहस्रिणीभिरुप याहि यज्ञम्	
वायो अस्मिन्सर्वने मादयस्व यूयं पात स्वस्तिभिः सदा नः	॥ 5 ॥

ऋषिः वसिष्ठः मैत्रावरुणिः

छन्दः त्रिष्टुप्

देवता इन्द्राग्नी

शुचिं नु स्तोमं नवजातमद्येन्द्राग्नी वृत्रहणा जुषेथाम्		
उभा हि वां सुहवा जोहवीमि ता वाजं सद्य उंशते धेष्ठा	1	
ता सान्सी शवसाना हि भूतं साकंवृधा शवसा शूशुवांसा		
क्षयन्तौ रायो यवसस्य भूरैः पृङ्गं वाजस्य स्थविरस्य घृष्वैः	2	
उपो ह यद्विदथं वाजिनो गुधीभिर्विप्राः प्रमतिमिच्छमानाः		
अर्वन्तो न काष्ठां नक्षमाणा इन्द्राग्नी जोहवतो नरस्ते	3	
गीर्भिर्विप्रः प्रमतिमिच्छमान् ईद्वै रयिं यशसं पूर्वभाजम्		
इन्द्राग्नी वृत्रहणा सुवज्रा प्र नो नव्येभिस्तिरतं देष्णैः	4	
सं यन्मही मिथती स्पर्धमाने तनुरुचा शूरसाता यतैते		
अदेवयुं विदथे देवयुभिः सत्रा हतं सोमसुता जनैन	5	
इमामु षु सोमसुतिमुपं न एन्द्राग्नी सौमनसायं यातम्		
नू चिद्धि परिमग्राथे अस्माना वां शश्वद्भिर्ववृतीय वाजैः	6	
सो अग्र एना नमसा समिद्धोऽच्छा मित्रं वरुणमिन्द्रं वोचेः		
यत्सीमार्गश्चकृमा तत्सु मृळ तदर्युमादितिः शिश्रथन्तु	7	
एता अग्र आशुषाणास इष्टीर्युवोः सचाभ्यश्याम् वाजान्		
मेन्द्रो नो विष्णुर्मरुतः परि ख्यन्युयं पात स्वस्तिभिः सदा नः	8	

ऋषिः वसिष्ठः मैत्रावरुणिः

छन्दः गायत्री 1-11, अनुष्टुप् 12

देवता इन्द्राग्नी

इयं वामस्य मन्मन् इन्द्राग्नी पूर्व्यस्तुतिः		अभ्रादृष्टिर्वाजनि	1
शृणुतं जरितुर्हवमिन्द्राग्नी वनतं गिरः		ईशाना पिप्यतं धियः	2
मा पापुत्वार्यं नो नरेन्द्राग्नी माभिशास्तये		मा नो रीरधतं निदे	3
इन्द्रे अग्रा नमो बृहत्सुवृक्तिमेरयामहे		धिया धेना अवस्यवः	4
ता हि शश्वन्तु ईळत इत्था विप्रास ऊतये		सुबाधो वाजसातये	5
ता वां गीर्भिर्विपन्यवः प्रयस्वन्तो हवामहे		मेधसाता सनिष्यवः	6
इन्द्राग्नी अवसा गतमस्मभ्यं चर्षणीसहा		मा नो दुःशंसं ईशत	7
मा कस्यं नो अररुषो धूर्तिः प्रणङ्गत्यस्य		इन्द्राग्नी शर्म यच्छतम्	8
गोमृद्धिरण्यवद्वसु यद्वामश्वावदीमहे		इन्द्राग्नी तद्वनेमहि	9
यत्सोम् आ सुते नर इन्द्राग्नी अजोहवुः		सप्तीवन्ता सपर्यवः	10
उक्थेभिर्वृत्रहन्तमा या मन्दाना चिदा गिरा		आङ्गैराविवासतः	11
ताविदुःशंसं मर्त्यं दुर्विद्वांसं रक्षस्विनम्		आभोगं हन्मना हतमुदधिं हन्मना हतम्	12

(6)

95

(म.7, अनु.6)

ऋषिः वसिष्ठः मैत्रावरुणिः छन्दः त्रिष्टुप् 1-2, बृहती 3-6 देवता सरस्वती 1-2,4-6, सरस्वान् 3

प्र क्षोदसा धार्यसा सस्र एषा सरस्वती धरुणमार्यसी पूः	
प्रबाबधाना रथ्येव याति विश्वा अपो महिना सिन्धुरन्याः	॥ 1 ॥
एकाचेत्सरस्वती नदीनां शुचिर्यती गिरिभ्य आ समुद्रात्	
रायश्चेतन्ती भुवनस्य भूरैर्घृतं पयो दुदुहे नाहृषाय	॥ 2 ॥
स वावृधे नयो योषणासु वृषा शिशुर्वृषभो यज्ञियासु	
स वाजिनं मघवद्भ्यो दधाति वि सातये तन्वं मामृजीत	॥ 3 ॥
उत स्या नः सरस्वती जुषाणोप श्रवत्सुभगा यज्ञे अस्मिन्	
मित्तुभिर्नमस्यैरियाना राया युजा चिदुत्तरा सखिभ्यः	॥ 4 ॥
इमा जुह्वाना युष्मदा नमोभिः प्रति स्तोमं सरस्वति जुषस्व	
तव शर्मन्त्रियतमे दधाना उप स्थयाम शरणं न वृक्षम्	॥ 5 ॥
अयमुं ते सरस्वति वसिष्ठो द्वारावृतस्य सुभगे व्यावः	
वर्ध शुभ्रे स्तुवते रासि वाजान्युयं पात स्वस्तिभिः सदा नः	॥ 6 ॥

(6)

96

(म.7, अनु.6)

ऋषिः वसिष्ठः मैत्रावरुणिः छन्दः बृहती 1, सतोबृहती 2, प्रस्तारपङ्क्तिः 3, गायत्री 4-6
देवता सरस्वती 1-3, सरस्वान् 4-6

बृहदु गायिषे वचोऽसुर्या नदीनाम्	
सरस्वतीमिन्महया सुवृक्तिभिः स्तोमैर्वसिष्ठ रोदसी	॥ 1 ॥
उभे यत्ते महिना शुभ्रे अन्धसी अधिक्षियन्ति पूरवः	
सा नो बोध्यवित्री मरुत्सखा चोद राधो मघोनाम्	॥ 2 ॥
भद्रमिद्भद्रा कृणवत्सरस्वत्यकवारी चेतति वाजिनीवती	
गृणाना जमदग्निवत्स्तुवाना च वसिष्ठवत्	॥ 3 ॥
जनीयन्तो न्वग्रवः पुत्रीयन्तः सुदानवः सरस्वन्तं हवामहे	॥ 4 ॥
ये ते सरस्व ऊर्मयो मधुमन्तो घृतश्रुतः तेभिर्नोऽविता भव	॥ 5 ॥
पीपिवांसं सरस्वतः स्तनं यो विश्वदर्शतः भक्षीमहि प्रजामिषम्	॥ 6 ॥

(10)

97

(म.7, अनु.6)

ऋषिः वसिष्ठः मैत्रावरुणिः छन्दः त्रिष्टुप् देवता इन्द्रः 1, बृहस्पतिः 2,4-8, इन्द्राब्रह्मणस्पती 3,9,
इन्द्राबृहस्पती 10

यज्ञे दिवो नृषदने पृथिव्या नरो यत्र देवयवो मरुन्ति	
इन्द्राय यत्र सर्वानि सुन्वे गमन्मदाय प्रथमं वयश्च	॥ 1 ॥
आ दैव्या वृणीमहेऽवांसि बृहस्पतिर्नो मह आ संखायः	

यथा भवेम मीळहुषे अनागा यो नो दाता परावतः पितेव	॥ 2 ॥
तमु ज्येष्ठं नमसा हविर्भिः सुशेवं ब्रह्मणस्पतिं गृणीषे	
इन्द्रं श्लोको महि दैव्यः सिषक्तु यो ब्रह्मणो देवकृतस्य राजा	॥ 3 ॥
स आ नो योनिं सदतु प्रेष्ठो बृहस्पतिर्विश्ववारो यो अस्ति	
कामो रायः सुवीर्यस्य तं दात्पर्षन्नो अतिं सञ्चतो अरिष्टान्	॥ 4 ॥
तमा नो अर्कममृताय जुष्टमिमे धासुरमृतासः पुराजाः	
शुचिक्रन्दं यजतं पस्त्यानां बृहस्पतिमनर्वाणं हुवेम	॥ 5 ॥
तं शग्मासो अरुषासो अश्वा बृहस्पतिं सहवाहो वहन्ति	
सहश्चिद्यस्य नीलवत्सुधस्थं नभो न रूपमरुषं वसानाः	॥ 6 ॥
स हि शुचिः शतपत्रः स शुन्ध्युर्हिरण्यवाशीरिषिरः स्वर्षाः	
बृहस्पतिः स स्वावेश ऋष्वः पुरु सखिभ्य आसुतिं करिष्ठः	॥ 7 ॥
देवी देवस्य रोदसी जनित्री बृहस्पतिं वावृधतुर्महित्वा	
दक्षाय्याय दक्षता सखायः करद्वह्मणे सुतरा सुगाधा	॥ 8 ॥
इयं वां ब्रह्मणस्पते सुवृक्तिर्ब्रह्मेन्द्राय वृज्जिणं अकारि	
अविष्टं धियो जिगृतं पुरंधीर्जजस्तमर्यो वनुषामरातीः	॥ 9 ॥
बृहस्पते युवमिन्द्रश्च वस्वो दिव्यस्यैशाथे उत पार्थिवस्य	
धत्तं रयिं स्तुवते कीरये चिद्युयं पात स्वस्तिभिः सदा नः	॥ 10 ॥

(7)

98

(म.7, अनु.6)

ऋषिः वसिष्ठः मैत्रावरुणिः

छन्दः त्रिष्टुप्

देवता इन्द्रः 1-6, इन्द्राबृहस्पती 7

अध्वर्यवोऽरुणं दुग्धमंशुं जुहोतन वृषभार्य क्षितीनाम्	
गौराद्वेदीयां अवपानमिन्द्रो विश्वाहेद्याति सुतसोममिच्छन्	॥ 1 ॥
यद्दधिषे प्रदिवि चार्वन्नं दिवेदिवे पीतिमिदस्य वक्षि	
उत हृदोत मनसा जुषाण उशन्निन्द्र प्रस्थितान्पाहि सोमान्	॥ 2 ॥
जज्ञानः सोमं सहसे पपाथु प्र ते माता महिमानमुवाच	
एन्द्रं पप्राथोर्वंन्तरिक्षं युधा देवेभ्यो वरिवश्चकथ	॥ 3 ॥
यद्योधया महतो मन्यमानान्त्साक्षाम् तान्ब्राहुभिः शाशदानान्	
यद्वा नृभिर्वृत इन्द्राभियुध्यास्तं त्वयाजिं सौश्रवसं जयेम	॥ 4 ॥
प्रेन्द्रस्य वोचं प्रथुमा कृतानि प्र नूतना मघवा या चकार	
यदेददेवीरसहिष्ट माया अथाभवत्केवलः सोमो अस्य	॥ 5 ॥
तवेदं विश्वमभितः पशुव्यं यत्पश्यसि चक्षसा सूर्यस्य	
गवामसि गोपतिरेक इन्द्र भक्षीमहि ते प्रयतस्य वस्वः	॥ 6 ॥
बृहस्पते युवमिन्द्रश्च वस्वो दिव्यस्यैशाथे उत पार्थिवस्य	
धत्तं रयिं स्तुवते कीरये चिद्युयं पात स्वस्तिभिः सदा नः	॥ 7 ॥

ऋषिः वसिष्ठः मैत्रावरुणिः

छन्दः त्रिष्टुप्

देवता विष्णुः 1-3,7, इन्द्राविष्णु 4-6

पुरो मात्रया तन्वा वृधान् न ते महित्वमन्वश्रुवन्ति	
उभे ते विद्म रजसी पृथिव्या विष्णो देव त्वं परमस्य वित्से	॥ 1 ॥
न ते विष्णो जायमानो न जातो देव महिम्नः परमन्तमाप	
उदस्तभ्रा नाकमृष्वं बृहन्तं दाधर्थं प्राचीं ककुभं पृथिव्याः	॥ 2 ॥
इरावती धेनुमती हि भूतं सूयवसिनी मनुषे दशस्या	
व्यस्तभ्रा रोदसी विष्णवेते दाधर्थं पृथिवीमभितो मयूखैः	॥ 3 ॥
उरुं यज्ञाय चक्रथुरु लोकं जनयन्ता सूर्यमुषासमग्निम्	
दासस्य चिद्वृषशिप्रस्य माया जघ्नथुर्नरा पृतनाज्येषु	॥ 4 ॥
इन्द्राविष्णु दंहिताः शम्बरस्य नव पुरो नवतिं च श्रथिष्टम्	
शतं वर्चिनः सहस्रं च साकं हथो अप्रत्यसुरस्य वीरान्	॥ 5 ॥
इयं मनीषा बृहती बृहन्तोरुक्रमा तवसा वर्धयन्ती	
ररे वां स्तोमं विदथेषु विष्णो पिन्वतमिषो वृजनैष्विन्द्र	॥ 6 ॥
वषट् ते विष्णवासा आ कृणोमि तन्मै जुषस्व शिपिविष्ट हव्यम्	
वर्धन्तु त्वा सुष्टुतयो गिरो मे यूयं पात स्वस्तिभिः सदा नः	॥ 7 ॥

ऋषिः वसिष्ठः मैत्रावरुणिः

छन्दः त्रिष्टुप्

देवता विष्णुः

नू मतो दयते सनिष्यन्यो विष्णव उरुगायाय दशत्	
प्र यः सत्राचा मनसा यजात एतावन्तं नर्यमाविवासात्	॥ 1 ॥
त्वं विष्णो सुमतिं विश्वजन्यामप्रयुतामेवयावो मतिं दाः	
पर्चो यथा नः सुवितस्य भूरेश्वावतः पुरुश्चन्द्रस्य रायः	॥ 2 ॥
त्रिदेवः पृथिवीमेष एतां वि चक्रमे शतर्चसं महित्वा	
प्र विष्णुरस्तु तवसस्तवीयान्त्वेषं ह्यस्य स्थविरस्य नाम	॥ 3 ॥
वि चक्रमे पृथिवीमेष एतां क्षेत्राय विष्णुर्मनुषे दशस्यन्	
ध्रुवासो अस्य कीरयो जनास उरुक्षितिं सुजनिमा चकार	॥ 4 ॥
प्र तत्ते अद्य शिपिविष्ट नामार्यः शंसामि व्युनानि विद्वान्	
तं त्वा गृणामि तवसमर्तव्यान्क्षयन्तमस्य रजसः पराके	॥ 5 ॥
किमित्तं विष्णो परिचक्ष्यं भूत्प्र यद्वक्षे शिपिविष्टो अस्मि	
मा वर्षो अस्मदप गूह एतद्यदन्यरूपः समिथे बभूथ	॥ 6 ॥
वषट् ते विष्णवासा आ कृणोमि तन्मै जुषस्व शिपिविष्ट हव्यम्	
वर्धन्तु त्वा सुष्टुतयो गिरो मे यूयं पात स्वस्तिभिः सदा नः	॥ 7 ॥

| इति पञ्चमाष्टके षष्ठोऽध्यायः समाप्तः ।

(सप्तमोऽध्यायः ॥ वर्गाः 1-33)

(6)

101

(म. 7, अनु. 6)

ऋषिः कुमारः आग्नेयः, वा मैत्रावरुणिः वसिष्ठः	छन्दः त्रिष्टुप्	देवता पर्जन्यः
--	------------------	----------------

तिस्रो वाचः प्र वद ज्योतिरग्रा या एतद्बुहे मधुदोघमूर्धः	
स वत्सं कृण्वन्गर्भमोषधीनां सद्यो जातो वृषभो रौरवीति	॥ 1 ॥
यो वर्धन् ओषधीनां यो अपां यो विश्वस्य जगतो देव ईशो	
स त्रिधातुं शरणं शर्मं यंसत्त्रिवर्तुं ज्योतिः स्वभिष्ट्यश्मे	॥ 2 ॥
स्तरीरुं त्वद्भवति सूतं उ त्वद्यथावशं तन्वं चक्र एषः	
पितुः पयः प्रति गृह्णाति माता तेन पिता वर्धते तेन पुत्रः	॥ 3 ॥
यस्मिन्विश्वानि भुवनानि तस्थुस्तिस्त्रो द्यावस्त्रेधा ससुरापः	
त्रयः कोशास उपसेचनासो मध्वः श्रोतन्त्यभितो विरप्शाम्	॥ 4 ॥
इदं वचः पर्जन्याय स्वराजं हृदो अस्त्वन्तरं तज्जुजोषत्	
मयोभुवो वृष्टयः सन्त्वस्मे सुपिप्पला ओषधीर्देवगोपाः	॥ 5 ॥
स रेतोधा वृषभः शश्वतीनां तस्मिन्नात्मा जगतस्तस्थुषश्च	
तन्मं ऋतं पातु शतशारदाय यूयं पात स्वस्तिभिः सदा नः	॥ 6 ॥

(3)

102

(म. 7, अनु. 6)

ऋषिः कुमारः आग्नेयः, मैत्रावरुणिः वा वसिष्ठः	छन्दः गायत्री 1,3, पादनितृत् 2	देवता पर्जन्यः
--	--------------------------------	----------------

पर्जन्याय प्र गायत दिवस्पुत्राय मीळहुषै स नो यवसमिच्छतु	॥ 1 ॥
यो गर्भमोषधीनां गवां कृणोत्यर्वताम् पर्जन्यः पुरुषीणाम्	॥ 2 ॥
तस्मा इदास्ये हविर्जुहोता मधुमत्तमम् इळां नः संयतं करत्	॥ 3 ॥

(10)

103

(म. 7, अनु. 6)

ऋषिः वसिष्ठः मैत्रावरुणिः	छन्दः अनुष्टुप् 1, त्रिष्टुप् 2-10	देवता मण्डूकाः (पर्जन्यः)
---------------------------	------------------------------------	---------------------------

संवत्सरं शशयाना ब्राह्मणा व्रतचारिणः	
वाचं पर्जन्यजिन्वितां प्र मण्डूकां अवादिषुः	॥ 1 ॥
दिव्या आपो अभि यदेनमायन्दति न शुष्कं सरसी शयानम्	
गवामह न मायुर्वत्सिनीनां मण्डूकानां वृष्टुरत्रा समेति	॥ 2 ॥
यदीमेनां उशतो अभ्यवर्षीत्तृष्यावतः प्रावृष्यार्गतायाम्	
अखब्रुलीकृत्या पितरं न पुत्रो अन्यो अन्यमुप वदन्तमेति	॥ 3 ॥
अन्यो अन्यमनु गृह्णात्येनोरुपां प्रसर्गे यदमन्दिषाताम्	
मण्डूको यदभिवृष्टः कनिष्कन्पृश्निः संपृङ्गे हरितेन वाचम्	॥ 4 ॥
यदेषामन्यो अन्यस्य वाचं शाक्तस्यैव वदति शिक्षमाणः	
सर्वं तदेषां समृधेव पर्व यत्सुवाचो वदथनाध्यप्सु	॥ 5 ॥
गोमायुरेको अजमायुरेकः पृश्निरेको हरित् एक एषाम्	

समानं नाम बिभ्रतो विरूपाः पुरुत्रा वाचं पिपिशुर्वदन्तः	॥ 6 ॥
ब्राह्मणासो अतिरात्रे न सोमे सरो न पूर्णमभितो वदन्तः	
संवत्सरस्य तदहः परिं ष्ट यन्मण्डूकाः प्रावृषीणं बभूव	॥ 7 ॥
ब्राह्मणासः सोमिनो वाचमक्रत् ब्रह्म कृण्वन्तः परिवत्सरीणम्	
अध्वर्यवो घर्मिणः सिष्विदाना आविर्भवन्ति गुह्या न के चित्	॥ 8 ॥
देवहितं जुगुपुर्द्वादशस्य ऋतुं नरो न प्र मिनन्त्येते	
संवत्सरे प्रावृष्यार्गतायां तप्ता घर्मा अश्रुवते विसर्गम्	॥ 9 ॥
गोमायुरदादजमायुरदात्पृश्निरदाद्धरितो नो वसूनि	
गवां मण्डूका ददतः शतानि सहस्रसावे प्र तिरन्त आयुः	॥ 10 ॥

(25)

104

(म. 7, अनु. 6)

ऋषिः वसिष्ठः मैत्रावरुणिः	छन्दः जगती 1-6, 18, 21, 23, जगती त्रिष्टुप् वा 7, त्रिष्टुप् 8-17,
19-20, 22, 24 अनुष्टुप् 25 देवता रक्षोहणौ इन्द्रासोमौ	1-7, 15, 24-25, इन्द्रः 8, 16, 19-22,
सोमः 9, 12-13, अग्निः 10, 14, देवाः 11, ग्रावाणः 17, मरुतः 18, वसिष्ठाशीः पृथिव्यन्तरिक्षाणि	23

इन्द्रासोमा तर्पतं रक्ष उब्जतं न्यर्पयतं वृषणा तमोवृधः	
परां शृणीतमचितो न्योषतं हतं नुदेथां नि शिशीतमत्रिणः	॥ 1 ॥
इन्द्रासोमा समघशंसमभ्यर्धं तपुय्यस्तु चरुरग्निवाँडैव	
ब्रह्मद्विषे क्रव्यादे घोरचक्षसे द्वेषो धत्तमनवायं किमीदिने	॥ 2 ॥
इन्द्रासोमा दुष्कृतो वृत्रे अन्तरनारम्भणे तमसि प्र विध्यतम्	
यथा नातः पुनरेकश्चनोदयत्तद्वामस्तु सहसे मन्युमच्छवः	॥ 3 ॥
इन्द्रासोमा वर्तयतं दिवो वृधं सं पृथिव्या अघशंसाय तर्हणम्	
उत्तक्षतं स्वर्यं पर्वतेभ्यो येन रक्षो वावृधानं निजूर्वथः	॥ 4 ॥
इन्द्रासोमा वर्तयतं दिवस्पर्यग्नितप्तेभिर्युवमश्महन्मभिः	
तपुर्वधेभिरजरैभिरत्रिणो नि पर्शाने विध्यतं यन्तु निस्वरम्	॥ 5 ॥
इन्द्रासोमा परिं वां भूतु विश्वत इयं मतिः कक्ष्याश्वैव वाजिनां	
यां वां होत्रां परिहिनामि मेधयेमा ब्रह्माणि नृपतीव जिन्वतम्	॥ 6 ॥
प्रति स्मरेथां तुजयद्भिरेवैर्हतं द्रुहो रक्षसो भङ्गुरावतः	
इन्द्रासोमा दुष्कृते मा सुगं भूद्यो नः कदा चिदभिदासति द्रुहा	॥ 7 ॥
यो मा पाकेन मनसा चरन्तमभिचष्टे अनृतेभिर्वचोभिः	
आपेइव काशिना संगृभीता असन्नस्त्वासत इन्द्र वृक्ता	॥ 8 ॥
ये पाकशंसं विहरन्त एवैर्ये वा भद्रं दूषयन्ति स्वधाभिः	
अहये वा तान्प्रददातु सोम आ वा दधातु निर्ऋतेरुपस्थे	॥ 9 ॥
यो नो रसं दिप्सति पित्वो अग्ने यो अश्वानां यो गवां यस्तनूनाम्	

रिपुः स्तेनः स्तैयकृद्भ्रमेतु नि ष हीयतां तन्वाꣳ तनां च	॥ 10 ॥
पुरः सो अस्तु तन्वाꣳ तनां च तिस्रः पृथिवीरधो अस्तु विश्वाः	
प्रति शुष्यतु यशो अस्य देवा यो नो दिवा दिप्सति यश्च नक्तम्	॥ 11 ॥
सुविज्ञानं चिकितुषे जनाय सञ्चासञ्च वचसी पस्पृधाते	
तयोर्यत्सत्यं यत्ररदजीयस्तदित्सोमोऽवति हन्त्यासत्	॥ 12 ॥
न वा उ सोमो वृजिनं हिनोति न क्षत्रियं मिथुया धारयन्तम्	
हन्ति रक्षो हन्त्यासद्वदन्तमुभाविन्द्रस्य प्रसितौ शयाते	॥ 13 ॥
यदि वाहमनृतदेव आसु मोघं वा देवां अप्यूहे अग्रे	
किमस्मभ्यं जातवेदो हणीषे द्रोघ्वाचस्ते निर्ऋथं सचन्ताम्	॥ 14 ॥
अद्या मुरीय यदि यातुधानो अस्मि यदि वायुस्तप पूरुषस्य	
अधा स वीरैर्दशाभिर्वि यूया यो मा मोघं यातुधानेत्याह	॥ 15 ॥
यो मायातुं यातुधानेत्याह यो वा रक्षाः शुचिरस्मीत्याह	
इन्द्रस्तं हन्तु महता वधेन विश्वस्य जन्तोरधुमस्पदीष्ट	॥ 16 ॥
प्र या जिगाति खर्गलेव नक्तमपं द्रुहा तन्वंꣳ गूहमाना	
वृत्रां अनन्तां अव सा पदीष्ट ग्रावाणो घ्नन्तु रक्षसं उपब्दैः	॥ 17 ॥
वि तिष्ठध्वं मरुतो विक्ष्विꣳच्छतं गृभायतं रक्षसः सं पिनष्टन	
वयो ये भूत्वी पतयन्ति नक्तभिर्ये वा रिपो दधिरे देवे अध्वरे	॥ 18 ॥
प्र वर्तय दिवो अश्मानमिन्द्र सोमशितं मघवन्तसं शिशाधि	
प्राक्तादपाक्तादधुरादुदक्तादभि जहि रक्षसः पर्वतेन	॥ 19 ॥
एत उ त्वे पतयन्ति श्वयातव इन्द्रं दिप्सन्ति दिप्सवोऽदाभ्यम्	
शिशीते शक्रः पिशुनेभ्यो वधं नूनं सृजदुशनिं यातुमद्भ्यः	॥ 20 ॥
इन्द्रो यातूनामभवत्पराशरो हविर्मथीनामभ्याꣳविवासताम्	
अभीदु शक्रः परशुर्यथा वनं पात्रेव भिन्दन्सत एति रक्षसः	॥ 21 ॥
उलूकयातुं शुशुलूकयातुं जहि श्वयातुमुत कोकयातुम्	
सुपर्णयातुमुत गृध्रयातुं दृषदेव प्र मृण रक्षं इन्द्र	॥ 22 ॥
मा नो रक्षो अभि नड्यातुमावतामपोच्छतु मिथुना या किमीदिना	
पृथिवी नः पार्थिवात्पात्वंहसोऽन्तरिक्षं दिव्यात्पात्वस्मान्	॥ 23 ॥
इन्द्रं जहि पुमांसं यातुधानमुत स्त्रियं मायया शाशदानाम्	
विग्रीवासो मूरदेवा ऋदन्तु मा ते दृशन्तसूर्यमुच्चरन्तम्	॥ 24 ॥
प्रति चक्ष्व वि चक्ष्वेन्द्रश्च सोम जागृतम्	
रक्षोभ्यो वधमस्यतमशनिं यातुमद्भ्यः	॥ 25 ॥

| इति सप्तमं मण्डलं समाप्तम् |